

K 80247
3

ՀԱՄԱՅՆՄԱՆ
ՆՈՒՆՈՒԹՅՈՒՆ

Բ. ԿՈՒՆՅԱՆ

ՆՈՒՆՈՒԹՅՈՒՆ

871
h-314

ბ. რაჭველიშვილი



ი რ ი ა ჭ ა ვ ჭ ა ვ ა ძ ე

ს ა ხ ე ლ ბ ა მ ი
ტფილისი
1937



ქართული
ბიბლიოთეკა



ილია ჭავჭავაძის საიუბილეო კომიტეტი



ქ. რამგელიაშვილი

ილია ჭავჭავაძე

(1837 — 1937)

ბიოგრაფიული ნარკვევი

ჩ 80.247
3

ს ა ხ ე ლ გ ა მ ი

ტფილისი

1937



867 002 [ქვჩვაძე]

ქვჩვაძე



საგარეო ურთიერთობების
სამსახური
2000-2000

პ.მგ. რედაქტორი—ა. ქუონია და ვ. ეგნატაშვილი, ტექრედაქტ.—ნ. კა-
კუშაძე, გამომშვები-კორექტორი—მ. თალაქვაძე, გ. წ. 13/V ხელმოწ-
დას. 23/V, წ. ზ. 6×10. ქ. ზ. 62×94. სასტ. ფ. რ. 8. ნიშ. რაოდ. სასტ
ფ.—39.000. მთ. № 167228. შუკ. № 611. ტირ. 5000.

სახელგამის პოლიგრაფკომბინატი — ეორესის ქ. № 5.

89.10

13173

49-

ილია ჭავჭავაძე

(ბიოგრაფიული ნარკვევი)

„ქართველი მწერალი და მე-19 საუკუნის მეორე ნახევრის ნაციონალურ-რევოლუციური მოძრაობის უპოპულარესი საზოგადო მოღვაწე“ — აი როგორ დაახასიათა ილია ჭავჭავაძე საკავშირო კომ. პ. (ბ) ცენტრალურმა ორგანომ „პრავედამ“¹⁾.

ეს შესანიშნავი ფორმულა უეცარი შუქით ანათებს ჩვენი საზოგადოებრივი აზროვნების ისტორიის მრავალ ისეთ საკითხს, რომელთა გადაწყვეტაშიაც ძალიან ბევრი ბუნდოვანება და შეცდომა ბატონობდა სულ უკანასკნელ ხანამდე. აქ, ამ მოკლე, მაგრამ მკვეთრ სიტყვებში მოცემულია სწორი დახასიათება საქართველოს საზოგადოებრივი ცხოვრების ერთერთი უმნიშვნელოვანესი ეპოქისა, დაწყებული 60-იანი წლებით, ვიდრე მე-20 საუკუნის დამდეგამდე. ამ ფორმულით გასაგები ხდება ბევრი ისეთი მოვლენა, რომლებიც პირველი შეხედვით თითქოს აუხსნელი იყო: თვითმპყრობელობის მონობაში მყოფი, მეფის კოლონიალ ქცეული საქართველო იბრძოდა ზემოხსენებულ ეპოქაში თავისი არსებობისთვის, თავისი სახის შენარჩუნებისთვის, თავისი ეკონომიური და კულტურული წარმატებისთვის. მეთოდი და მიზანი ამ ბრძოლისა სხვადასხვა ფენათათვის სხვადასხვანაირი იყო. ამ მოძრაობის მემარცხენე ფრთაზე იდგა — გიორგი წერეთლის ჯგუფი, რომელიც რუსეთის ფედერატიულ რესპუბლიკას მოითხოვდა (1870-იან წლებში). ილია ჭავჭავაძე კი მთელი 40 წლის განმავლობაში მის ცენტრში იყო, მისი ორგანიზატორი და აქტიური მონაწილე იყო. ეს ბრძოლა, ხანდახან მის ზოგიერთ მონაწილეთა სუბიექტური განწყობილების მიუხედავად, ყოველთვის იყო ნაციონალურ-რევოლუციური ბრძოლა და ილია ჭავჭავაძესაც სავსებით მართებულად შეგვიძლია ვუწოდოთ ამ მოძრაობის უპოპულარესი საზოგადო მოღვაწე. ვი-

¹⁾ „პრავედა“, 1936 წლის 4 სექტემბერი.

მეორებთ, მხოლოდ ამ თვალსაზრისით ხდება გასაგები ჩვენი საზოგადოებრივი ცხოვრების მოვლენები — კერძოდ დალუბვა დიმიტრი ყიფიანისა. ნაციონალური მოძრაობა იმდენად მძაფრად გამოხატული მართული თვითმპყრობელობის წინააღმდეგ, რომ მეფის იძულებული გახდა ტერორისტული აქტისთვის მიემართა ისეთი ზომიერი მოღვაწის წინააღმდეგაც კი, როგორც იყო დიმიტრი ყიფიანი. ხოლო მეორე მსხვერპლი 1907 წლის შავბნელ რეაქციის დროს — ეს იყო ილია ჭავჭავაძე, განგმირული იმ შავი ძალების მოსყიდული ტყვიით, რომელნიც თუ შესძლებოდათ, „თვითონ საქართველოსაც მოჰკლავდნენ“, როგორც სთქვა ვაჟა-ფშაველამ ილიას დალუბვის დროს.

საბჭოთა საქართველო ამჟამად დღესასწაულობს ამ დიდი მოღვაწის დაბადების ასი წლისთავს. მხოლოდ დღეს, ქართველი შრომელი ხალხის ბატონობის ხანაში, საბჭოთა ხელისუფლების დროს ხდება შესაძლებელი ჯეროვნად და ობიექტურად შეფასება ილია ჭავჭავაძის ღვაწლისა ჩვენი ქვეყნის წინაშე. მხოლოდ საბჭოთა ხელისუფლების პირობებში ელება ბოლო იმ ვულგარულ და ნიჰილისტურ დამოკიდებულებას, რომელსაც ზოგიერთნი იჩენდნენ წარსული ლიტერატურული და კულტურული მემკვიდრეობისადმი. ჩვენ ახლა სრული საშუალება გვაქვს სავსებით ობიექტურად შევაფასოთ ისეთი ბუმბერაზი ფიგურა, როგორც იყო ილია ჭავჭავაძე, მივიღოთ მისი მემკვიდრეობა, დავიცვათ იგი, თანახმად იმ ფორმულისა, რომელიც რევოლუციის გენიოსმა ლენინმა მოგვცა: „მემკვიდრეობის დაცვა — სრულიად არ ნიშნავს, რომ ამ მემკვიდრეობით შემოვიფარგლოთ“.

„საზოგადო სარბიელზე გამოსული კაცი უსათუოდ ან აზრის კაცია, ან საქმისა, ან ორისავე ერთად, თუ ისე ბედნიერად მიმადლებულია ბუნებისგან, რომ შემძლებელია ერთისა და მეორისაც“ — ამბობს ერთგან ილია ჭავჭავაძე. ასეთი რთული პიროვნება სწორედ თვითონ ილია იყო. ამიტომ ყოველმხრივად მისი დახასიათება ძალიან ძნელია. იგი ერთ და იმავე დროს იყო პოეტი, პროზაიკოსი, პუბლიცისტი-ეკონომისტი, კრიტიკოსი, საზოგადო მოღვაწე, ფინანსისტი და ყველა ამ დარგში თითქმის თანაბრად ძლიერი. ამიტომ ამ ბიოგრაფიაში ჩვენ აღვნიშნავთ მისი ცხოვრების მხოლოდ მთავარ მიჯნებს, მაგრამ ისე კი, რომ მათი შემწეობით ცხადი გახდეს ილია ჭავჭავაძის მრავალფეროვანი მოღვაწეობის ხასიათი.

ილია დაქაბუკდა ბატონყმურ საქართველოში, მოწმე იყო გლეხთა განთავისუფლებისა; იგი მოესწრო პროლეტარიატის გაძლიერებას საქართველოში და პირველ რევოლუციას, ამიტომ ბიოგრაფიას-

თან დაკავშირებით, ჩვენ მოგვიხდება მოკლედ შევხვით იმ სოციალურ-პოლიტიკურ მდგომარეობას, რომელშიაც დაიბადა, ათი-ზარდა და მუშაობდა ეს უდიდესი მოღვაწე, პოეტი, პუბლიცისტი და თავისი დროის უგანათლებლესი ადამიანი.

I

ილიას დაბადება. ქვეყნაძეების გვარი. ილიას დედ-მამა. მაშინდელი კახეთი. ილიას და-ძმანი. ვინ ასწავლა ანბანი.

ილია დაიბადა კახეთის სოფელ ყვარელს 1837 წლის 27 ოქტომბერს, ადგილობრივი მემამულის გრიგოლ პაატას-ძის ქვეყნაძის ოჯახში.

არის გადმოცემა, რომ ქვეყნაძეები ოდესღაც კახეთს ხევსურეთიდან გადასულან. ისტორიაში ეს გვარი ჩნდება მე-15 საუკუნიდან, ხოლო თავადობას ღებულობს მე-18 საუკუნის დამდეგს. კახეთის მეფის კონსტანტინეს დროს.

ილიას მამა, გრიგოლ ქვეყნაძე, ხელმოკლე მემამულე იყო. დიდ თავადად და მემამულედ მაშინ ითვლებოდნენ გარსევან ქვეყნაძის ჩამომავალნი — ალექსანდრე ქვეყნაძე და მისი ოჯახი, რომლებსაც, თითქოს დანარჩენ ქვეყნაძეთაგან განსხვავებით, „კნიაზიანთს“ ეძახდნენ.

ილიას დაბადების ხანა — ეს იყო ხანა, ერთი მხრივ ბატონყმობის გაძლიერებისა, ხოლო მეორე მხრივ, მთიელებთან ბრძოლის გამწვავებისა. მაშინდელ თავად-აზნაურობაში უკვე მომხდარი იყო ერთგვარი დიფერენციაცია. დიდი ნაწილი სოფლად ცხოვრობდა და მძიმე ტვირთად აწვა გლეხობას, მცირე ნაწილი კი სახელმწიფო, უმთავრესად სამხედრო სამსახურში იყო ჩაბმული. მთიელებთან ბრძოლა, მუდმივი ომიანობა, სწრაფი სამხედრო კარიერის ვაკეთების საშუალებას იძლეოდა და ვისაც კი შეეძლო, ყველა ამ დარგისაკენ მიისწრაფოდა. გავიხსენოთ ნიკოლოზ ბარათაშვილი, რომელიც მხოლოდ ფიზიკური ნაკლის გამო ვერ შევიდა სამხედრო სამსახურში. თვითონ იგი შესანიშნავად ახასიათებს მაშინდელი თავად-აზნაურული ახალგაზრდობის სულისკვეთებას ერთერთ კერძო წერილში (1844 წ. გრიგოლ ორბელიანისადმი): „ჩვენი ყმაწვილკაცები, ილია, ლევან, დავით, ბაკლანა (მითომ ესეც ყმაწვილებშია). ზაქარია და ალექსანდრე ერისთავი, სულ წამოვიდნენ შამილის დასაჭერად; ესენი სულ სარდლები არიან ქართველთა ჯარისა“. ეგრეთწოდებული მილიცია კი გლეხებისაგან შედგებოდა.

კახეთი, როგორც მომიჯნავე, ხშირად იყო ხოლმე ობიექტი მთრ-
ელების (განსაკუთრებით ლეკების) თავდასხმისა. თვითონ ილიას
სახლის ეზოში დიდხანს იდგა ძველებური, მაღალი კვანძო-
შელსაც თავს შეაფარებდნენ ხოლმე შიშინანობის დროს. ელჩე-
წამოიზარდა, კახეთს შედარებით უკვე წყნარი ცხოვრება ჰქონდა,
ასე რომ ამას გახეთ „კავკაზში“ 1852 წელს ერთერთი თანამშრო-
მელი (კ. ძიუბინსკი) საგანგებოდ აღნიშნავდა. მაგრამ არ გასულა
2 წელიწადი (ილია მაშინ 16 წლისა იყო), რომ შამილის ჯარი თავს
დაესხა წინანდალს (1854 წელს), და გაიტაცა პოეტ ალ. ჭავჭავა-
ძის შვილის დავით ჭავჭავაძის ოჯახი. სწორედ იმ წელიწადს დაი-
ლუბა ლეკებთან შეტაკებაში ილიას უფროსი ძმა კონსტანტინე.

ილიას მამა გრიგოლიც, დაბადებული 1812 წელს, სამხედრო პი-
რი იყო. მას უმსახურნია ოფიცრად ნიჟეგოროდის დრაგუნთა პოლკ-
ში. სამსახურისათვის თავი რომ დაუნებებია, პორუჩიკის ჩინი ჰქო-
ნია (1841 წ.) და მას შემდეგ სიკვდილამდე სოფლად უცხოვრია.
მაშინდელ კვალობაზე გრიგოლ ნასწავლ კაცად ითვლებოდა. ილიას
სიცოცხლეში გამოსული ბროშურის ავტორი მ. ნასიძე („მე გახ-
ლავარ“), ილიას მამაზე ამბობს: „გრიგოლ ჭავჭავაძე მთელს
კახეთში ცნობილი იყო, როგორც ენამახვილი და სიტყვა — მოს-
წრებული კაცი. თავის დროზე ზომიერი ხუმრობა უყვარდა“¹⁾. მი-
უხედავად ამისა, როგორც გრიგოლ ყიფშიძე გადმოგვცემს ილიას
ნათქვამს, მას სახის სასტიკი გამომეტყველება ჰქონია, „სახლში
ხშირად იყო დაფიქრებული და სასტიკის დუმილით მოცული. ეს
ორივე თვისება — ნიჭი ოხუნჯობისა და სასტიკი დუმილი, განა-
გრძობს ყიფშიძე, — დიდხანს ყოფნა ხმამაღოლებლივ, გამოჰყვა მის
შესანიშნავ შვილსაც“²⁾.

ილიას დედა იყო ტფილისელი გაქართველებული სომხის ბე-
ბურიშვილის ქალი, სახელად მაგდან (მარამ). მან მშვენიერად იცო-
და ქართული მწერლობა. ილია ამბობს თავის „ავტობიოგრაფიაში“:
დედას „ზეპირად ჰქონდა დასწავლილი თითქმის ყველა ლექსი და
ყველა ძველებური მოთხრობა და რომანი, რომელიც კი იშოვე-
ბოდა მაშინ დაბეჭდილი, ან ხელნაწერად“. იგი ძალიან ახალგა-
ზრდა, სულ რაღაც 14 წლისა ყოფილა, როდესაც გრიგოლი მასზე
დაქორწილებულა. გათხოვებისას ქმრის სარწმუნოება — ეგრეთ-
წოდებული მართლმადიდებლობა მიუღია და ხელწეორედ მო-
ნათვლისას წინანდელი სახელი მაგდან მარამად შეუცვლიათ.

¹⁾ ი. ჭავჭავაძე — ბიოგრაფიული და კრიტიკული ეტიუდი. ტფილისი. 1898 წ.
გვ. 1 — 2.

²⁾ ი. ჭ. თხზულებანი. მ. გედევანიშვილის გამოცემა, გვ. 41.

გრიგოლს და მაგდანს სულ ქვესი შვილი ჰყოლიათ: კონსტან-
ტინე, რომელიც 1854 წელს მოჰკლეს ლეკებთან შეტაკების დროს;
ნინო—ნიკოლოზ აფხაზის მეუღლე, მესამე—ილია, მეოთხე—ელი-
საბედ—ჯერ ჯამბაკურ-ორბელიანის, ხოლო დაქვრივებული
დეგ გენერალ-ლეიტენანტ საგინაშვილის მეუღლე; რომელიც 18 წლისა გარდაიცვალა მოსკოვს, კადეტთა კორპუსში
სწავლის დროს. ერთი ვაჟი—სვიმონ ბავშვობაშივე დაჰკარგვიათ.

მაგდანი ძალიან მოსიყვარულე და მზრუნველი დედა იყო. „სა-
ლამობით დაგესხამდა ბავშვებს—მოგვითხრობს ილია „ავტობიო-
გრაფიაში“,—და გვიკითხავდა მოთხრობებსა და ამბებს; წაკითხვის
შემდეგ გვიამბობდა მათ შინაარსს და მეორე დღის საღამოს გვი-
თხავდა: აბა, ვინ უფრო კარგად მიამბობს, რაც გუშინ გაიგონეთო.
ვინც კარგად ვუამბობდით, გვაქებდა და ამ ქებას ჩვენ დიდად ვა-
ფასებდით“. ერთერთი საყვარელ-სათაყვანებელი წიგნი ილიას დე-
დისა და ბავშვებისა—ეს იყო „ვეფხისტყაოსანი“. ილიას ბავშვო-
ბაშივე კარგად ჰქონდა შეთვისებული ქართველი ხალხის ეს უყვედა-
ვი ნაწარმოები და ამით აიხსნება, რომ თავის პირველსავე მოთხო-
ბებში („გლახის ნაამბობი“ და სხვ.) ილია მრავალჯერ ალაპარაკებს
თავის გმირებს რუსთველზე, მის ნაწარმოებზე და მრავალი პუკარი
მოჰყავს პოემიდან, როგორც სიბრძნისა და სილამაზის უშრეტ წყა-
როდან.

ათ წლამდე ილია სოფელში იზრდებოდა. ქართული წერა-
კითხვა მას ასწავლა ადგილობრივი გლეხების ბავშვებთან ერთად
სოფლისავე დიაკვანმა. ხსენებული დიაკვანი ძალიან კარგი მცოდნე
იყო ქართულისა და შესანიშნავი თხრობა იცოდა სხვადასხვა ამ-
ბისა; საქართველოს ისტორიიდანაც ბევრჯერ უამბობდა ხოლმე
ბავშვებს. თუ რამდენად მომზიბლავი იყო ეს მოთხრობები, ამას
ადასტურებს თვითონ ილია თითქმის ორმოცდაათი წლის შემდეგ:
„ბევრი ამ ამბავთაგანი, ამბობს იგი, ღრმად ჩამრჩა გულში და ერთი
მათ შორის—„დიმიტრი თავდადებული“, თემად გამოვიყენე მრავალი
წლის შემდეგ. ჩემს „გლახის ნაამბობში“ ზოგიერთ ადგილას
ცხადად ამჩნევია კვალი დიაკვნის ნაამბობის გავლენისა“ (იხ. „ავ-
ტობიოგრაფია“). ფრიად თვალსაჩინო როლი ითამაშა ილიას აღ-
ზრდაში აგრეთვე მისმა მამიდან—ერისთავის მეუღლემ მაკინემ.
როგორც მ. ნასიძე მოწმობს, ის იყო „დიდი მწიგნობარი, დიდი გა-
ნათლებული და ნაკითხი თავის დროის შესაფერად“. მან უდიდესი
ამაგი დასდო თავის ძმისწულებს და მაშინაც კი, როდესაც ილია
უკვე მოწიფული ვაჟაკი იყო, მოხუცებული მაკინე მზრუნველ-
ბას არ აკლებდა და ყოველი მისი ნაბიჯი ენტერესებოდა.

ილია 10 წლისა იყო, როდესაც დედა სულ ახალგაზრდა (30 წლისა) გარდაეცვალა (1848 წ.) „დავრჩით თბოლნი, მცირეწლოვანნი“ — მოგვითხრობს პოეტის და ელისაბედ საგინაშვილი: „გრიგოლს თავისი დის, უკვე დაქვრივებული მაკინე ერსმისწისგანს უთხოვნია — „ჩემთან ვადმოსახლდი, ბავშვების აღზრდაში დამეხმარეო“. მაკინემ „მიიღო დედობრივი მზრუნველობა თბლებზე — განაგრძობს ელ. საგინაშვილი. ფრიად კეთილ, ღვთისმოყვარე, ქართულ მწიგნობრობაში, საღმრთო წერილში განვითარებულს, ყოველად პატივცემულ ადამიანთან აღვიზარდენითო“.

ილიას ძალიან უყვარდა თავისი სამშობლო სოფელი ყვარელი, იქაური მთები, ალაზანი და საერთოდ კახეთი, რომლებსაც რამდენიმე მშვენიერი ლექსი უძღვნა. ალბათ, ლექვბთან შეხლა-შემოხლასა და ძმის დაღუპვას ჰგულისხმობს ილია, როდესაც ყვარლის მთებს ეუბნება:

აწ მომწონს თავი, მეგობრებო, რომ დაბადება
თქვენ შორისა მხვდა, ბუნებისა თქვენის ვარ შვილი,
გრიგალთა, მეხთა, ქუხილთ შორის ქართულად გაზრდილი.

მეორე მხრივ, უკვე 40 წელს გადაცილებული ილია მელანქოლიურად იგონებს თავის სოფელს პატარა მოთხრობაში („ნიკოლოზ გოსტაშვილი“), რომელშიაც არის ავტობიოგრაფიული ხაზები: „ვხედავ ჩემს თავს პატარა სოფელში, ჩემს პატარა ფუნჩულა და-ძმებს შორის, ამბობს იგი. ვხედავ, როგორ დაგვხარიან შეილებს დედა, მამა, როგორ შევხარით ბავშვურის სიხარულითა დედას, მამას. მესმის ტრედივით უგუნური ტიტინი ჩემის პატარა დისა, პატარა ძმისა, მომესმის ჭკუადაძღდარი, სიყვარულიანი ლაპარაკი დედაჩემისა, მამიჩემისა. დღეს ყოველივე ეს მარტო ტკბილი სიზმარია. დღეს იქ, იმ პატარა სოფელში, საცა ამოდენა სიხსოვარი აუგია ჩემს გულს, მარტო ხუთი სამარეღაა და ამ სამარეებში მარხია ყოველივე ის, რისთვისაც ეხლა გული მეწვის, გული მედაგება. იქ მარხია დედა, მამა, ორი ძმა და ერთი და, და ამასთან ერთად ჩემი ყმაწვილობაცა“.

ამ მოთხრობის ავტობიოგრაფიულობას ამტკიცებს, ის გარემოებაც, რომ იგი დაწერილია 1880 წ., როდესაც გარდაეცვალა ილიას და ნინო. ცოლისადმი წერილებიდან ჩანს, თუ რაოდენ უყვარდა ილიას იგი. უკვე ხანში შესული პოეტი გულახდილად ეუბნება

1) გ. ლეონიძე — მასალები ი. ჭავჭავაძის ბიოგრაფიისთვის“. „ლიტერატ. მემკვიდრეობა“, გვ. 554.

მეუღლეს: როცა კი მომავონდება საბრალო ნინო, არ შემიძლია ტირილისაგან თავი შევიკავო.

ზემოხსენებული მელანქოლიური სტრიქონები, უეჭველად უნდა იყოს სულიერი განწყობილებით არის გამოწვეული.

მაგრამ დავუბრუნდეთ ილიას ბავშვობას. აი, რას ამბობს მისი გამზრდელი სალომე ლილაძე: „ცელქობა და თამაშობა აგრერიგად არ უყვარდა. ძლიერ მეცადინეობდა და კითხვა უყვარდა. მეტისმეტი ჯანმრთელი იყო, ძლიერ სრულიც, ასე რომ ეშინოდათ კიდევ შობლებს ამისი გადაჭარბებულ სიმსუქნისა. პატარაობიდანვე ლექსებს გამოსთქვამდა ხოლმე. მახსოვს, ძალიან კარგი ლექსები გამოსთქვა კოშკზე, მარანზე. ხშირად მოიხმობდა ხოლმე ბავშვი ილია ბიჭ-მოსამსახურეებს და ლექსებს ათქმევინებდა.“

ერთხელ ერთმა რაღაც ბინძური ლექსი უთხრა, ილიას არ ეჭაშნიკა და მოლექსე გააგდო: „შენ კარგი ლექსები არ გცოდნიაო. მეტისმეტად ხათრიანი ბავშვი იყო. ხმას არ აუმაღლებდა თავის დღეში მოსამსახურეს. ხშირად გაგზავნიდა ხოლმე მისი მამიდა მუშების დასათვალისწინებლად და სამუშაოდ დასაძახებლად. ილია მალე დაბრუნდებოდა მარტო და არავის მოიყვანდა. მამიდა გაუჯავრდებოდა ხოლმე. ილია კი უპასუხებდა: „ოჰ, მამიდავ, ისე ტყბილადა სძინავთ ჩრდილში, რომ ვერ გავაღვიძე, შემეცოდნენო“.¹⁾

მალე დგება მომენტი, როდესაც ილიას მამა იწყებს მისი შემდგომი სწავლისთვის ზრუნვას. 1848 წელს ილია მიჰყავთ ტფილისს და აბარებენ იანიშვესკისა და ჰაკეს პანსიონში.

აქ უნდა გავიხსენოთ ერთი შემთხვევა, გადმოცემული იონა მეუნარგიას მიერ თვითონ ილიას ნაამბობის მიხედვით: „სანამ ქალაქს ჩამომიყვანდნენ — გვითხრა ერთხელ პოეტმა ი. გოგებაშვილთან სადილზე — მე ხშირად მაცეხებდა და ტყირპი გამოდიდდა... ქალაქს რომ ჩამომიყვანა მამაჩემმა, ყველა ეჭიმები დამასიეს, მაგრამ ვერას გახდნენ. მაშინ ვილაც ერთი ფერშალი მომიყვანეს ავლაბრიდან. კაბა ეცვა, თავზე კარტუზი ეხურა, ჩოფურა იყო. ხატვა რომ ვიცოდე, დავხატავ, ისე ცოცხლად მახსოვს მისი სურათი. იმან წამალი დამალეინა, წამისვა ტყირპზე რაღაცა და სთქვა: თავის დღეში ამას აღარ ვააციებსო. მართლაც მას აქეთ ჩემთვის არ გაუციებიო, დაამთავრა პოეტმა“²⁾.

¹⁾ გ. ლეონიძე — „ნისალები ი. ჭავჭავაძის ბიოგრაფიისათვის“. „ლიტ. მემკვიდრეობა“, გვ. 557.

²⁾ ი. მეუნარგია. ნანახი და განავონი ილიას ცხოვრებიდან. „მნათობა“ 1936 წ. № 5—6, გვ. 233.

ილიას სწავლის ხანა. ვორონცოვის პოლიტიკა. ყირიმის ომიანობა და გლეხობის უკმაყოფილება.



საერთოდ ილიას ბავშვობა და გიმნაზიაში სწავლა ემთხვევა ცნობილი ვორონცოვის მეფისნაცვლობის ხანას, რომელიც ჩვენი ქვეყნისთვის ზოგი მხრით საყურადღებო გახდა. 40-იანი წლები საერთოდ მთიელებთან ბრძოლის გაძლიერების ხანა იყო. რუსეთის თვითმპყრობელობა ცდილობდა ერთი დაკვრით დაემორჩილებინა ჩაჩან-ლეკები. მაგრამ 1841—43 წლები შამილის გამარჯვებათა წლები იყო, რამაც მისი პრესტიჟი ძალიან ასწია. მარტო 1843 წლის აგვისტოს დამლევადან 22 დეკემბრამდე რუსის ჯარს მოუკლეს 3000-მდე ჯარისკაცი და ოფიცერი, წაართვეს 35 ზარბაზანი, აუარებელი ვაზნა. შამილმა ნაცარტუტა აადინა რუსთა 12 ციხე-სიმაგრეს.

ვორონცოვმა თავდაპირველად იერიშითვე სცადა ჭიიელთა დამარცხება, მაგრამ ვერას გახდა. მალე იგი დარწმუნდა, რომ ამ საქმეს დიდი დრო უნდოდა. საჭირო იყო გზების გაყვანა, დაპყრობილის სისტემატურად გამაგრება და მხოლოდ მერე წინსვლა, ასე რომ წელიწადში დაახლოვებით 20 ვერსით წაიწვედნენ ხოლმე წინ. ამიტომ აუცილებელი გახდა აგრეთვე ადგილობრივ ძალებზე უფრო მეტად დაყრდნობა და მათი გამოყენება იმპერიალისტური მიზნებისთვის.

ვორონცოვი განათლებული და ჭკუიანი კოლონიზატორი იყო. მან კარგად გამოიანგარიშა, თუ რაოდენ დიდი სარგებლობის მოტანა შეეძლო ქართველ თავად-აზნაურობას, როგორც საომარ მასალას, აგრეთვე თუ რა მნიშვნელობა ჰქონდა ზურგის სიწყნარეს. ამიტომ ვორონცოვმა თავი ანება წინამორბედების „ურა-პოლიტიკას“ და ქართველი უმაღლესი წოდება დაიახლოვა. ამ დაახლოვებას იგი ცდილობდა როგორც ქართველი მოხელეების დაწინაურებით, ისე სხვადასხვა კულტურული ჩვევის გავრცელებითა და გარეგანი ევროპეიზაციის შემოღებით. უკვე 1845 წელს ვორონცოვი მეფისადმი მოხსენებაში სწერდა: აქ ნამეტნავად ბევრია უსაქმოდ მოხეტიალე რუსის მოხელეობა. „ამას გარდა, ყოველწლიურად მატულობს იმ ადგილობრივ მკვიდრთა რიცხვი, რომელნიც განათლებას ღებულობენ რუსეთის გიმნაზიებსა და სხვა სასწავლებლებში. ისინი ცდილობენ ადგილის შოვნას. ვიღებ რა მხედველობაში ყველა ამ გარემოებას, მე განკარგულება გავეცი, რომ თუ განსაკუთრებული საჭიროება არა, ისე აღარ გამოიწვიონ რუსეთიდან

მოხელეები და თუ ასეთი საჭიროება იქნება, ყოველ ცალკე შემთხვევაში ჩემი ნებართვა ითხოვონ ხოლმე“¹⁾).

ვორონცოვი, ამნაირად მფარველობდა ქართველ თავადებს შორის, ცდილობდა გარეგანი ევროპეიზაციის გზით კიდევ უფრო მეტად დაეკავშირებინა ადგილობრივი მკვიდრნი მაშინდელ რუსეთთან. მან დაარსა წმინდა ნინოს სახელობის ქალთა სასწავლებელი, მოაწყო ოფიციალურ გაზეთ „კავკაზის“ (1846 წ.) და „Кавк. календарь“-ის, გამოცემა. ამ გამოცემაში მრავალი მასალა თავსდებოდა ადგილობრივი ცხოვრების შესახებ. მანვე შექმნა ევრეთწოდებული, „პრიკაზი“, რომლის დებულების მეორე მუხლში ვკითხულობთ: „პრიკაზი, გარდა იმ ზოგადი ვალდებულებებისა, რომლებიც დაკისრებული აქვთ შიდაგუბერნიების პრიკაზებს, ეწევა ამიერკავკასიის მხარისათვის სასესხო ბანკის მაგვირობასო“.

ვორონცოვის დროსვე დაარსდა ტფილისში რუსული თეატრი, იტალიური ოპერა და ბოლოს დაიწყო ქართული წარმოდგენები. პირველი ასეთი საჯარო წარმოდგენა („გაყრა“) გაიმართა 1851 წლის 14 (1) იანვარს გიორგი ერისთავის ხელმძღვანელობით. ამ წელს 22 წარმოდგენა დაიდგა და თეატრს, ვორონცოვის განკარგულებით, პირველ სამ წელიწადს ხაზინიდან დახმარება ეძლეოდა.

1852 წელს იმავე გიორგი ერისთავის რედაქტორობით და ვორონცოვისავე მფარველობით გამოდის „ცისკარი“ — პირველი ქართული „სიტყვიერებითი ჟურნალი“, რომლის გარშემოც იკრიბებიან მაშინდელი ქართველი ინტელიგენციის მოწინავე პირები.

მალე დაიწყო ყირიმის ომიანობა. და სწორედ ამ დროს მოშორდა ამიერკავკასიას ვორონცოვიც.

ვორონცოვის ლიბერალიზმი ეხებოდა და შეიძლებოდა შეხებოდა მხოლოდ ზედაფენებს. გლეხობა კი მუდამ დიდ გაქირვებაში იყო როგორც ბატონყმობის უღლის, ისე გამუდმებული ომიანობის გამო. იგი იბრძოდა თავისუფლებისთვის და მთელი რიგი აჯანყებანი მოახდინა. ყირიმის ომის დროინდელი ადგილობრივი გაზეთი „კავკაზი“ რომ გადაათვალიეროთ, ისეთი შთაბეჭდილება დაგრჩებათ, რომ ქართველი ხალხი აღტაცებულია და ხალისით მიდის ომში. ტფილისის ქუჩებში, განსაკუთრებით ყაბახზე (ახლანდელ კომუნარების ბაღში) ხშირია საზეიმო პარადები ქართველთა მილიციისა, რომელსა მიმართავენ მალაღმარდოვანი სიტყვებით. მაგრამ სინამდვილე სულ სხვა იყო და ამ სინამდვილის მოწმობაც გვაქვს.

1865 წელს ახალგაზრდა ნიკო ნიკოლაძე გერცენის „Колокол“-

¹⁾ С. Эсадзе, Историч. Записка. об управл. Кавказом. ტ. I, გვ. 88

ში შემდეგ სწერდა, როგორც იმდროინდელი ამბების მომსწრე და მცოდნე: „ეს იყო 1855 წელს, შემოდგომაზე. ცნობილია, რომ ამ დროს რუსეთს მიძიმე ომი ჰქონდა ევროპასა და ოსმალეთს...¹⁾ ლეთმა, ომარ-ფაშის სარდლობით, სამეგრელოში, რედუტ-ჯუჭუჭს მისწვს და ლობლად, ჯარი გადმოხსნა. ომარ-ფაშის ემისრებმა ხალხში ხმა დაჰყარეს: „მოკავშირენი ბატონყმობას მოსპობენო“, და რამდენისამე დღის განმავლობაში მთელი სამეგრელო ომარ-ფაშას დაჰნებდა; ქართველთა სამილიციო ჯარმა კი, რომელიც 1853 წელს კარგად იბრძოდა ოსმალების წინააღმდეგ, რუსებს უღალატა და ენგურზე რუსეთის ჯარი მიატოვა. საქართველო, ქართლ-კახეთი და იმერეთი მზად იყვნენ სამეგრელოსათვის მიებაძნათ, მაგრამ თავად ბებუთოვის ჯარებმა ეს ქვეყნები დაიჭირა, ხოლო რამდენისამე თვის შემდეგ ომი პარიზის ტრაქტატით დამთავრდა.“¹⁾

ორი წლის შემდეგ (1857 წ.) კი, მოხდა სამეგრელოს გლეხობის დიდი აჯანყება.

ყველაფერი ეს საბაბს აძლევდა მარქსს, რომელიც ყირიმის ომს დიდი ინტერესით ადევნებდა თვალყურს და რომელსაც რუსეთის თვითმპყრობელობის დამარცხება სურდა, დაეწერნა: „საქართველოს არის რუსული პოლონეთი კავკასიაშიო“.²⁾

ჩვენ ამ ამბებზე შედარებით ვრცლად იმიტომ შევწერდით, რომ ყველაფერი ეს ჰქმნიდა უკმაყოფილების ატმოსფეროს, რომელშიაც ვაჟკაცდებოდა ილია და რაც წარუხოცელ შთაბეჭდილებას სტოვებდა ჰაბუჯ პოეტზე.

დაეუბრუნდეთ ახლა ისევ ილიას სწავლას.

III

ილია ჰაკეს პანსიონში. ილია გიმნაზიაში. მისი მასწავლებლები. როგორ სწავლობდა ილია.

ჰაკეს სასწავლებელი თუ პანსიონი, რომელშიაც პატარა ილია შიბარეს, ტფილისში მაშინ ყველაზე უკეთესი იყო. დოკუმენტებიდან ჩანს, რომ ილია აქ ერთხანად გარედან მოსიარულედ ყოფილა. ე. ი. პანსიონში არ უცხოვრია. ალბათ ამ დროზე ლაპარაკობს პოეტის და ელისაბედ: „ერთ წელიწადს ზამთარში ვცხოვრობდით ქალაქში ილია... იმ ზამთარს ჩვენთან ცხოვრობდა, თავისთვის საკუთარი ოთახი ჰქონდა“.³⁾

¹⁾ ნ. ნიკოლაძე. რჩეული ნაწერები ს. ხუნდაძის რედაქციით. ტ. I. გვ. 169—70.

²⁾ მარქსის თხზულებანი (რუსულად), 1935 წ. ტ. X, გვ. 555.

³⁾ გ. ლეონიძე — „ლიტ. მემკვ.“ გვ. 555.

მეტი არ იქნება მოვიყვანოთ თვითონ ილია ქავჭავაძის მოწმობა იანიშვესკისა და ჰაკეს პანსიონის შესახებ. პანსიონს მაშინ განაგებდა, ამბობს ილია „ავტობიოგრაფიაში“, მხოლოდ ქვეყნის ჰაკე გერმანელი იყო, ყოველმხრივ განათლებული კაცის ვერაძე და დანიშნული მაშინდელმა ქავჭავაძის ცალკე კორპუსის სარდალმა ნეიდგარდტმა თავის შვილების აღსაზრდელად... შემდეგ იგი ტფილისში დარჩა და პედაგოგ იანიშვესკისთან ერთად პანსიონი მოაწყო. ჰაკე სასტიკი კაცი იყო, მაგრამ თან იმდენად მამობრივ მზრუნველობას იჩენდა თავის შვილების მიმართ, იმდენს ცდილობდა და ყურს უგდებდა, რომ თითქმის მთელ თავისუფალ დროს, კლასში მეცადინეობის შემდეგ, იმათ ანდომებდა. ხან ემუსაიფებოდა, ხან ართობდა მუსიკითა, მართავდა ხელდახელ კონცერტს როიალზე, რომლის დაკვრაც საუცხოოდ იცოდა“.

1850 წლის დამლევს ი. ქავჭავაძე შესულა უკვე ტფილისის გიმნაზიაში. ეს იყო 1802 წელს დაარსებული ეგრეთწოდებული კეთილშობილთა სასწავლებელი, გადაკეთებული გიმნაზიად 1829 წლის 2 აგვისტოს — (შემდგომ ტფ. I გიმნაზია). 1833 წლიდან გიმნაზია მოთავსებული იყო ახლანდელ რუსთველის პროსპექტზე, სადაც ამჟამად I სკოლაა. ამ გიმნაზიაში აღიზარდა სხვა ქართველ მოღვაწეთა შორის ნიკოლოზ ბარათაშვილიც.

ერთხანად ილია გიმნაზიაში პანსიონიდან დაიარებოდა. მის დროს ეგრეთწოდებული საკომერციო გიმნაზიაც კეთილშობილთა სასწავლებელს შეუერთეს და ერქვა: ტფილისის სათავად-აზნაურო და საკომერციო გიმნაზია. 1853 წელს ამ სასწავლებლის ინსპექტორი იყო ალექსანდრე პავლესივი, ხოლო გიმნაზიის მზრუნველებად ითვლებოდნენ ცნობილი დირექტორი ყიფიანი და ათ. ლორის-მელიქოვი. მასწავლებლები მაშინ ორ წყებად იყოფოდნენ. იყვნენ უფროსი და უმცროსი მასწავლებლები. ილიას დროს ასწავლიდნენ: რუსულ სიტყვიერებას ვას. მიხ. სპერანკი და გ. ტ. ზაზაროვი; ისტორიას — ი. კ. გულიელმი, ლ. პ. ზაგურსკი, შემდეგ ვ. კ. გეორგიზონი; ქართულ ენას — ზაქარია სტეფანესძე ყორღანოვი და ი. თურქესტანიშვილი; გეოგრაფიას — ბეკბანოვი; ბუნებისმეტყველებას — ა. ბეკეტოვი და სხვანი. ამ მასწავლებელთაგან ყორღანოვი მასწავლებლობდა, „უკვე ღრმად მოხუცებული, 60-იან წლებშიაც (იხ. პროფესორ პ. მელიქიშვილის მოგონებანი „ქართ. მწერლობა“, 1927 წ. № 5).

აქ მოხსენებული ზაგურსკი, ისტორიის მასწავლებელი, კრიტიკოსი და ქავჭავაძისმცოდნეობის ბიბლიოგრაფიც იყო. მას ილიასთან ურთიერთობა ჰქონია 60-იან წლებშიაც, რადგან 1863 წელს ილია

სწერს თავის საცოლოს ოღლა გურამიშვილს: წერილი იმითომ და-
გიგვიანე, რომ წუხელის ზაგურსკი იყო ჩემთან ღამის ფრ. სააღმშენებლო
დეო. ზაგურსკი მონაწილეობდა რუს. გეოგრაფ. საზ-ბესეუკაში მშენებ
ყოფილების სამეცნიერო კრებულებში, საერთოდ განათლებული
ადამიანი იყო და ალბათ ილიაზეც ჯეროვანი გავლენა ექნებოდა.
ილიას უფროს კლასებში ყოფნისას გიმნაზიაში მოწაფეთა ზედა-
მხედველად მსახურობდა „ცისკრის“ მომავალი რედაქტორი ივანე კე-
რესელიძეც.

სამწუხაროდ, ჩვენ ძალიან ნაკლებად გვაქვს ცნობები ილიას გიმ-
ნაზიელობის და საერთოდ ტფილისში მისი ცხოვრების შესახებ. უნ-
და ვიფიქროთ კი, რომ ილია თავიდანვე ყოველთვის მხურვალე მო-
ნაწილე იყო ყოველგვარი საზოგადოებრივი წამოწყებისა. უეჭველია,
ის ესწრებოდა იმ ქართულ წარმოდგენებს, რომლებიც მაშინ ასე
აფრთოვანებდა ახალგაზრდობას და შეიძლება თვითონაც თამაშობ-
და შინაურ სპექტაკლებში. ეს მით უმეტეს. ჩვენ გვაქვს მერმინდე-
ლი მოწმობა, რომ ილია მონაწილეობდა ცოცხალი სურათების დად-
გმაში. ახლა კი მოვიყვანთ ილიას სიყრმის მეგობრის კოხტა აფ-
ხაზის ნაამბობს იმ ჩვენთვის საინტერესო ხანის შესახებ. კოხტა აფ-
ხაზი ილიასთან ერთად სწავლობდა როგორც გიმნაზიაში, ისე უნი-
ვერსიტეტში, ამიტომ მისი მოწმობა სანდოა და საყურადღებო.

ვიდრე კოხტა აფხაზის ცნობებს მოვიყვანდეთ, აქ გავიხსენებთ
ერთს ებიზოდს, რომელსაც გადმოგვცემს ალ. მირიანაშვილი, ილია
ქავჭავაძის თანამედროვის და ბავშვობის მეგობრის ეკატერინე კრი-
უანოვსკის ნაამბობის მიხედვით. ილიას დედა რომ გადაეცვალა,
მამამისმა გრიგოლმა ცოტა ხანს შემდეგ მეორე ცოლის შერთვა
მოინდომა თურმე. საცოლე საკმაოდ ხანგადასული იყო, მაგრამ
სახარბიელო მზითევი ჰქონდა. პატარა ილიას ძალიან სწყინდა მამის
განზრახვა. თავდაპირველად თუმცა ვერას გახდა, მაგრამ მერე ოინი
მოუწყო. როდესაც მამამ დააპირა ქვაშვეთის ეკლესიაში ჯვრისწე-
რა, იქ დახვდნენ პატარა ბიჭები, ხელში ნაცრით სავსე კალათები
ეჭირათ თურმე, აამტუტეს იქაურობა და ხმამაღლა ყვიროდნენ:

გოდორი და კალათა,
ბებერს ჰრთავენ ქალათა,
გრიგოლ ქავჭავაძესა,
ჯვარსა სწერენ ძალათა!

მამა ძალიან გაბრაზდა თურმე, მოხდა სკანდალი და ქორწილიც
ჩაიშალა. ¹⁾

¹⁾ „თემი“, 1913 წ. № 122.

ახლა მოვესმინოთ კ. აფხაზს: „უნდა მოგახსენოთ, რომ ილია პატარაობიდანვე, მართალია, როგორც მიუკარებელი და უფრო ჩუმი იყო, მაგრამ ამასთანავე მაშინათვე ოხუნჯობის დიდი ქონებას ემჩნეოდა. მეტისმეტი მოსწრებული ხუმრობა იცოდა და ფუტკლად მუშაობდა. მე სასაცილოდ აიგდებდა, მართლაც რომ მიწასთან გაასწორებდა.“

კ 80.247
3



ი. ქავჭავაძე სტუდენტობაში

გიმნაზიაში ილია ნიჭიერ და გონებაგახსნილ შეგირდად ითვლებოდა, მაგრამ ზარმაციც დიდი იყო. როდესაც მოახლოვდებოდა გამოცდა, მაშინ ბეჯითად შეუდგებოდა სწავლას და ორ-სამ საათში იმოდენას შეისწავლიდა და დასძლევდა, რომ სხვას ამისათვის ორი

2. კ. რაჭველიშვილი — ილ. ქავჭავაძე.



დღეც მოუნდებოდა. გასაკვირველი ის იყო, რომ ამგვარი შესწავლა, როგორც მოსალოდნელია, არ იყო ზერეღე, პირიქით, რასაც კი მე-ისწავლიდა, უსათუოდ ზედმიწევნით. მოძრაობა ისე რიგგადადგინდა, ვარდა ილიას და პატარაობიდანვე დაბალი ტანისა და აგებულების იყო. ამხანაგებს აგრერივად არ უახლოვდებოდა, მაგრამ ამხანაგის გამტანი და მხარის დამკერი კი ყოველთვის იყო.“¹⁾

ილია ჭავჭავაძის, როგორც მოწაფის, დასახსიათებლად, ჩვენ მოგვებოვება მისი წარმატების ნიშნები. ილიას მე-4 კლასში ასეთი ნიშნები ჰქონია:

სამღრთო სჯული	3
რუსული ენა	5
ქართული ენა	5
ლათინური	3
ალგებრა	3
გეომეტრია	4
გეოგრაფია	2
ისტორია	4
ფრანგული	4
ნიჭიერება	4
მეცადინეობა	3
ყოფაქცევა	4½

როგორც იგივე კ. აფხაზი მოწმობს, ილია ჭავჭავაძეს ახალგაზრდობაშივე ეტყობოდა ის ფარული, მაგრამ ძლიერი ტემპერამენტი, რომლითაც განირჩეოდა შემდგომ ხანებში როგორც საზოგადოებრივი, ისე სალიტერატურო ბრძოლის დროს. ჯერ კიდევ 14 წლისას შეპყვარებია ერთი სომხის პატარა გოგო. შემდეგ გიმნაზიის დირექტორის დემენტიევის ქალი.“ ხშირად მიეუახლოვდებოდა ხოლმე მე და ილია მის ღვთაების სარკმელს და იქიდანაც ღიმილით გადმოგვხედავდა ხოლმე პატარა ქალიო“, — დასძენს აფხაზი.

ილიამ გიმნაზია გაათავა 1856 წელს, თუმცა საბოლოო გამოცდები არ ჩაუბარებია. მალე იგი შეუდგა მზადებას პეტერბურგის უნივერსიტეტში შესასვლელად.

¹⁾ „ლიტ მეგვილ“. გვ. 563.

ილია პეტერბურგის უნივერსიტეტში. ვინ ჰყავდა პროფესორებად მაშინდელი საერთო ატმოსფერო სტუდენტობაში ილიას მატერიალური გაჭირვება. სიყვარული. ილიას იტაცებს გარიბალდის მოღვაწეობა და ქართული ბიბლიოთეკა. ილიას მსოფლმხედველობის ჩამოყალიბება თერგდალეული.

ილიას უნივერსიტეტში წასვლაც უკვე იმ დროს დამახასიათებელი იყო: იწყებოდა ღირსშესანიშნავი სამოციანი წლები რუსეთისა და ჩვენს ცხოვრებაში. როგორც ვთქვით, ქართველი თავადაზნაურობის დიდი უმეტესობა სამხედრო სამსახურით იყო გატაცებული და სხვა რამ საქმიანობა ვერც წარმოედგინა. ილიამ კი შეგნებულად გვერდი აუხვია ნატკეპნ გზას. უეჭველია, სამხედრო სამსახურსა და ქართველი კაცის მოვალეობაზე ახალგაზრდა ილიას უკვე ჰქონდა თავისი გარკვეული შეხედულება, რომელიც შემდგომ საჯაროდაც გამოსთქვა. ვახსენეთ მისი „მგზავრის წერილების“ (1861 წ.) ის ადგილი, სადაც ილიასებური მსახვრალი დაცინვით არის გამათრახებული რუსის ერთი ოფიცერი, რომელსაც საქართველოს განათლება-წინსვლის საზომად გენერლების სიმრავლე მიაჩნია!

გავიხსენოთ აგრეთვე აკაკი წერეთლის „ჩემი თავგადასავალი“. აკაკი რუსეთს იმ გადაწყვეტილებით წავიდა, რომ სამხედრო სამსახურში შესულიყო. „მაშინდელი სტუდენტობა (აკაკი პეტერბურგს ჩავიდა 1859 წელს), ათავენს „ჩემი თავგადასავლის“ პირველ ნაწილს აკაკი, სულ სხვანაირი იყო საზოგადოდ და ქართველებსაც. მათთან ერთად, სხვა ფერი ედვა... მეც მათთან სტუმრობამ მალე გადამიგდო გულიდან სამხედრო სურვილები და ძალაუნებურად მათ წრეში ამოვყავი თავიო“.

ილია ჭავჭავაძეს, თავიდანვე მტკიცედ ჰქონდა გადაწყვეტილი უნივერსიტეტში შესვლა და შეუდგა კიდევაც საამისო მზადებას. მზადება კი დიდი იყო საქირთ: ჯერ-ერთი, მოელოდა გამოცდების ჩაბარება, მეორე მხრივ, შორი გზა. მაშინ ხომ რკინისგზა არ იყო, პეტერბურგს ჩასვლას დაახლოვებით ექვსი კვირა სჭირდებოდა. ილიას თხოვნა მიუცია პეტერბურგის უნივერსიტეტის იურიდიული ფაკულტეტის კამერალურ მეცნიერებათა განყოფილებაზე ჩარიცხვის შესახებ 1857 წლის 20 ივლისს. ილიას ჩაუბარებია უნივერსიტეტში შესასვლელი გამოცდები და ამავე წლის 28 სექტემბერს უკვე ოფიციალურად ჩაურიცხავთ სტუდენტად. თანახმად პეტერბურგის ოლქის მზრუნველის მოადგილის მომართვისა. რატომ შევიდა ილია კამერალურ განყოფილებაზე? ჯერ ერთი აქ იყო ისეთი საგნები, რომლებიც ილიას აზრით პრაქტიკულ ცოდნას შესძენდა მას (პო-

ლიტიკური ეკონომია, საფინანსო თეორია, სტატისტიკა, სოფლის მეურნეობა და სხვა). მეორე მხრივ, აღსანიშნავია ის გარემოებაც, რომელშიც ლაპარაკობს თავის საინტერესო მოგონებებში როდესაც, 60-იან წლებში „ზემლია ი ვოლიას“ რევოლუციური ზოგადობის წევრი ლ. პანტელევი. იგი პეტერბურგის უნივერსიტეტში 1858 წელს შევიდა ამავე კამერალურ მეცნიერებათა განყოფილებაზე, რადგან იქ სხვა დარგებთან შედარებით — უფრო ადვილად იღებდნენო¹⁾. უეჭველია, ილიას გადაწყვეტილებაზე არჩევანის დროს — ეს გარემოებაც მოქმედებდა, რადგან მას გიმნაზიაში არ ჰქონდა ჩაბარებული საბოლოო გამოცდები.

ილიას სტუდენტობის დროის შესახებ მოგონებები ფრიად ბლომადაა, კერძოდ ილიაზე კი — ძალიან ნაკლებად. პეტერბურგის უნივერსიტეტშივე სწავლობდა იმ დროს ცნობილი პისარევი, რომელსაც აღნიშნავს: 1858 წლიდან სტუდენტობა შეიცვალა; იგი უფრო აქტიური გახდა, კამათობდა, კრებებს მართავდა და სულ აღარ გვგავდა ჩვენ, ძველებურ „ცხვარ სტუდენტებსაო“. საერთოდ ეს იყო ხანა, როდესაც ყველანი დიდ ცვლილებებს მოელოდნენ, ბატონყმობის გადავარდნას და როდესაც მოწინავე სტუდენტობის ფიქრთა მეუფენი იყვნენ რევოლუციონერ-დემოკრატები ჩერნიშევსკი და დობროლუბოვი თავის ჟურნალ „სოვრემენნიკით“. უკვე წარმოთქმული იყო მეფე ალექსანდრე II-ს მიერ ცნობილი სიტყვები (მოსკოვის გუბერნიის თავად-აზნაურობისადმი): სჯობს რეფორმა მოვახდინოთ მაღლიდან, ვიდრე მას დაბლიდან მოახდინოთ. დღედღეზე მოელოდნენ გლეხთა განთავისუფლებას. ლ. პანტელევი ამბობს: „რასაკვირველია, სტუდენტობა მომხრე იყო გლეხთა საკითხის ფრიად ფართოდ გადაჭრისა; იყვნენ ისეთნიც კი, თუმცა არც თუ ისე ბევრი, რომელთაც სამართლიანად მიაჩნდათ მხოლოდ უსასყიდლო ნადელი, მაგრამ სამაგიეროდ მე არ მინახავს სტუდენტი, რომელსაც ბატონყმური შეხედულებანი ჰქონოდა, ან თანაგრძნობით არ შეეხედნოს მიწით გლეხების აღჭურვისთვის; მე კი ფრიად მრავალფეროვან წრეებში ვტრიალებდი“²⁾.

თვითონ პეტერბურგშიც მაშინ თავმოყრილნი იყვნენ ცნობილი პროფესორები, ხოლო რექტორად იყო პლეტნიოვი, პუშკინის გულითადი მეგობარი, რომელსაც სტუდენტები დიდ პატივსაც სცემდნენ. აქ მოღვაწეობდნენ ცნობილი კ. დ. კაველინი, ა. ნ. პიპინი,

¹⁾ Л. Пантелеев. Из воспоминаний прошлого. Academia-1934. გვ. 49.

²⁾ იქვე, გვ. 87.

მ. სტასიულევიჩი (პირველი ორი-იმ დროს „სოვრემენნიკში“ თი-
ნამწრომლობდა კოსტომაროვი და სხვანი. ზოგიერთ მათგანს ილია
იხსენიებს თითქმის ოცი წლის შემდეგ პოლემიკის დროს, შერქმუნსაჲს
სპასოვიჩზე ამბობს: „არა გვგონია, ჩვენმა შინაურმა ლიტერატურამ
გასამართლებლად იკადნიეროს და ბ-ნი არსენიევი და სპასოვიჩი რეტ-
როგრადთა რიცხვში მოაქციოსო“ (ტ. VIII, გვ. 115). იმავე სპასო-
ვიჩს იურიდიულ საზოგადოებაში 1881 წლის 2 თებერვალს მოხსენ-
ება წაუკითხავს და მოუთხოვნია — „სამართალი იმ ენაზე სწარ-
მოებდეს, რომელზედაც თვითონ ერი ლაპარაკობსო“. ამის გამო ილია
უწოდებს მას „რუსეთის ლიტერატურისა და საზოგადოების უკეთეს
წევრს“ (ტ. VI, გვ. 109).

ილია სტუდენტობისას ძალიან ბევრს კითხულობდა როგორც ევ-
როპის მწერლებს, ისე ძველ ქართულ წიგნებს. მის დროს დაახლო-
ვებით 30-მდე ქართველი სტუდენტი ყოფილა პეტერბურგის უნი-
ვერსიტეტში. ეს ჩანს შემდეგიდან. იმ ხანებში პროფ. დავით ჩუბი-
ნაშვილს, ქართული კათედრის გამგეს უნივერსიტეტში, გადაუცია
ქართველი სტუდენტებისთვის 38 იშვიათი ქართული წიგნი, დარჩე-
ნილი მეფის ასულის სალომეს გარდაცვალების შემდეგ. აქ არის „ქი-
ლილა და დამანა“, ვახუშტის „საქართველოს ისტორია“, „ქართლის
ცხოვრება“, „ყარამანიანი“, საბას ლექსიკონი, „ვეფხისტყაოსანი“,
„სიბრძნე-სიცრუისა“ და სხვანი. სტუდენტები წიგნების მიღების
ხელწერილს აძლევენ პროფესორ დ. ჩუბინაშვილს და ხელს
აწერს სულ 25 კაცი, მათ შორის ილია, აკაკი, ნ. ნიკოლაძე, კირ.
ლორთქიფანიძე, ნ. ლოდობერიძე. 1) უეჭველია, ეს წიგნები აქვს
შხედველობაში კობტა აფხაზს, როდესაც თავის მოგონებაში სწერს:
ილია „კითხულობდა, სხვათა შორის, ბევრს ძველს ქართულ წიგნ-
სო“. ჩანს, წიგნების მიღებისთანავე, იგი თავისებურად ჩასჯდომია
მათ და გატაცებით, თავდავიწყებით კითხულობდა.

გარდა რამდენიმე მოგონებისა, ილიას სტუდენტობის შესახებ
არსებობს ოფიციალური ცნობები, რომლებიც თავის დროზე ამოუ-
კრებია უ-ტის არქივში პროფ. ივანე ჯავახიშვილს გედევანიშვილი-
სეული გამოცემისთვის 2). ირკვევა, რომ ილიას პეტერბურგში უცხოვ-
რია ამაღლების ქუჩაზე, კოლჩინას სახლში, მერე ბოლშაია მორსკა-
იაზე. რამდენიმეჯერ აქვს გადახდილი სწავლის ფული (25 მან.). ზო-
ლო ერთხელ ამ გადასახადისგან იგი განუთავისუფლებიათ თანახმად

1) А. Сагарели. Свед. о памяти. груз. письм. Т. I, вып. 3, გვ. 186 — 7.

2) გ. ლეონიძე. მასალები ი. ქ-ს ბიოგრაფიისთვის: „ლიტერატ. შემკვ“. გვ. 557 — 562.

წარდგენილი სიღარიბის მოწმობისა. როგორც ექიმის არენდის მოწმობის,
ჩრდილოეთის ბურუსიან ჰავას ილიასთვის უწყენია კიდეც და მას სისხ-
ლისღებინება დასწყება. თვითონაც სწივის დასთან მოწმობის მოწმობის
ბარათში: ეს რა ქვეყანაში (პეტერბურგზე ამბობს) მოვხვდი, სამი
თვეა, მზე არ მინახავსო.

ილიას, როგორც კობტა აფხაზიც მოწმობს, საკმაოდ უჭირდა და
ღარიბად ცხოვრობდა. უეჭველად ავტობიოგრაფიული ხასიათისაა,
მაგალითად, შემდეგი სიტყვები, რომლებსაც ვკითხულობთ იმ დროს
დაწერილ „სტუდენტების სიმღერის“ ერთერთ ვარიანტში:

ღარიბნი ვართ, ჩვენს ჯიბეში
ხშირად გროში არც კი არი,
მაგრამ ჩვენი ძმა სტუდენტი,
აი, რით არი მდიდარი:
გამხმარს პურსა ცივ წყალშია,
უდრტვინველად ხშირად ვალბობთ,
ჩარდახშია ცივსა ოთახს
ჩვენის გულის ორთქლით ვათბობთ.

უცხო ქვეყნად მშიერ-მწყურვალ
ხშირად, ძმანო, ჩვენ ვყოფილვართ,
ბევრს შევიძლებთ, რომ ტანჯვითა
სიყრმიდანვე გამოვზრდილვართ.

იმავე ხანებში სწერს ილია თავის ნათესავს (ანა ვანაძეს) და
გაჭირვებას სჩივის: „ეს პეტერბურგი, საშინელი, უდიდესი ქალა-
ქია, — ამბობს იგი, — ბევრი მხიარულება, ბევრი შექცევია, მაგრამ
ჩემთვის სულ ფუჭია, მისთვის, რომ მე ყოველ ჟამს და ყოველ წუთს
ჯიბესთან მწყურალად ვარ. და აბა, ამ ჯიბის მწყურალობით, ფეხსაც
ვერ გადასდგამს კაცი“. ¹⁾

ასეთსავე გაჭირვებას, ამწარმოებ ხუმრობის კილოთი-სწერს ილია
თავის დას ნინოს (აფხაზის მეუღლეს) 1859 წლის 18 თებერვალს:
„ჩემ ჯიბეში ნეტავი ჩამოვახედა, რა ამბავია. რუსეთელ თავებს ისე-
თი ჯიბითი გააქვთ, რომ მეტი არ შეიძლება. ღმერთმანი ქრელ-
ქრელ მანეთებს წამოჰკრავენ ფეხს, შენ ნუ მოუკვდე ჩემს თავს!“ ²⁾

1) წერილი ინახება საქ. მწერალთა მუზეუმში.

2) ილია ვაჟა-ფშაველას წერილები ს. ი. მ. ხ. უ. ნ. დ. ა. ძ. ი. ს. პუბლი-
კაციით. „მნათობი“, 1933 წ. № 8—9, გვ. 270.

სტუდენტობის დროს ილიას შეჰყვარებია სოფიო ჩაიკოვსკაია. ადრე კი, როგორც ირკვევა, მას ჰყვარებია ელისაბედ ჭავჭავაძის ასული, შემდგომ მარჯანიშვილზე გათხოვილი, დედა ცნობილი რეჟისორის კოტე მარჯანიშვილისა. არ არის გამორკვეული, თუ როგორ შეუშალა ამ რომანს ხელი. მაგრამ მისი ხსოვნა ილიას ღრმად ჩაეჩენია გულში. ამას მოწმობს მშვენიერი ლექსი „ალაზანს“ (1859 წ.), რომელშიაც ახალგაზრდული მელანქოლიით არის გამოტირებული ეს სიყვარული:

შენც გამოცვლილხარ, ალაზანო, მუხაც გამხმარა,
მეც უდროოდ-დროდ გამერია თმებში ჭალარა...
სად არს ის ღმერთა, იგი გრძნობა, ის სიყვარული?
ყველა წარსულა, რად არ მიდის ხსოვნა ბედკრული?

ამავე სიყვარულს უძღვნის პოეტი ცნობილ ლექსს, რომელიც, დიდი ხანია სიმღერად არის მოდებული მთელ საქართველოში — „გახსოვს, ტურფავ“ (1860 წ.).

უეჭველია, ილიას ეს სიყვარული გაუნელა სოფიო ჩაიკოვსკაიას სიყვარულმა. ამ სიყვარულზე გველაპარაკება კობტა აფხაზი თავის მოგონებაში, მაგრამ თვითონ ილიასაც აქვს ცოტაოდენი ცნობა. თავის დის ნინოსადმი მიმართულ წერილში, რომელიც ზემოთ უკვე მოვიხსენიეთ, ილია ეუბნება დას:

„ერთი რამ მაქვს შენთვის სათხოვარი და თუ ჩემი მცირედი სიყვარული გაქვს, ამისრულე. ერთმა ქალმა ქალური ვერცხლის ქამარი მთხოვა ხანჯლითა და დაეპირდი. შენი ჭირიმე, ნინუცი, ნუ გამამტყუნებ იმ ქალთან. მერე უნდა იცოდე, რა ქალია! იმათ ოჯახში როგორც შვილი, ისე ვარ მიღებული. ასეთი დედა-მამა ჰყავს, რომ თავი შემაყვარეს. თუ შეიძლება, შენი სულის ჭირიმე, ნინო, სალდგომოდ გამომიგზავნე, ვიცი, რომ გიყვარვარ, თუმცა ცოტა ხელის მოჭერა გიყვარს, მაგრამ ჩემი სიყვარული გაგაბედვინებს.“¹⁾

ს. ჩაიკოვსკაიასს უძღვნა პოეტმა ორი ლექსი — „სატრფოვ! ხშირად ლალი ფიჭო“ და „უცხო ქვეყნის ყარობ მთქმელსა“. ამ სიყვარულს, გარდა ამ ლექსებისა, მგონი არავითარი შედეგი არ მოჰყოლია და პოეტი მელანქოლიურად დაასკვნის:

სჩანს, ოდითვე დანიშნულა
სამარტოოდ ჩემი გული!

¹⁾ ილია ჭავჭავაძის წერილები ს. იმ. ხუნდაძის პუბლიკაციით. „მნათობი“, 1933 წ. № 8—9, გვ. 270.

ილიამ უნივერსიტეტში დაჰყო 1861 წლის 12 ოქტომბრამდე იგი დაითხოვეს მეოთხე (უკანასკნელი) კურსიდან.

სტუდენტობისას ილია ჭავჭავაძე გატაცებული იყო მანქანების პოლიტიკური ამბებით. განსაკუთრებით მას აინტერესებდა უსწრესი ნულ-რევოლუციურ მოძრაობა. იყო მომენტი, როდესაც ილია აპირებდა ცნობილი პატრიოტისა და დემოკრატის, იტალიის განმათავისუფლებელისა და გამაერთიანებელის გარიბალდის რესპუბლიკურ-დემოკრატიულ რაზმში მოხალისედ ჩაწერას.

ილიას გარიბალდის სიყვარული სიცოცხლის დასასრულამდე გაჰყვა. ჯერ კიდევ „საქართველოს მოამბეში“ იგი ბეჭდავს დობროლუბოვის სტატიას — „მამა გავაცი და მისი ქადაგებანი“, რომელშიაც ფართოდ არის ვადმოცემული იტალიის ამბები და ცეცხლოვანი სიტყვები ამ გარიბალდიელისა. 1882 წ. ილია აღნიშნავს გარიბალდის დასაფლავების სიღიადეს და უწოდებს მას „დიდებულ გმირს იტალიისას“ (ტ. VI, გვ. 250), ხოლო 1886 წელს, იხსენიებს რა იტალიის გაერთიანების გმირებს, ამბობს: ამ შეერთების განმახორციელებელი ორი კაცი იყო: ერთი კავური და მეორე გარიბალდი. პირველი იყო ჭკუა და მეორე ხმალი იტალიისა. (ტ. X, გვ. 129). უნდა აღინიშნოს ისიც, რომ ი. მეუნარგას მოწმობით, ილიას კაბინეტში ჰქონდა (80 — 90 წლებში) გარიბალდის ბიუსტი. გარიბალდი, როგორც ცნობილია, მარქსის ინტერნაციონალის (I) წევრი იყო.

გარიბალდისავე ეროვნულ-განმათავისუფლებელ ბრძოლას შეეხება ილიას ცნობილი ლექსი (1860 წ.):

მესმის, მესმის სანატრელი
ხალხთ ბორკილის ხმა მტვრევისა!
სიმართლის ხმა ქვეყნადა ჰქუხს
დასათრგუნად მონობისა“.

და სხვა.

ილია საერთოდ არ იყო გატაცებული მარტო ეგრეთწოდებული „აკადემიზმით“, ე. ი. მხოლოდ საუნივერსიტეტო საგნების სწავლით და ბევრს გარეშე წიგნს კითხულობდა. როგორც ნ. ნიკოლაძე მოწმობს, ილია 1861 წლამდე, ე. ი. წამოსვლამდე პეტერბურგის სტუდენტობაში უეჭველი ავტორიტეტი იყო. მაშინ არსებობდა ეგრეთწოდებული სათვისტომოები, რომლებშიაც სტუდენტები ჯგუფდებოდნენ ან ტერიტორიის, ან ეროვნული წარმოშობის მიხედვით. სათვისტომოებს ჰქონდათ სალარო, ბიბლიოთეკა, ეხმარებოდნენ გაქირვებულ სტუდენტებს. ჰყავდათ არჩეული გამგეობა და სხვა. ასეთი სათვისტომოები (სხვათა შორის, ქართულიც) არსებობდა რუ-

სეთის უნივერსიტეტში რევოლუციამდე. აღსანიშნავია, რომ 1908-1910-იან წლებში გამხდარა სადაოდ ის საკითხი, რომელიც ბმობდა ქართველი სტუდენტების გამთიშველი იყო 1908 — 12 წლებშია. ნიკო ნიკოლაძე ამ ამბავს ასე გადმოგვცემს: „წესდებოდა მისი ნის დროს უთანხმოება ჩამოვარდა. ერთნი იმ აზრისანი იყვნენ, რომ სალარო და განსაკუთრებით ბიბლიოთეკა — წმინდა ქართული უნდა იყოს; მეორენი კი უმჯობესად სცნობდნენ მთელ ორგანიზაციას საერთო-კავკასიური ხასიათი მისცემოდა. ქართველ სტუდენტებს, რომელთაც ხელმძღვანელობდა ილია ჭავჭავაძე, ძველი ქართული წიგნებისა და ხელნაწერების კარგა გვარიანი კოლექცია შეეგროვებინათ და თავს ევლებოდნენ მას. ესენი ამტკიცებდნენ, რომ მიზანშეწონილია დაარსდეს რამდენიმე კავკასიური სათვისტომო — ქართველებისა, სომხებისა, რუსებისა, ლეკებისა და სხვათა და მათ შორის უნდა დამყარდეს მჭიდრო კავშირიო. ნიკოლოზ ლოლობერიძეც იცავდა ამ აზრს და ამ აზრმა გაიმარჯვა.“¹⁾

ილია ჭავჭავაძე, როგორც ჩანს, რუსეთში დაახლოვებით ისე გრძნობდა თავს, როგორც ტურგენევის ცნობილი რომანის „Накануне“-ს გმირი ინსაროვი. იგი იქ ემზადებოდა იმ ბრძოლისათვის, რომელსაც საბოლოოდ მისი ქვეყნის განთავისუფლება ჰქონდა მიზნად.

დასასრულ მოვიყვანთ იმავე ნიკო ნიკოლაძის მოწმობას, თუ როგორ უყურებდა ილია ჭავჭავაძეს მისი დროის პეტერბუროვთა სტუდენტობა. ერთერთი მათგანი ასე შესჩიოდა ავტორს:

— სანამ ილია ჭავჭავაძე იყო აქ, მსჯელობას და ლაპარაკს ქე მაინც გაიგონებდა კაცი მამულის სიყვარულზე. ის წავიდა და ახლა რაუზერზე და გოზეზე (პირველი ტანისამოსის მკერვალი იყო, მეორე — მეწაღე. ქ. რ.) თუ გაიგონებ სჯას, მეტზე არაფერზე.

დამახასიათებელია აგრეთვე სიტყვები, რომლებითაც მიმართავს ერთერთი „ავტორიტეტი“ ახალგაზრდა ნ. ნიკოლაძეს, როდესაც წაასწრებს ჩერნიშევსკისა და დობროლუბოვის „სოცრემენიკის“ კითხვაზე.

— გაიხსენე ჩემი სიტყვაო, — მითხრა, — თუ შენც ისე არ წახდე, როგორც ი. ჭავჭავაძე წახდა. ისიც აქ შილერის, ბაირონის და ვალტერ-სკოტის კითხვის მეტს არას აკეთებდა და, დაესხა თავსლა-

¹⁾ ნ. ნიკოლაძე. „მოგონებანი სამოციან წლებზე“. რჩეული ნაწერების 1 ტომი, გვ. 95.

ფი, ისე წავიდა, რომ კურსი ვერ შეასრულა: უდიბლომოდ წაბრუნდა... აბა, ესლა რა ადგილი უნდა მიიღოს იმან?¹)

მივუბრუნდეთ ახლა ისევ კოხტა აფხაზის მოგონებებს სტუდენტობის შესახებ. მასში მოთხრობილია აგრეთვე ჩემი შემთხვევა, თუ რატომ მოუხდა ილიას უ-ტის მიტოვება.

„უნივერსიტეტში ილიას განსაკუთრებით პოლიტიკური და ეკონომიური სამეცნიერო საგნები აინტერესებდა, — ამბობს კ. აფხაზი... წიგნების კითხვაში იყო გართული, კითხულობდა სხვათა შორის ბევრს ძველ ქართულ წიგნს. მოახლოვდებოდა ეგზემენები და ილია... დღე-ღამეში ხშირად 18 — 20 საათს მუშაობდა. რამდენჯერ დამინახავს, რომ წიგნთან მჯდომარეს ჩასძინებია... მეც და ილიაც იძულებულნი ვიყავით უნივერსიტეტის მეოთხე კურსიდან გამოვსულიყავით და სამშობლოში დავბრუნებულიყავით. ეს მოხდა ეგრეთწოდებულ მატრიკულების წყალობით, რომლებიც შემოდებულ იქნა პეტერბურგის გენ.-გუბერ. იგნატიევის წყალობით და მეცადინეობით. ჩვენ თითქმის ყველა სტუდენტმა ამის შესახებ პროტესტი გამოვაცხადეთ. მართალია არც მე, არც ილია სტუდენტების კრებას არ დავსწრებივართ (მე ვერ მივუხწარი კრებას, როდესაც მივედი, კრებისთვის უკვე პოლიციას და ჯარს ალყა შემოერტყა), მაგრამ მაინც გამოგვიცხადეს, ვინც მატრიკულებს არ დაემორჩილება, პეტერბურგიდან ოცდაოთხი საათის განმავლობაში უნდა წავიდეს თავის სამშობლოშიო. ჩვენც წამოვედით. პეტერბურგში ვცხოვრობდით მომეტებულ ნაწილად ვასილიევის კუნძულზე (Средний проспект, у Калгиной) ზაფხულობით ჩენი ქართველი სტუდენტობა პავლოვსკში ატარებდა დროს. ჩვენც, მე და ილია, ზაფხულობით იქ ვიყავით ხოლმე. მახსოვს, ერთხელ პავლოვსკიდან ცარსკოე სელოში წავედით და იქ ვეწვიეთ ქნ დადიანისას, სამეგრელოს მთავარის ასულს (?) ქ. დადიანისამ გამოიტანა, რამდენადაც მახსოვს, ბარათაშვილის საკუთარი ხელთნაწერი. ეს ლექსები იყო: „ბედი ქართლისა“ და „მერანი“. ვერ წარმოიდგენთ, რა შთაბეჭდილება მოახდინეს ამ ლექსებმა ილიაზედ. თითქმის მთელ ერთ კვირას ყმაწვილი ჰბოდავდა ბარათაშვილზე. ჩენი სტუდენტები ხშირად ვიკრიბებოდით და ვბაასობდით როგორც საზოგადო კითხვებზე, ისე ჩვენს დაბეჩავებულ სამშობლოს მომავალზე“²) და სხვა.

¹) ნ. ნიკოლაძე. სტუდენტობის პირველი დრო, რჩ. ნაწერები. ტ. I, გვ. 63 და 67.

²) „ლიტერ. მემკვიდრეობა“, გვ. 563 — 564.

საყურადღებოა აგრეთვე პოლონელი სტუდენტების ვაგლენა ქართველებზე. ლ. პანტელევის მოწმობით ილიას დროს პეტერბურგის უნივერსიტეტში დაახლოებით 400—500 სტუდენტი ყოფილა. იურდიკულ ფაკულტეტზე არსებობდა დენიშე სპეციალური კათედრა, რომლებიც პოლონელ პროფესორებს ეჭირათ და ლექციებსაც პოლონურ ენაზე კითხულობდნენ. განსაკუთრებულად პატივს სცემდნენ თურმე პოლონელ პროფესორს ჩაიკოვსკის. „არა მარტო უეჭველ მეცნიერულ ღირსებათათვის, დასძენს პანტელევი, არამედ მხურვალე პატრიოტიზმისათვისაც: მან ოც წელიწადს დაჰყო პეტ. უნივერსიტეტის პროფესორად და თავის რუს კოლეგებს მხოლოდ ფრანგულად ელაპარაკებოდა“. იგი იხსენიებს აგრეთვე პოლონელ სტუდენტს ვლადისლავ ხოროშევსკის, რომელსაც დიდი ვაგლენა ჰქონდა სხვა ეროვნების სტუდენტებზედაც. ეს ხოროშევსკი უნდა იყოს ის ხ.,.,., რომელიც ასე სიმპათიურად ჰყავს გამოყვანილი გიორგი წერეთელს („იხ. ჩიკოლიკი, კიკოლიკი და კუდაბზიკა“). ილია ჭავჭავაძეც, უეჭველია, ხვდებოდა პოლონელ სტუდენტებს, ეცნობოდა თვითმპყრობელობის მიერ მათი სამშობლოს ჩაგვრის ამბებს. განსაკუთრებით ეს ხდებოდა, ალბათ, პეტერბურგის ახლო სააგარაკო ადგილას — პავლოვსკსა და ტიარლევოში, სადაც ბლომად იყრიდნენ თავს გაკვეთილებზე თუ დასასვენებლად გასული სტუდენტები.

რუსეთში ყოფნამ და სწავლამ უდიდესი კვალი დაამჩნია ი. ჭავჭავაძის პიროვნებას და მსოფლმხედველობას.

მართალს ამბობდა თვითონ ილია რუსეთში გატარებული ოთხი წლის შესახებ: „ეს ოთხი წელიწადი ცხოვრების საძირკველია, ცხოვრების წყაროს სათავეა, ბეწვის ხილია, სიბნელესა და სინათლის შუა ბედისგან გადებული. მაგრამ ყველასათვის კი არა. მარტო იმათთვის, ვინც რუსეთში წასულა, რათა ჭკუა აეარჯიშოს, ტინისა და გულს მოძრაობა მისცეს, — ფეხი აადგმეინოს“.

საქართველოს კარიბჭებზე იგი ხვდება ცნობილ მოხევეს, რომლის სიტყვები მთელმა წერა-კითხვის მცოდნე საქართველომ იცის. რატომ შიშნატრის მოხევე ლელთ ლუნია ძველ დროს? იმიტომ რომ იქვეგულება ერობა, პირვანდელი სახის დემოკრატიზმი, როდესაც თავის საქმეებს თვითონ ხალხივე სწყვეტდა. მას სრულიად არად მიაჩნია „მშვიდობიანობა“, „უხმარს სატევარს ჟანგი დაედვის, უსრბოლო წყალჩი ბაყაყნი, ჭია-ჭუაი, ქვემძრომი გამრავლდის. უდგვარ, უსვენარ თერგჩი კი კალმახი იცისო“. კიდევ იმიტომ მოსწონს მოხევეს წარსული, რომ „ადრია ავად თუ კარგად ჩვენ ჩვენი თავი ჩვენადვე გვეყუდნეს“.

თვითონ ილიას იდეალიც ხომ დაუდევარი თერგია, რადგან მის იცის, რომ „მოძრაობა და მარტო მოძრაობაა — ქვეყნის ღონისა და სიცოცხლის მიმცემი“. ხოლო მოხევეზე იგი ამბობს: „მეცხვენი უნდა მო მოხევე, რა ნესტარიტა ხარ ნახველეთი“. „ჩვენი თავი ჩვენადვე გვეყუდნოდესო“ — სთქვი შენ და მე გავიგონე. მაგრამ გავიგონე თუ არა, რაღაც უეცარმა ტკივილმა ტვინიდან გულამდე ჩამირბინა, იქ გულში გაითხარა სამარე და დაიშარხა“.

ილია თავიდანვე გარკვეული პროგრამითა და მებრძოლის აფრიანებული დროშით შემოდის საქართველოში და ამ დროშაზე აწერია: ბატონყმობის მოსპობა, დემოკრატიზმი და ეროვნული განთავისუფლება. 1832 წლის შეთქმულების შემდეგ საქართველოს პოლიტიკური აზრი თითქოს მიძინებული იყო და მხოლოდ ილიას სახით გამოცოცხლდა იგი: „ჩვენი თავი ჩვენვე გვეყუდნეს“ — ე. ი. განთავისუფლება თვითმპყრობელობის კლანჭებისაგან, აი, რა პოლიტიკური ღონისუბნი წამოაყენა ილიამ. არსებითად სწორედ ამ საქმეს ემსახურებოდა იგი და მისი ჯგუფი სხვადასხვა საშუალებით, სხვადასხვა გზით, ხან შეტევით, ხან მოჩვენებითი ლოიალობით, მაგრამ ეს საბოლოო მიზანი მუდამ თვალწინ ჰქონდა, ყოველთვის გზას უნათებდა და მთავარ ღერძს წარმოადგენდა.

ილია 1861 წელს რუსეთიდან შემოვიდა სავსებით ჩამოყალიბებული მსოფლმხედველობით, ნამდვილი „თერგდალეული“ და საბრძოლოდ გამზადებული.

აღსანიშნავია, რომ პოეტური პროდუქციის თვალსაზრისით ილიას სტუდენტობა ფრიად ნაყოფიერი გამოდგა. 1857 წლიდან ვიდრე 1861 წლამდე მას დაუწერია 86 თავისი ნაწარმოები, მათ შორის: „აჩრდილი“, „დედა და შვილი“, „კაკო ყაჩაღი“, დაუმთავრებელი დრამატიული პოემა „ირაკლი“. 62 ლექსი და უთარგმნია 20 ნაწარმოები. ამ დროს ნაწერებში ჩვენ უკვე ვხედავთ მომწიფებულ და სავსებით ჩამოყალიბებულ მსოფლმხედველობას, რომლის ღერძია. ბრძოლა ბატონყმობის წინააღმდეგ და ეროვნული თავისუფლება.

ილია უკვე 1858 წ. აცხადებს: „გუთნის დედაში“:
რად მინდა ხმალი, თუნდ იყოს მჭრელი,
თუ სიმართლისთვის დამიჩლუნგდებაო.

იმავე წელს იგი მიჰმართავს „ქართველის დედას“:

აღზარდე შვილი, მიეც ძალა სულს,
საზრდოდ ხმარობდე ქრისტესა მცნებას,

შთაავონებდე კაცთა სიყვარულს,
ძმობას, ერთობას, თავისუფლებას.



1860 წელს ილია სწერს თითქმის ზედიზედ ორ ლექსს (12 ივლისს) და „ბოეტს“ (23 ივლისს). მისი გზა უკვე სავსებით გარკვეულია:

მისთვის არ ვმდერ, რომ ვიმდერო,
ვით ფრინველმა გარეგანმა;
არა მარტო ტკბილ ხმათათვის
გამომგზავნა ქვეყნად ცაბა.

გავიხსენოთ აგრეთვე ვარიანტი „ქართველ სტუდენტების სიმღერისა“, დაწერილი იმავე 1860 წელს:

დედამ რომ შვილი გაზარდოს
ემაგრე ჩვენისთანაო!
ცართან ძმობას არ ვკადრულობთ,
მაგრამ ვნატრობთ გლებთანაო.

ილიას ხანდახან იტაცებს ძველი საქართველოს რომანტიკა, მაგრამ იგი ყოველთვის წინ იყურება და არა უკან. თუ იგი წარსულის გმირულ სახეებს წარმოგვიდგენს, ეს მხოლოდ სააგიტაციო მასალად უბნობს აწმყოს უარსაყოფად და ბრძოლის აღსაძვრელად. ამ მხრივ ფრიად დამახასიათებელია, რომ მის „დედასა და შვილს“ აქვს რემარკა: „სცენა მომავალი ცხოვრებიდან“.

საერთოდ ახალგაზრდა ილიას აქაც უკვე სავსებით გარკვეული აზრი აქვს. იმავე „ქართველის დედაში“ იგი ამბობს შესანიშნავ საპროგრამო სიტყვებს:

მას ნულარ ვსტირით, რაც დამარხულა,
რაც უწყალოს დროთ ხელით დანთქმულა;
მოვიკლათ წარსულ დროებზე დარდი...
ჩვენ უნდა ვსდიოთ ახლა სხვა ვარსკვლავს,
ჩვენ უნდა ჩვენი ვშვათ მყოობადი,
ჩვენ უნდა მივსცეთ მომავალი ხალხს.

ისეთი ძლიერი პათოსით, როგორც ეს „აჩრდილშია“, ქართულ ლიტერატურაში იშვიათად გამოუხატავს ვისმე დამონებულთა უბედურება. აბა, გავიხსენეთ:

შენში კაცისას გოძნობას არ ხედვენ,
დედას ძუძუდგან შვილსა აპგლეჯენ,
ვინ იცის, სიღამ სად გაჰყიდიან...
უწმინდურისა ხელითა სთხრიან
დედისა გულში უკეთესს გოძნობას,
ცოდვად უთვლიან შვილისა ტრფობას...
ქალს წაგართმევენ, ქალს გაჰყიდიან,
ნამუსს მოუკვლენ შეუბრალებლად
და წრფელსა გულში ღვარძლს ჩაასხმიან,
გახდიან ყვავილს ფეხ-ქვეშ სათრეველად.



ილიამვე გამოაცხადა ქართულ ლიტერატურაში შრომის გან-
თავისუფლების აუცილებლობა:

შრომისა ახსნა, ეგ არის ტვირთი
ძღვეამოსილის ამ საუკუნის,
კაცთა ლელვისა დიადი ზვირთი
მაგ ახსნისათვის მედგრადა იბრვის-ო.

გავიხსენოთ აგრეთვე „კაკო ყაჩაღი“, სადაც არსებითად შექმე-
ულია ტერორისტული აქტი ბატონების წინააღმდეგ, რადგან

რა გავაგრძელო, თავადისშვილი,
კარგი რა არის, ავი რა იყოს?!

რასაკვირველია, შემცდარი ვიქნებით, ყველაფერი ამის გამო ილია
ქავქავაძე, თუნდაც 60-იანი წლების ქაბუკი, სოციალისტად და რე-
ვოლუციონერად წარმოვიდგინოთ, თუმცა როგორც აქ, ისე ზოგი-
ერთ მერმინდელ მის ნაწარმოებში, მოიპოვება ელემენტები სო-
ციალიზმისა. ილია იყო ტიპური წარმომადგენელი 60-იანი წლების
პროგრესული და დემოკრატიული იდეებისა. იგი არ მისულა კლასთა
ბრძოლის აღიარების აუცილებლობამდე და ეს არც საკვირველია.
ილია ქავქავაძეს კი არა, 70-იანი წლების რევოლუციონერებსაც
ბუნდოვანი წარმოდგენა ჰქონდათ ამ საგანზე!

რასაკვირველია, ილიას შემოხსენებული ნაწარმოებები, მეფის სა-
სტიკი ცენზურის გამო, მხოლოდ ნაწილობრივ იბეჭდებოდა. მაგრამ
მათ ხელნაწერად ავრცელებდნენ, კითხულობდნენ ახალგაზრდათა
წრეებში, სწავლობდნენ ზეპირად. ილიას ლექსები რომ თავიდანვე
ძალიან პოპულარული იყო მოწინავე ახალგაზრდობაში, ამას მოწ-
მობს ისიც, რომ ნიკო ნიკოლაძეს თავის წერილში („ივნისის დღეები
ტფილისში“), რომელიც გერცენის არალეგალურ გაზეთ „კოლო-

კოლში“ დაიბეჭდა 1865 წელს, მოჰყავს ერთი სტრიქონი ილიას „მუშიდან“: „ბატონის მათრახისათვის ვერ გაუძლიათო!“¹⁾

ილია ჭავჭავაძე, თავიდანვე ცდილობდა თავის ამნაირ ნაწარმოებთა დაბეჭდვას, მაგრამ ამაოდ. აი, როგორ შესჩივის ილიას ლორთქიფანიძეს 1864 წელს „კაკო ყაჩაღის“ შესახებ. ლორთქიფანიძე აპირებდა გამოეცა პეტერბურგში, სტუნდენტების სასარგებლოდ, კრებული ქართული პოეზიისა. ილია უგზავნის მას რამდენიმე თავის ნაწარმოებს და მერე დასძენს: „ეპიზოდი ყაჩაღის ცხოვრებიდან“ მე თუმცა დასრულებული მაქვს, მაგრამ არ გიგზავნი, რადგან



ილიას აღმზრდელი. ს. ლოლაძე

ვიცი, რომ არ დაბეჭდავენ. თუნდ მანდა როგორმე მოახერხო და ნების დართვა აილო, აქ მთელ წიგნს აგიკრძალავენ, ეს მე ნამდვილად ვიცი. მეც ბევრი ვეცადე აქაურ ცენზურის კომიტეტში, მაგრამ ძალიან ამიკრძალეს“²⁾

რაკი ილიას ნაწარმოებებზე ჩამოვარდა ლაპარაკი, ბარემ აქვე მოვიყვანთ ერთ ფაქტს, რომელიც ნათლად ახსნათებს ილიას, რო-

¹⁾ რჩ. ნაწერები, ტ. I, გვ. 195.

²⁾ ი. ჭავჭავაძის წერილები სიმ. ხუნდაძის კუბლიკაციით, „მნათობი“, 1933 წ. № 8—9, გვ. 273.

გორც მხატვარ-რეალისტს. მას თავის ნაწარმოებთა სიუჟეტი თითქმის ყოველთვის რეალური ცხოვრებიდან აქვს აღებული და ერთ მის პერსონაჟს თავისი პროტოტიპი ჰყავდა. ასეთი იყო „კაკო ყაჩალი“¹⁾ თად, ილიას „კაკო ყაჩალი“. კობტა აფხაზი გადმოგვცემს მის შესახებ

„კაკო პირდაპირ ცხოვრებიდან არის აღებული. კაკო გახლავთ ერთი კარდანახელი გლეხი ვინმე გაუხარაშვილი, რომელმაც მართლა ესროლა თავის ბატონს (რომელიღაც ვაჩნაძეს) და ყაჩაღად გავარდა. იმალებოდა ალაზნის ტყეში და გამვლელ-გამომვლელს სძარცვავდა. ხმა და სახელი დიდი ჰქონდა გავარდნილი. ერთხელ ილია სწორედ იმ გზით მოდიოდა ჩვენსა კარდანახში, თან ახლდა მოსამსახურე ბიჭი. უცბად ერთ ალაგას წინ გადასდგომია შეიარაღებული გაუხარაშვილი და შეუჩერებია, გამოუკითხავს ვინაობა და მოგზაურობის მიზანი. რომ გაუგია ჭავჭავაძის გვარი, უკითხავს: ჭავჭავაძეს კარდანახში რა უნდაო? ბიჭს აუხსნია რომ კარდანახში თავის ნათესავს აფხაზიანთსა მიდისო. მაშინ ყაჩაღს თოფი დაუშვია და ილია მიუწვევია თავის ბინაზე, კარგად გამასპინძლებია და დაუთვრია კიდევ. ასე რომ როდესაც ილია ჩვენსა მოვიდა, ბარბაცებდა და მარტო იმას გაიძახოდა ენის ბორძიკით: „დამაძინეთ, დამაძინეთო!“ მეორე დღეს კი გვიამბო თავის თავგადასავალი, მხოლოდ დაუმატა, რომ გაუხარაშვილი სულ ბატონებს სწყევლის და აგინებსო!“¹⁾ განა ამის შემდეგ გასაკვირველია ახალგაზრდა ილიას სიტყვები:

ღრუბლო, ცაზედ მფრინავო,
სუ ემუქრები კაკოსა...
მე კისრად ვიღებ, ღრუბლო,
რაც იმას ემართლებოდესო.

ან კი სად უნდა დაებეჭდნა ილიას ისეთი მებრძოლი ხასიათის ნაწარმოები, როგორც იყო „კაკო ყაჩალი“. მაშინ ერთადერთი დაჩაჩანაკებული ჟურნალი „ცისკარი“ არსებობდა. ამ ჟურნალმა თავისი პირველი რედაქტორის, გიორგი ერისთავის ხელში მხოლოდ ორ წელიწადს იარსება (1852 — 54 წ.); სამი წლის ხარვეზის შემდეგ იგი განაახლა ივანე კერესელიძემ. მან ძალიან დიდი შრომა გასწია, ბევრი ვაჭივრება გადიტანა ჟურნალის ფეხზე დასაყენებლად, მაგრამ პატარა კაცი იყო და დიდ კაცებზე დამოკიდებული. მას არ ჰქონდა რაიმე გარკვეული პროგრამა. ჟურნალი საერთოდ კონსერვატორებს ჰქონდათ ხელთ, თუმცა იქ შემთხვევით იბეჭდებოდა ისეთ-

¹⁾ „ლიტერ. მემკვიდრ“. გვ. 565.

ნაწარმოები, როგორცაა დ. ჯონქაძის — „სურამის ციხე“ აგრეთვე „მოლაყბის წერილები“. თვითონ ილიასაც ჰაბუჯობისას მოსწონდა სალაყბო ფურცელი (იხ. მისი წერილი 1858 წ. გ. სულხან-შაველას წიგნი „მწიგნობრობის სადმი“).¹⁾

„ცისკარის“ მუდმივი და უახლოესი თანამშრომელი იყვნენ: ალექსანდრე და ვახტანგ ორბელიანები, მიხ. თუმანიშვილი, ლ. არდაზიანი, ნ. ბერძენოვი, დიმ. ყიფიანი, დიმ. ბაქრაძე, ბარბ. ჯორჯაძე და სხვანი. რასაკვირველია, გარედანაც ბევრი იღებდა მასში მონაწილეობას (გრიგოლ ორბელიანი, ს. ალექსი-მესხიშვილი, რაფ. ერისთავი და სხვ.), როგორც ერთადერთ ქართულ „სიტყვიერების ჟურნალში“.

რადგან სხვა ორგანო არ იყო, „ცისკარშივე“ ბეჭდავდნენ თავის ნაწარმოებთ ახალგაზრდებიც. ილიას პირველი ლექსიც, რუსულიდან ნათარგმნი — „ჩიტი“ „ცისკარში“ დაიბეჭდა (1857 წ. იანვარს). ილია თავიდანვე ვრძნობდა „ცისკარის“ ჩამორჩენილობას, რეტროგრადობას და ნაკლებშინაარსიანობას. უკვე 1858 წელს იგი ასე შეაქარად ახასიათებს ხსენებულ ჟურნალს: „იანვრის ცისკარში ჩემი ლექსია დაბეჭდილი, წაიკითხე თუ არა? აი, გინდოდა ჩემი ლექსები გენახა ცისკარში და ავისრულე, თორემ შენ რომ არ გსურვებოდა, არც მაგას დავაბეჭდინებდი, იმიტომ რომ ჩვენი ცისკარი ჯოჯოხეთის კარია და არა ცისა“¹⁾.

და აი, ასეთ ვითარებაში, ბატონყმურ საქართველოში, რუსეთის თვითმპყრობელობის კოლონიად ქცეულ საქართველოში ბრუნდება ილია. ბრუნდება თერგდალეული, ე. ი. ისეთად, რომელსაც შეთვისებული აქვს რაც კი რამ კარგი, მოწინავე იყო მაშინდელ რუსეთის პოლიტიკურ ვითარებაში.

V

ილიას ჩამოსვლა. 60-იანი წლების საქართველო. პირველი ლაშქრობა ძველთა წინააღმდეგ „ცისკარში“. ილიას ჯგუფი.

გულის ჩრქოლვით მოდის ილია საქართველოსაკენ. თავდაპირველად იგი თითქმის ოდნავ ეჭვიანობს: „შევიძლებ კი, რომ მას (სამშობლოს!) ღვიძლი სიტყვა ვუთხრა და იმ სიტყვით უნუგემოს ნუგეში მოეფინო, მტირალს ცრემლი მოვსწმინდო, მუშაკს შრომა გავუადვილო?... და, ბოლოს იგი ამყად ამბობს: შევიძლებო. ემოქაც ისეთი დგებოდა, რომ მოქმედების იმედს იძლეოდა.

1) „მნათობი“, 1933 წ. № 8—9, გვ. 267.

2) „მნათობი“, 1933 წ. № 8—9, გვ. 271. წერილი ნ. აფხაზთან.



სამოციანი წლები ღირსშესანიშნავი ხანა იყო როგორც მთელი მაშინდელი რუსეთის, ისე საქართველოს ცხოვრებაში. ყველაზე მეტად მარცხებამ საბოლოოდ ცხადჰყო მეფის რეჟიმის სიდაბნულე-დაბნულე მოუსადეგრობა. გლახთა გაძლიერებულმა რევოლუციურმა მოძრაობამ იძულებული გახადა როგორც თავად-ზნაურობა, ისე მეფის მთავრობა — ეზრუნათ გამოსავალის გამოსანახავად. საგარეო დამარცხებამ სახელმწიფოს სიმტკიცე შეარყია და ყველა შეგნებული ელემენტი დიდი ცვლილებების მოლოდინში იყო. მართლაც, დაიწყო ეპოქა ეგრეთწოდებული „დიდი რეფორმებისა“. 1861 წელს რუსეთში ბატონყმობა ოფიციალურად გადაეარდა.

რანაირი იყო მაშინდელი საქართველოს ვითარება? თავის შესანიშნავ წერილში — „საქართველო“ („ზოგი რამ“), რომლის პირველი ესკიზი ჯერ კიდევ 1866 წელსაა დაწერილი, ილია გულისტკივილით სჩივის: „ქართველი — ჩვენი ტომის საერთო სახელი აღარ არის... განთვითეთულდით, ცალ-ცალკე დავიშალენით, ასო-ასო დავიჭვრით“, იმერელი — იმერელია, გურული — გურულია, ქართლელი — ქართლელია, მათი შემკრებელობითი ცნება კი — საქართველო, არ არსებობსო.

მართლაც ასე იყო და ამ მდგომარეობის შეცვლა ჩვენში სწორედ სამოციანი წლებიდან დაიწყო, როდესაც ბატონყმობა მოისპო (1864 — 66 წლებში) და ხალხის ძალებს ასე თუ ისე მოქმედების უფრო ფართო ასპარეზი მიეცა.

ასეთ საქართველოში ჩამოსვლისას ილიას თავდაპირველად მოუხდა შეტაკება ძველი თაობის წარმომადგენლებთან. 1861 წლის „ცისკრის“ აპრილის ნომერში იბეჭდება ი. ჭავჭავაძის პირველი სტატია: „ორიოდე სიტყვა თ. რევაზ შალვას-ძის ერისთავის კოზლოვიდან „შეშლილის“ თარგმნაზედა“. ილია აქ თავისებური დაუზოგავობით ამათრახებს მთარგმნელს, უკიჟინებს უვიცობას და გზადაგზა ბევრ „ერეტიკულს“ მოსაზრებას გამოსთქვამს — პოეზიაზე, ენაზე, ჩახრუხაძეზე, შავთელზე და სხვა. მაგრამ ძველი თაობის წარმომადგენელთა გულგასაგმირად და თავზარდასაცემად — ი. ჭავჭავაძე ქართულ ლიტერატურაში თავიდანვე შემოიჭრა როგორც რეფორმატორი და მის ყურადღებას არ გამოჰპარვია ორთოგრაფიული, საკითხებიც კი: თავის პირველსავე სტატიაში მან უარჰყო ქართული ანბანის დრომოქმული ხუთი ასო (ჟ, უ ზ, ა, ჯ, კ).

აქვე უნდა აღინიშნოს, რომ ილია როგორც ამ წერილში, ისე საერთოდ, განიცდის ბელინსკის დიდ გავლენას. იგი სასტიკად ილაშქრებს კოზლოვის წინააღმდეგ და ამბობს: „მართლა-და საკვირველია! თუ კაცს რუსულიდგან თარგმნა უნდა რისამე, პუშკინი, ლერ-

მონტოვი, გოგოლი როგორ უნდა დაავიწყდეს და მივარდეს წიგნ-
ლია! თუ კაცს რუსულიდან თარგმნა უნდა რისამე, პუშკინი, ლერ-
რატურო სკოლების — ცრუელასიციზმის, რომანტიზმისა და სენტუ-
მენტალიზმის წინააღმდეგ და ასაბუთებს იმ რეალიზმს, რომელიც
ერთერთი ფუძემდებელი და განმავითარებელიც ის შეიქმნა ქართულ
ლიტერატურაში. როგორც სამართლიანად აღნიშნავს ვ. ასათიანი,
„კოზლოვის შემოქმედების შეფასების დროს ჭაბუკ ილიას ბევრი რამ
აქვს აღებული იმ რეცენზიიდან, ბელინსკიმ ი. კოზლოვის ლექსთა
კრებულის შესამე გამოცემასთან დაკავშირებით რომ დაწერა (1840
წ.).¹⁾ გზადაგზა ილია 60-იანი წლებისთვის დამახასიათებელი სტი-
ლით ამბობს: „ჩვენს სტატიაში ნუ ელოდებით ესთეტიკურ კრიტი-
კას: ვინ ჩვენ და ვინ ესთეტიკური კრიტიკა!“ განა ეს არ მოგვაგო-
ნებს დობროლუბოვის ცნობილ ფრაზას, რომლითაც იგი იწყებს
ტურგენევის რომანის „Накануне“-ს გარჩევას — Эстетическая
критика сделалась теперь принадлежностью чувствительных
барышень?“.

ილია უწუთებს რევ. ერისთავს ენას და დასძენს: „სხვისა არ
ვიციტ და ჩვენ-კი მშობელ მამასაც არ დავუთმობდით ჩვენი მშობ-
ლიური ენის მიწასთან გასწორებასო“.

ილიას წერილმა, მისმა გაბედულმა კილომ და მსჯელობამ, ახალ-
მა აზრებმა დიდი აღიაქოთი გამოიწვია მაშინდელ წყნარად მთვლე-
მარე საზოგადოებაში. და აი, მის წინააღმდეგ გამოდის ძველთა წარ-
მომადგენელი ბარბარე ჯორჯაძისა, პოეტი-ქალი. იგი აღშფოთე-
ბულია ი. ჭავჭავაძის რეფორმატორობით და სწუხს, რომ ილიამ არ
იცის „ყოვლის მწერლისთვის საჭირო და აუცილებელი თეორეტიკა,
ანუ ჰსწავლა ხელოვნებითი სიტყვიერებისა“, თორემ ძველ ასოებს
არ უარპყოფდაო.

ბარბ. ჯორჯაძისას ძალიან ეშინია პოლემიკისა და საღმრთო
წერილსაც იშველებს: „ნუ განიკითხავთ, რათა არა განიკითხნეთ“,
„შევიმაგროთ დედისერთა ჟურნალიო („ცისკარი“)“, „თუ რომ უფ-
ჩავჭავაძეს ჰსურს ახალის ენის დაბადება, ეს კი არ ვიციტო“. მეო-
რეგან აღნიშნავს — „აკი მოჯახსენეთ, რომ ახალის ენის დაბადება
უნდა“²⁾ „პასუხის პასუხში“ პოეტი ქალი გულმტკივნეულად სჩივის:
„უთანხმოება არის მიზეზი ყოვლის ბოროტისა“, მან დალუბა რომი,

¹⁾ „მნათობი“, 1936 წ. № 7, გვ. 167.

²⁾ „ცისკარი“, 1861 წ. მაისი. გვ. 58.

სპარსეთი;“ „უფ. ჭავჭავაძის პასუხი შორავს ზრდილობან და სამგე-
რობით დაუბადებია ახალი ენა“¹⁾.

ბ. ჯორჯაძისას მიჰყენენ გიორგი ბარათოვი და ს. უფრეშვილი (ხივეი²⁾). ეს უკანასკნელი დინჯად უხსნის ილიას, რომ „სამგეარო: მაღალი, საშუალო და მდაბალი. არ ვიცი ამ სამში რომელს მიეთვისება თქვენი კალამი“, რადგან, „სადაგსიტყვაობაში (პროზაში) ასე უწყალოდ ამახინჯებთ და ამდაბლებთ ქართულ სიტყვიერებას“.

ილიას უსაყვედურებდნენ ისეთი სიტყვების ხმარებას, როგორც არის: ესთეტიკური, სენტიმენტალური, დრამატიზმი და სხვა. აკრიტიკებდნენ თვითონ ი. ჭავჭავაძის უკვე გამოქვეყნებულ ლექსებს და დანაშაულად უთვლიდნენ, რომ „ფარის მაგივრად ბელინსკის ტომები“ ეპყრა ხელთ. ილიამ კვლავ მკაცრად უპასუხა ყველას. შესავალში იგი სამართლიანად აღნიშნავდა იმ აურზაურს, რომელიც მისმა პირველმა წერილმა გამოიწვია: „ბარაქალა, ჩემო სტატიავ, ბარაქალა! ვისაც თავის დღეში კალამი ხელში არ აუღია, იმასაც ააღებინე; ვისაც მართალი სიტყვა, პირდაპირ ნათქვამი, თავის დღეში არ გაუგია, იმას მართლის თქმით გული აუზღვრიე; ვისაც „შინიღამ ფეხი კარში არ გამოუდგამს“ და რაღაც ანბანის თეორეტიკის მეტი არა უკითხავს რა, ისიც კი აალაპარაკე თეორეტიკის გარე საგანზედ“ და სხვა³⁾. ბოლოს ასკვნიდა: „ცისკარი უვარგისია, კიდევ თქვენგან, ყვავებო ფარშევანგის ფრთებითა, ბულბულებო ყორნის ჩხავილითა“.

ძალიან საყურადღებოა, რომ „ცისკრის“ რედაქციამ ილიას პასუხის თითქმის ყოველ ფურცელს თითო გვერდი შენიშვნები გაუკეთა. რედაქცია აღნიშნავს: ავტორი ბელინსკის მიმდევარია. ბელინსკი თუმცა „უპირველესი კრიტიკი იყო რუსეთში, მაგრამ, როგორაც სწული და ზაფრიანი კაცი, ყოველთვის ილანძღებოდა და ამ მიზეზით მისი ბაძვა არ არის მოსაწონიო“ (გვ. 183). „ბელინსკის გაველენა ყოველს სიტყვაში ჰსჩანსო“ (184) და სხვა.

რასაკვირველია, ეს სალიტერატურო შეტაკება შედარებით მკრთალი გამოხატულება იყო იმ ღრმა და მკაცრი ბრძოლისა, რომელიც მაშინ სწარმოებდა ძველსა და ახალ თაობას შორის. ერთი მხრივ იყვნენ ძველი წყობილების, ბატონყმობის დამცველნი, მეორე

¹⁾ „ცისკარი“, 1861 წ. სექტ. გვ. 90.

²⁾ იხ. პირველისა — „წერილი რედაქტორთან შესახებ თ. ილ. ჭავჭავაძისა“. (1861 წ. მაისის და ივნისის „ცისკარი“), ხოლო მეორისა — „უსტარი ანტიკრიტიკული თ. ილია ჭავჭავაძისადმი“ „1861 წ.“ ივნისი.

³⁾ „ცისკარი“, 1861, წ. ივნისი, გვ. 181—3.

შხრე — ბატონყმობის მოსპობის მომხრენი, ქართული ენის უფლებათა დამცველნი, ევროპული განათლების მქადაგებელნი. ეს პირდაპირობა ცოტა ხანს შემდეგ უფრო რელიგიურად გამოხატულა „საქართველოს მოამბის“ გამოსვლისას, შერე კი ილია ჭავჭავაძისა და გრიგოლ ორბელიანის შეტაკებაში.

ილია ჭავჭავაძეს ზემოხსენებული „პასუხის“ შემდეგ უკვე საშუალება აღარა ჰქონდა პოლემიკა განეგრძო, მაგრამ მას წამოეშველნენ სხვა თერგდალეულები პეტერბურგიდან და სხვა ადგილებიდან (სტუდენტები — კირ. ლორთქიფანიძე, ვიორგი წერეთელი და შემდგომ აკაკი წერეთელი). პოლემიკა გრძელდებოდა. გორისელმა წერეთელმა ექვთიმემ (გიორგის მამამ) 1862 წელს მოათავსა წერილი ილია ჭავჭავაძის წინააღმდეგ. ილიას გამოესარჩლნენ სამნი თერგდალეულნი (1862 წ. აპრილისა და მაისის „ცისკარში“).

ჩვენ აქა ვართ სამნი ძმანი,
სამნივ თერგდალეულთაგანი.
მე გახლავარ, გორისელო,
ერთი ამ სამ ძმათაგანი...

მაგრამ ილია უკვე ემზადებოდა თავისი საკუთარი ჟურნალის გამოსაცემად. მის გარშემო უკვე შეკრებილი იყო ახალგაზრდების ჯგუფი. ისინი მართავდნენ კრებებს, აარსებდნენ წრეებს და საზოგადოებაში აგიტაციას ეწეოდნენ იმ ახალი იდეების სასარგებლოდ, რომლებიც რუსეთის მოწინავე მოაზროვნეთაგან ჰქონდათ შეთვისებული. ჩვენს ზელთ არის იმ ხანების (1863 წ.) პირადი წერილები ილია ჭავჭავაძისა ოღლა გურამიშვილისადმი, რომელიც შემდგომ ცოლად შეირთო. ეს წერილები მეტწილად ინტიმური ხასიათისაა, მაგრამ ზოგი საინტერესო შტრიხიცაა. მაგალითად, ერთ-ერთ წერილში (№ 18) ილია სწერს საცოლეს: „ელენე (ჩოლოყაშვილთან) გაიმართება სალიტერატურო საღამო, რომელზედაც ახალგაზრდები წაიკითხავენ სხვადასხვა თხზულებებს. სთხოვე მას (ლიზას), რომ შენც წამოგიყვანოს იქ, მე ჩემი ამხანაგებით მართლა ამ კვირია მასთან შევიკრიბებით და მე, შენი პატარა რედაქტორი, რაღაცას წავიკითხავ“.

ილია ჭავჭავაძის ჯგუფის მუშაობაზე მოგვითხრობს თხუთმეტი წლის შემდეგ გ. წერეთელიც („კვალი, № 46, 1897 წ.). თუმცა იგი პოლემიკური სიციხარით ლაპარაკობს ხსენებული ჯგუფის დასამცირებლად (ამ ხანებში ილია და გ. წერეთელი ერთმანეთს ქალიან დაშორებულნი იყვნენ), მაგრამ ილიას პირველ ნაბიჯებს მაინც სწორად აღნიშნავს. ლაპარაკობს რა დასთა წარმოშობაზე, გ. წერე-

თელი ამბობს: 1861 წლიდან „ილია ჭავჭავაძემ ახალი ლიტერატურული მოძრაობა ასტეხა ჯერ კიდევ „ცისკარში“ და გაქცეულნი იქნა თავისი საკუთარი წრე... ამით შემოიღეს კერძო ცხოვრება და ც კითხულობდნენ რეფერატებს და სადაც ალტაცებული ჭაბუკი ილია ჭავჭავაძე თავისი ახალდაწერილი ლექსებისა და „გლახის ნაამბობის“ თავების კითხვით ამხნეებდა, ასულდგმულედა თავის საკუთარ წრეს და წრის გარეშეც არაჩვეულებრივ თანაგრძნობას იძენდა საზოგადოებაში. აი, ამ წრემ ილ. ჭავჭავაძის მეთაურობით გამოსცა „საქართველოს მოამბე“ 1863 წელს. ჟურნალში მიიღეს მონაწილეობა მაშინდელმა საუკეთესო მწერლებმა“...

„საქართველოს მოამბე“ ისეთი დიდი მოვლენა იყო მაშინდელ ჩვენს საზოგადოებრივ ცხოვრებაში, რომ იმაზე უფრო ვრცლად შეეჩერდებით.

VI

„საქართველოს მოამბის“ გამოცემისათვის მზადება. ვის ეშინოდა „საქ. მოამბე“ და მისი თანამშრომელი. რა იბეჭდებოდა ჟურნალში. პოლემიკა „ცისკართან“. ნ. ნიკოლაძის მოწმობა. ცენზურის სისასტიკე.

როგორც კი ხმა გავარდა, ილია ჭავჭავაძე ჟურნალის გამოცემას აპირებსო, ძველების ბანაკი შეიძრა... და შეშინდა კიდევ. ჯერ სიამტკბილობით უნდოდათ შეხვედრა, რაც უფრო მეტი ქართული ჟურნალი გვექნება, მით უკეთესიო, ამბობდნენ, ვფიქრებოდათ, ახალმა ჟურნალმა არ გავაკრიტიკოსო. აი, რას სწერდა 1863 წლის 13 აპრილს „ცისკარის“ რედაქტორი ივ. კერესელიძე პოეტ რაფიელ ერისთავს, რომელთანაც კარგი პირადი ვანწყობილება ჰქონდა: „ს ტ უ დ ე ნ ტ ე ბ ი ს ჟ უ რ ნ ა ლ ი ს (ხაზი ჩვენია. ქ. რ.) შესახებ მწერ. თუ შენ კარგა მყევხარ, მე არავისი მეშინიან. ისეთი პარტია შევიდგინე, რომ მოგეწონება. ოთხნი შევერთოდი ერთად: მე, ბაქრაძე, ბერძენოვი და არდაზიანი. ერთად მივჰყავით ხელი, ყიფიანიც (დომიტრი. ქ. რ.) ჩვენი წინამძღვარია და დიდი თანამშრომელი, ხეალ სადილად ჩემთან იქნებიან. იმათ ვინა ჰყავთ, რა აქვთ! ჩვენი გაწყობილი ტიპოგრაფია პირველია. ეს ს უ ლ კ რ ი ტ ი კ ე ბ მ ა კ ი ქ ნ ე ს შ ა რ შ ა ნ დ ლ ე ბ მ ა (ხაზი ჩვენია. ქ. რ.) მახლას, რაც მოხდება, ის იქნება.“¹⁾

მაგრამ მეორე წერილში (1862 წ. 27 დეკემბერს) ივ. კერესელიძე უკვე შემფოთებულა. მას ჰგონია, რომ ახალი თაობა პირადად მისი

¹⁾ ივ. კერესელიძის წერილები რაფ. ერისთავისადმი — შ. რ. ა. დიანის პუბლიკაციით. „ლიტერატ. მემკვიდრეობა“, გვ. 541.

წინააღმდეგია და სდევნის. ეს წერილი იმდენად საყურადღებოა, რომ ისეთ ცნობებს შეიცავს „საქ. მოამბის“ გამოცემისათვის მოსაშრომელი მუშაობის შესახებ, რომ ჩვენ იქიდან მოზრდილ ამონაწერს მოვიყვანთ:

„ყოველ ფეხის გადადგმაზედ მემტერებიან, უნდათ ჩემი წახლება და დაცემა. ბევრი ხელის მომწერნი ჰყვანან. ყველგან კაცები ჰყვანან დაქერილები. ჯერ ოთხასამდინ ასულა და ჩემი ასამდინ ძლივს არის. ამას კი გეტყვი, ჩვენი ჟურნალი, ღვთით, ხუთი იქნება (გა-



ილიას მოანაბე მამიდა მაკინე

მოსული) და ამათი ერთიც ვერა: პირველი ხომ ათ თაბახზედ ნაკლები არ გამოვა ჩვენი. პირველი ნომერი თოთხმეტი თაბახი იქნება. მეორე ეს, ვინც რიგიანი მწერლები არიან, ჩვენ ჟურნალში არიან. გუშინ ჩემთან იყვნენ და სტატიები ამოვარჩიეთ იანვრისთვის... მაგრამ ხელის მომწერნი სუსტობენ. კარგად იცი ანდაზა: „ახალი ცოცხი კარგად ჰგვის, ძველი მოატანს ქვიშასაო“... ბაბაღე მწერდა (ალბათ ბ. ჯორჯაძისა!), კახეთში ხმა დააგდეს, ჭავეკავაძემ ისეთი რამ უნდა გამოსცეს, ჯერ არც ენახოს ქვეყანას და ვერ ჩამომავლობამ ნახოსო!... მე იმასა გთხოვ, ეგები ქუთაისში ნაცნობი ვინმე გაყავდეს, დაგვეხმაროს ხელის მომწერთათვის. ილია მამაცაშვილი და გ. ლო-

ლობერიძე ქუთაისში ძლიერა ცდილობენ ჭავჭავაძისათვის. ვერ მოცი თუმანი გამოუგზავნიათ... რაც უნდა კარგი რამ იყოს (ჩვენი ჟურნალი), ისეთი ხმა დაუგდეს ჭავჭავაძის პარტიამ იმანთაგან, რომ ღირს ჟურნალს, რომ ჩვენი ჟურნალი სულ გაჰყინაო“¹⁾. შიშლიძის

„საქართველოს მოამბის“ პირველი ნომერი, გამოვიდა 1863 წლის იანვარს. იგი წარმოადგენდა მოზრდილ წიგნს, რომელშიაც მრავალი ვანყოფილება იყო. „ცისკრისაგან“ იგი გარეგნადაც განირჩეოდა: შრიფტიც უკეთესი იყო და ფორმატიც. ამ გარეგნობასაც მიაქცია ყურადღება ბებერმა „ცისკარმა“ და უსაყვედურებდა: „საქ. მოამბემ“ „სოვრემენნიკს“ (ჩერნიშევსკისა და დობროლუბოვის ჟურნალის) ფერი კაბა ჩაიცვაო.

რასაკვირველია, თავიდანვე არ მომხდარა მაშინდელი ახალგაზრდობის ისეთი მკაცრი დიფერენციაცია, როგორც ამას მდგომარეობა მოითხოვდა. ძველებში დარჩნენ ისეთნი, როგორიც იყო, მაგალითად, ანტონ ფურცელაძე, რომელიც „ცისკრის“ მხრივ უმთავრესი პოლემისტი გახდა თერგდალეულთა წინააღმდეგ. მაგრამ სულ მალე ორი ბანაკი ერთმანეთს დაუპირდაპირდა. თვითონ ილია კარგად გრძნობდა ამას და თავის საცოლეს ოღლა გურამიშვილისას სიხარულით სწერდა: „იქნება ჩვენი ჟურნალი ხვალ დაიბადოს, ტკივილები აეშალნენ მშობიარესა და იმეღია, რომ თორმეტ საათამდინ ქვეყანას ნახავს ჩვენი „საქართველოს მოამბე“. აბა, კრიტიკებს მაშინ უყურე! მაგრამ ნუ გეშინიან: за нами всегда будет истина святая“²⁾.

„საქ. მოამბეში“, თვითონ ილიას გარდა მონაწილეობდნენ: გიორგი წერეთელი, ვახტ. თულაშვილი, კირ. ლორთქიფანიძე, გ. ჩიქოვანი, დავ. ყიფიანი, პ. ნაკაშიძე, ლევ. ჯანდიერი, პ. უმიკაშვილი, მიხ. ყიფიანი და სხვანი. ჟურნალში იბეჭდებოდა, გარდა ორიგინალური ნაწარმოებებისა, თარგმანებიც: ლერმონტოვის „ჩვენი დროის გმირი“, ცნობილი ანარქისტის პრუდონის „სიღარიბე“, ბელინსკის სტატიები, დობროლუბოვის „მამა გავაცი და მისი ქადაგებანი“. ეს უკანასკნელი წარმოადგენს იტალიის განმათავისუფლებელის ვარიალდის ერთერთი მიმდევარის იდეებისა და სიტყვების პოპულარიზაციას. დობროლუბოვის ეს სტატია დაბეჭდილია „საქ. მოამბის“ პირველ ნომერში. საგულისხმოა, რომ დობროლუბოვის სიცოცხლეში იგი არ გაუშვა ცენზურამ „სოვრემენნიკში“ დასაბეჭდად და პირვე-

¹⁾ იქვე, გვ. 540 — 42.

²⁾ წერილი № 58.

ლად მხოლოდ თხზულებათა კრებულში დაიბეჭდა (ნ. ჩერნიშევსკის რედაქციით).

აღსანიშნავია ის განმარტებანი ზოგიერთი უცხო სიტყვისა, რომელსაც „საქ. მოამბეს“ რედაქცია ურთავს დუბროლუბოვსკის ქართული ტექსტს. აქ პირველად განმარტება ისეთი ცნებები, როგორც არის კონსტიტუცია, რესპუბლიკა, რევოლუცია, ობსკურანტიზმი. მოუხსინოთ, თუ რა არის რესპუბლიკა: „რესპ. ჰქვია იმ ქვეყანას, სადაც არ არის ხელმწიფე და სადაც მართებლობა არის ხალხისაგან არჩეული პირების ხელში“ (გვ. 91), „რევოლუცია არის აღდგომა წინააღმდეგ მართებლობისაო“ და სხვა.

თარგმანთაგან აღსანიშნავია აგრეთვე „ჩრდილოეთის ამერიკის შეერთებული შტატები და იქაური ტყვეობა“ — თერგდალეულისა¹⁾ (№ 11). როგორც რედაქცია ამბობს, მას განზრახული ჰქონია ჰ. ბიჩესტოუს ცნობილი რომანის, „ბიძია თომას ქოხის“ დაბეჭდვა (ეს რომანი, როგორც ვიცით, მიმართულია ამერიკის ზანგთა მონობის წინააღმდეგ!) და რათა იგი მკითხველებისათვის გასაგები გახდეს, საჭიროდ ვცანით ჯერ ისტორიული წერილის დაბეჭდვა ამ მონობის წინააღმდეგო; აქაც უმთავრესად საყურადღებოა რედაქციის შენიშვნები და განმარტებანი ისეთი სიტყვებისა, როგორცაა: პარლამენტი, დემოკრატია, ფეოდალიზმი და სხვა. პარლამენტზე და კონსტიტუციაზე ვრცლადაა ლაპარაკი (გვ. 38 — 40), დემოკრატია განმარტებულია ასე: „დემოკრატიაა — ხალხის მართებლობა, ე. ი. იმისთანა მართებლობა, რომელშიაც უმთავრესი მნიშვნელობა აქვს ხალხსა“ (გვ. 43). ჟურნალში იბეჭდება აგრეთვე შინაური მიმოხილვანი ვ. თულაშვილისა, და დ. ავ...-ისა (ავალიშვილისა?). დავ. ყიფიანის პირით ჟურნალი ჰქადაგებს თავისუფალი შრომის პრინციპს, ე. ი. ჰკმობს ბატონყმობას, რომელიც მაშინ ჩვენში ჯერ კიდევ არსებობდა.

დ. ავ...ი, ლაპარაკობს რა იტალიის მოძრაობაზე, ამბობს: „ჩვენს დროში ერთმა დიდმა აღრეულობამ იტალიისამ რაღაც ნაციონალიზმის, ხალხობის აზრი წამოაყენა, რომლის მოთხოვნილებაა, მკითხველო, ქეშმარიტი თერგდალეულობა ეტყობა. ყოველ საზოგადოებას ხალხო აღრეულობასა, საკვირველია, რომ

¹⁾ ამ ფსევდონიმით, როგორც ჩანს თვითონ ილიაც სწერდა თავის ჟურნალში. მაგალითად, № 11 — ძველ სარჩევს ახალი აქვს გადაკრული და იქ წერილს, რომელიც დაბეჭდილია ილიას ხელმოწერით („რედაქციისაგან“) ძველ სარჩევში აწერია „თერგდალეული“.

ჟურნალს ცენზურა ძალიან აწუხებდა. ჯერ კიდევ ამჟამად სხვადასხვა ამბავში ვკითხულობთ: „ლიტერატურა კარგად თავის ვალდებულებასა, რომ შენა, მკითხველო, ყოველმა ანბავმა ფიქრები და აზრები მოგივლინოს ხოლმე... მაგრამ... მაგრამ სად არის შეძლება ჩვენი სურვილის აღსრულებისა? ამასა მოუსვენრობად მიიღებენ, შეგვიმუსრავენ ხოლმე ყოველგვარ სურვილსა“ (გვ. 73).

მიუხედავად ამისა, ჟურნალში დაიბეჭდა ილიას ისეთი მკვეთრი სატირა თავად-აზნაურობაზე, როგორც იყო „კაცია-ადამიანი?“. ეულგარული „სოციოლოგები“ ამ მოთხრობას თავად-აზნაურობის გამოსასწორებელ შინაურ ბაასად სთვლიდნენ: ეპიგრაფად მოთავსებული „მოყვარე“ თავად-აზნაურობა იყო. მაგრამ ილია როგორც აქ, ისე სხვაგან ყოველთვის მიმართავდა ქართველ ხალხს, და არა რომელიმე წოდებას „ის სიავეს ქართველისას ამბობდა“. და განა საერთოდ დამახასიათებელი არ არის, რომ ილია ქვეყნაძეს არც ერთი დადებითი ტიპი არა ჰყავს თავადის ან აზნაურისა, ხოლო მისი გმირები — გაბროები, კაკოები, ზაქროები არიან? განა ლუარსაბს არ მიმართავდა პოეტი: „რომ არც კი იცი, რა იყო სანატრელი ძველ დროში? ცხენი განა ეხლა კი არ არის? თოფი განა ეხლა კი ნიშანში ვერ მივა? მარჯვე მკლავი ცოტაა?... უწინ კაცი ამშვენებდა ცხენსაც და თოფსაც. ეხლა კი ცხენი და თოფი კაცს ამშვენებს. კარგი იყო ძველი დრო, მაგრამ არც ეს ბესარიონ გაბაშვილის სიტყვებია ურიგო: „ერთი მაქვს სჯობს ათასს მქონდას!“.

„საქ. მოამბეშივე“ დაიბეჭდა „გლახის ნამბობის“ პირველი ხუთი თავი და შესანიშნავი სიტყვები: „რა ვიცოდი სულელმა, რომ უმცროს-უფროსობაში სიყვარული სიზმარია? რა ვიცოდი, რომა ბატონყმობის შუა სიყვარულის ხიდი არ გაიდება“ (III თავი). მასშივე იბეჭდებოდა ნაწყვეტები „აჩრდილიდან“, „კაკო ყაჩაღიდან“ ის ნაწილი, სადაც შექმებული არიან კაკო და არსენა, როგორც ჩაგრულთა და გლეხების მოსარჩლენი და მოსიყვარულენი. ეს იყო უდიდესი პროტესტი ბატონყმობის წინააღმდეგ, რანაირიც კი შესაძლებელი იყო იმ დუხჭირ პირობებში.

ჩვენ აქ ვერ შევეხებით იმ პოლემიკას, რომელიც „საქ. მოამბესა“ და „ცისკარს“ შორის გაჩაღდა და რომელიც პირველის მოსაპოვის შემდეგაც გრძელდებოდა. „ცისკრელები“ უწუხებდნენ ჟურნალს ენას, დაცინვით მის თანამშრომლებს „სტუდენტებს“, „წვეროსნებს“ უწოდებდნენ, ეუბნებოდნენ: ჩვენში „ჩერნიშევსკობა და დობროლუ-

ყველაშ იცოდა, რომ „საქ. მოამბეს“ უნდა ჩაედგა ჩვენი ახალგაზრდობისათვის ახალი დროების სული, ეჩვენებინა ახალი გზა, შექმნა ახალი სასიყვარულო მიზანი—მამულის, საზოგადოებრივი საქმეების და ღირსება. ის მწვავე სიტყვებით დაღვიდა და ჰკლავდა საზოგადოების უმეცრეებს და გულგრილობას საზოგადო საქმისათვის და მაშინ, როგორც ახლა, ყოველ პატიოსან კაცს მიაჩნდა, რომ მისი უპირველესი ვალი იყო ამ სიტყვის გავრცელება და მისი ძლიერების მომატება ახალგაზრდობაში“¹⁾.

მაგრამ „საქართველოს მოამბის“ მდგომარეობა მძიმე იყო. მძიმე იყო, ჯერ-ერთი, ფინანსურად, მეორე მხრივ პოლიტიკურ-საზოგადოებრივად. ჟურნალს ხელისმომწერი თუმცა „ცისკარზე“ მეტი ჰყავდა, მაგრამ მაინც უმნიშვნელო (500—600) რაოდენობა. მთავარი კი ის იყო რომ მას საკუთარი სტამბა არა ჰქონდა; ხოლო ეს მაშინ ფრიად მნიშვნელოვანი გარემოება იყო. ჩვენ ვიცით, რომ სანამ ახალთაობის ერთმა ჯგუფმა სტამბა არ შეიძინა — გაზეთი „დროების“ გამოცემა ვერ მოხერხდა, თუმცა მისი დაარსების იდეა ილია ჭავჭავაძემვე წამოაყენა „საქართველოს მოამბის“ შეწყვეტის შემდეგ.


„საქ. მოამბის“ ფინანსურ გაჭირვებას მოწმობს იგივე ივანე კერესელიძე, რაფიელ ერისთავისადმი კერძო წერილში. „ჯერ ამათ (ე. ი. „საქ. მოამბეს“) ასოები არა აქვთ მოსული. ესენი იბეჭდებიან ენფიანჯიანცის ტიპოგრაფიაში; წელიწადში მორიგებიან ასსამოც თუმანს მარტო ბეჭდვაში, ქალაქს და სხვას გარდა. იმით რომ ჰყავდეთ ათასი და მე ხუთასი (ხელისმომწერი), მე იმათზედ უკეთ და დიდი უნდა გამოვსცე, რადგან მე მოწყობილი ვარ“²⁾, ე. ი. სტამბა მაქვს“.

მაგრამ ყველაზე მეტად საქმეს აბრკოლებდა ცენზურა. თითქმის ოცი წლის შემდეგ ილია დაცინვით სწერდა ცენზურაზე: „ეს წვრილფეხობაა რალაცა, დაუყენია და ჰყვირის: „იდეა იმისთანა რამ არისო, რომ ვერც ხმალი მოერევა, ვერც თოფი.“ სტყუიან თქვენმა მზემ! ერთი უბრალო მაკრატელი და მისი ჯანი!“

„საქართველოს მოამბის“ მდგომარეობა ამ მხრივ განსაკუთრებით აუტანელი იყო. რედაქცია ერთერთ უკანასკნელს თავის ნომერში რედაქტორის პირით ასე სჩიოდა: „ჟურნალის საქმეში ზოგი იმისთანა დაბრკოლებათა, რომელიც უნდა სძლიოს რედაქციამ და რომ-

¹⁾ „კრებული“ 1872 წ. X—XII, „ჩვენი მწერლობა“ ნ. სკანდელისა, გვ. 152 და 154.

²⁾ ივ. კერესელიძის წერილები რაფ. ერისთავისადმი — შ. რაიანის პუბლიკაციით. „ლიტ. მემკვ.“ გვ. 543.



სახლი ყვარულში, სადაც დიბადა ილია ჭავჭავაძე.

ლის ძლევაც შეიძლება; ზოგი იმისთანაა, რომელთანაც უოველი ბრძოლა, მეცადინეობა და თავგამოდება უქმია. დრონი მეფობენა. შემდეგ რედაქტორი აღნიშნავს, რომ ბევრ შემთხვევაში ჟურნალში ვერ შეასრულა თავის პირდაპირი დანიშნულება სწორედ დაბრკოლებათა გამო. 1864 წლისათვის ჟურნალმა ითხოვა პროგრამის გაფართოვება, მაგრამ უარი უთხრეს. იგი ცდილობდა არაპირდაპირ და გადაკვრით შეჰხებოდა საჭირობოროტო საკითხებს და ამის საშუალება წაართვეს, დარჩა ერთი მხატვრული სიტყვა, ისიც შეკვეცილი, არტახებში ჩაქედილი. და ასეთ პირობებში სიცოცხლეს „საქართველოს მოამბემ“ სიკვდილი არჩია. ასრულდა რედაქტორის წინასწარმეტყველება: „ჩვენ დაფუძუმებულვართ და სენდისისათვის კი არ გვიღალატნია. როგორც გონება ჩვენი სჭრიდა, როგორც გული გვითხრობდა — ისე ვ ლ ა პ ა რ ა კ ო ბ დ ი თ. რ ო ც ა კ ი შე გ ვ ე ძ ლ ო და კ ვ ლ ა ვ ა ც / ის ე მ ო ვ ი ქ ც ე ვ ი თ — თ უ ნ დ რ ო მ ა მ ი თ ჩ ვ ე ნ ს ჟ უ რ ნ ა ლ ს ბ ო ლ ო მ ო ე ლ ო ს“ (№ 1, ილიას წერილი — „რედაქციისაგან“).

და მართლაც, 1864 წელს იგი უკვე აღარ გამოსულა. ბურთი და მოედანი ლიტერატურაში დროებით ძველი თაობის წარმომადგენლებს დარჩათ. მაგრამ ჟურნალმა ერთი წლის არსებობით მიანიც უდიდესი როლი ითამაშა. მან შეამქიდროვა თავის ირგვლივ მაშინდელი ახალგაზრდობა, დარაზმა იგი და გარკვეული მიზანი დაუსახა. ამიტომ საესებით სამართლიანად ამბობდა ათი წლის შემდეგ ნიკო ნიკოლაძე: „რაც კი რამ იყო ჩვენში ახალგაზრდა, მხნე, ახალი წესის და ცხოვრების მოყვარე, ყველამ იცნო ის პატიოსანი მომავლის დროშა, რომელიც მხნედ ეკავა ილია ჭავჭავაძეს. ძველმა წესმა, ძველმა კაცობამ თავი შეაფარა „ცისკარს“ და ამნაირად იმ ბრძოლაში, რომელიც გაიმართა „საქართველოს მოამბეს“ და „ცისკარს“ შუა, ჩანდა ის ნამდვილი და ძლიერი ბრძოლა, რომელიც იმ დროს სდებდა ძველსა და ახალს შუა ჩვენს ცხოვრებაში“ (1873 წ. „კრებული“).

VII

ილია და ოლღა გურამიშვილი. შეყვარებული ილია. ილიას შეხედულება თავის აწმყოსა და მომავალზე. ქალის პატივისცემა. დაქორწინება.

1863 წელს ილია ჭავჭავაძემ ცოლად შეირთო ოლღა თადეოზის ასული გურამიშვილისა, რომელმაც ერთგული მეუღლეობა გაუწია პოეტს და ყველას მოწმობით, მუდამ მის თვალ-წარბში შემყურე იყო. მან 20 წელიწადს იცოცხლა მგოსნის ტრაგიკულად

დალუპის შემდეგ როგორც აღმოჩნდა, იგი მოწიწებით ინახავდა თავისი სახელოვანი მეუღლის სულ უმნიშვნელო ბარათებსაც და ახლა ისინი ჩვენ თვალწინ აწყვია — ილიას მშვენიერი ხელოვნა-წერი და მზრუნველობით აქამდე ჩინებულად დაცული.

ჩვენ გადავთვალაიერეთ ეს იშვიათი წერილები ამხ. პავლე ინგოროყვას დახმარებით. ესაა სავსებით ინტიმური ხასიათის ბარათები, რამდენი რამ არის აქ დამახასიათებელი ილიას პორტრეტის და მთელი მისი ცხოვრების ფართო ტილოსათვის! ჩვენ კი აქ მხოლოდ ზოგიერთ შტრიხს თუ გადავცემთ მკითხველებს.

აი, წერილები საცოლესთან, 1863 წლისა. ილია სწერს სატრფოს ყოველდღე და თუ ყოველდღევე პასუხი ვერ მიიღო, შფოთავს. შეყვარებულთ საქმე უკვე გადაწყვეტილი აქვთ, მაგრამ დასრკოლებაა ქალის მამის მხრივ. ეტყობა, შეძლებულ თადეოზს არაფრად ეჭაშნიკება „სტუდენტი“ სიძე. წერილებში ამაზე ხშირად არის ლაპარაკი. ოღლა უპასუხებს, უფრო იმავე ქალაღდზე, რომელზედაც ილია სწერს. თვედაპირველად მიმოწერა რუსულად არის, მაგრამ ოღლა მალე გაიწაფება ქართულშიც, ასე რომ ზილიას, ამ „პატარა რედაქტორს“, როგორც თვითონ უწოდებს თავს (ეტყობა, ოღლას დაურქმევია საალერსოდ ეს სახელი), უკვირს კიდევ საცოლის ბეჯითობა. და დინჯი, თავშეკავებული, „ცივი“ ილია — უცნაურა გეჩვენებათ ამ ბარათებში! იგი სწერს უმთავრესად ღამე — 2—3 საათზე. დატებს იშვიათად აღნიშნავს, საათს კი ხშირად. „სიყვარულო, ძალსა შენსა, ვინ არს, რომე არ ჰმონებდეს? „ილიას თვითონაც უკვირს და ირონიულად სწერს ოღლას: „ვინ მე და შუაღამისას ქალთან წიგნების წერა ვინაო“.

საინტერესოა და 60-იანი წლებისთვის ფრიად დამახასიათებელი ის პირდაპირობა, რომლითაც მიმართავს ილია თავის მომავალ მეუღლეს. ქალი მას მიაჩნია სავსებით მამაკაცის თანასწორად და ამიტომ წინასწარვე ატყობინებს, თუ როგორ წარმოუდგენია თავისი მომავალი ცხოვრება. ილია რამდენიმეჯერ აღნიშნავს, რომ იგი არა თუ შეძლებული არ არის, არამედ ღარიბია.

„მე თვითონ განვიკუთვნე თავი ჩემი სიღარიბისა და შრომისათვის. მართალია, არც ერთი, არც მეორე მე არ მაშინებს, მაგრამ იქნებ მაფი თქვენ შეგეშინდეთ?“ ეკითხება იგი სატრფოს (წერილში № 2). იცოდე ეს და ცოლად გამოყოლა ისე გადასწყვიტო. რამდენიმე ხნის შემდეგ ილია კვლავ უბრუნდება ამ საკითხს და ამბობს: „იცოდე, სიღარიბე ბრძოლაა, სიმდიდრე განცხრომაა. — განცხრომა კი, ჩემის მოხვეისა არ იყოს, საფლავშიაც გვეყოფა“.

ილია საცოლეს სიხარულით ატყობინებს ჟურნალის გამოსვლას უზიარებს თავის მოსაზრებებს, უგზავნის პირველ ეგზემპლარებს. მას იგი დაჰყავს იმ სალიტერატურო საღამოებზე და წაუკითხავს და ც თვითონ ილია და მისი ამხანაგები კითხულობენ თქვენს წესს და სხვა ნაწარმოებს, მსჯელობენ თანამედროვე საჭიროებებზე.

მაგრამ როგორც ჩანს, თადეოზ გურამიშვილი კარგა ხანს ყოყმანობდა და ახალგაზრდათა შეუღლების ბედი ბეწვზე ეკიდა. რამდენიმე კაცმა სცადა მასთან მოლაპარაკება, მაგრამ ვერას ვახდა. ბოლოს საქმე გამოურკვევია ვინმე ხეჩო დარჩინოვს. შეიძლება შემთხვევით, მაგრამ ბოლოს თადეოზის თანხმობის ამბავი პირველად იმისგან შეუტყვიათ ილიას და ოლლას. რა აღტაცებულია ილია! მაგრამ აქაც ირონიას და ხუმრობას ურთავს და სატრფოს სწერს: „როგორა გგონია, გარიბალდი უფრო მალლა დგას თუ დარჩინოვი? მე გგონია — ეს უკანასკნელი. ყოჩად ხეჩო!“

ილიას ჯვარი დაუწერია სამების ეკლესიაში 1863 წლის 10 აპრილს. როგორც შეტრიკული ჩანაწერიდან ჩანს, ოლლა მაშინ იყო 20 წლისა, ე.ი. 6 წლით ილიაზე უმცროსი ყოფილა. საინტერესოა, თუ ვინ იყვნენ მექორწინეთა ეგრეთწოდებული „მეჯვარეები“ (მოწმენი!). ილიას მხრივ ესენი იყვნენ — „საქ. მოამბის“ თანამშრომელი დავით ყიფიანი და ნიკოლოზ ჭავჭავაძე, ხოლო ოლლასი — პოდპოლკოვნიკი ილია ჩოლოყაშვილი და სულხან თუმანიშვილი.

ილიას დაქორწინებით ფრიად გახარებული იყო მისი აღმზრდელი და მოკინახულე მამიდა მაკინე. მოხუცებულობისაგან აკანკალებული ხელით იგი სწერს საყვარელ ძმისწულს: „ღმერთმან ყოველის შემძლებელმან გაბედნიეროთ ორნივე ცოლ-ქმარნი, როგორც ორისავე სურვილი იყოს თქვენი და ჩემი გულიც იმეტებდეს თქვენთვის, უსაყვარლესო შვილო. აღვავსოთ ღმერთმან ბედნიერებითა და შვილიერებით... რადგან ღმერთმან აქამდის მომალწევინა, რომ ილიას კარგს ცოლს მოვესწარ, აღარაფერს მწუხარებას გავიგონებო“ და სხვა.

ჩვენ არ ვიცით, თუ რა ტემპით იცვლებოდა თადეოზ გურამიშვილის დამოკიდებულება „სტუდენტ“ სიძესთან, მაგრამ ცხადია, მალე უნდა მიმხდარიყო, რომ ილიას სახით ჩვეულებრივ მომაკვდავთან არ ჰქონდა საქმე. ოლლა კი ხომ ყოველთვის პირდაპირ აღმერთებდა თავის მეუღლესა და მეგობარს.



ილია ქუთაისში. ილია დუშეთის მოპრიგებელი შუამავალი მოსამართლე. ილია და ბატონყმობა. ილიას შეტაკება მოხერხებთან. ილიას მამული ყვარელში.

„საქართველოს მოამბის“ დაქვეყნების შემდეგ ილიას, რასაკვირველია, არ შეეძლო „ცისკარს“ დაპბრუნებოდა. ლიტერატურას მომორბეული ილია ცდილობს ცხოვრების გარეშე არ დარჩეს და აი იწყება მისი ეგრეთწოდებული მოხელეობის, ანუ, როგორც თვითონ ამბობს, „ჩინოვნიკობის“ პერიოდი. ილია რჩეობს ისეთს თანამდებობას, სადაც მას შეუძლია რაიმე სამსახური გაუწიოს თავის ქვეყანას და უშუალო ურთიერთობა ჰქონდეს ხალხთან.

თანახმად ფორმულარული ნამსახურობითი სიისა და „ავტობიოგრაფიისა“, ჩვენ გვაქვს ილია ჭავჭავაძის მოხელეობის შესახებ შემდეგი ცნობები: 1864 წლის 10 აპრილს იგი დანიშნულია მეფის ნაცვლის სამმართველოს ბრძანებით იმერეთს ქუთაისის გენერალ-გუბერნატორის ცალკე მონდობილობათა მოხელედ. ილიას აქ დავალებული აქვს მებატონეთა და გლეხთა ურთიერთობის გამორკვევა. რაიც ბატონყმობის მოსპობის შემზადებისთვის იყო საქირო. იმავე წლის ნოემბრის 8 იგი დაუნიშნავეთ მოპრიგებელ შუამავლად დუშეთის მაზრაში. 1868 წლის 1 თებერვალს, როდესაც კავკასიაშია ც მოხდა სასამართლოს რეფორმა (ნაფიც მსაჯულთა ინსტიტუტი მაინც არ შემოუღიათ!), ი. ჭავჭავაძე დანიშნეს მოპრიგებელ მოსამართლედ დუშეთშივე. ამ თანამდებობაზე იგი რჩება 1874 წლამდე, როდესაც ტფილისს ვადმოდის ბანკის სამსახურში.

არის მრავალი მოწმობა, რომ ი. ჭავჭავაძე ძალიან პოპულარული იყო ხალხში, დიდი სახელი ჰქონდა მიუდგომელი მოსამართლისა და ჩაგრულთა მოსარჩლისა. მისი ჭკუისა და სამართლიანობის შესახებ ადგილობრივ მოხუცთა შორის ბევრი დამახასიათებელი გამოცემაა დარჩენილი. მაგრამ აქ შევცხებით უმთავრესად იმას, თუ რა მონაწილეობა მიიღო ილიამ გლეხთა განთავისუფლების საქმეში.

როგორც ცნობილია, რუსეთში ბატონყმობა გადავარდა 1861 წელს, ჩვენში კი რამდენიმე წლით უფრო გვიან (1864 აღმოსავლეთ, ხოლო 1866 წ. დასავლეთ საქართველოში). ვიდრე რეფორმის მოახდენდნენ, მთავრობა არკვევდა გლეხთა და მემამულეთა ურთიერთობას. დაარსეს აგრეთვე თავად-აზნაურთა კომიტეტი იმის გადასაწყვეტად, თუ როგორ უნდა მომხდარიყო გლეხთა განთავისუფლება: უმიწოდ თუ მიწიანად.

თავად-აზნაურობის დიდი ნაწილი თავზარდაცემული იყო. ამათგან რავლესობის აზრს გამოხატავდნენ მათი თელაველი მოძმენი, როცა სჩიოდნენ: „ჩვენ არ შეგვიძლია არც მუშაობა, არც გუთხანა, არც მუშაობა, არც ხენა, ბოსტნის ბარვა და თონხა, არც საქონლის დასამუშავება... ხოლო გლეხი... შობილია ამ გვარის მდაბიო ცხოვრებისათვის“ და ამიტომ დეე ისევ მან იშრომოსო.

თავად-აზნაურთა აზრს რეფორმის სასურველი სახის შესახებ მაზრობრივ აგროვებდნენ. ასეთი აზრი წარუდგენია, სხვათა შორის, თელავის მაზრის 9 მემამულესაც. მათ მოუთხოვნიათ გლეხთა უმიწოდ განთავისუფლება. დიდი ხნის განმალობაში ამ 9 მემამულის განცხადება მომარჯვებული ჰქონდათ იმ ვულგარიზატორებს, რომელნიც ცდილობდნენ, რადაც უხდა დასჯდომოდათ, დაემტკიცებინათ, რომ ილია ჭავჭავაძე მუდამ ბატონყმობის... მომხრე იყო. ზემოხსენებული დოკუმენტი დაწერილია ერთის ხელით და ხელს სულ არავენ აწერს. ჩამოთვლილი არიან ისინი, ვისიც აზრია ვითომ გადმოცემული. და აი, ამ სიაში მოხსენებულა ვინმე „კნიაზ ილია ჭავჭავაძე“. ილიას მთელი მოღვაწეობა და მაშინდელი მისი საერთო პოზიცია რომ არ მივიღოთ მხედველობაში, საიდან ჩანს, რომ ეს „კნიაზი“ — ჩვენი პოეტი არის და არა სხვა ჭავჭავაძე? ან რატომ აუხვიეს განგებ გვერდი და თვალი დაიბრმავეს ამ ვულგარიზატორებმა იმაზე, რომ ხსენებულ 9 მემამულეთა შორის მოხსენებულა აგრეთვე „კნიაზ ნიკოლოზ ჭავჭავაძე“? ჩვენ კი დოკუმენტი გვაქვს, რომ ამ ნიკოლოზ ჭავჭავაძემ გლეხთა განთავისუფლების პროექტი მარცხნიდან სასტიკად გააკრიტიკა. სწორედ ეს მემარცხენე ნიკოლოზ დიმიტრის-ძე ჭავჭავაძეა, რომ ილიას, როგორც თავისი ახლობელი მეგობარი, დაქორწინების დროს ეგრეთწოდებულ „მეჯვარედ“ ამოუჩვენია. რატომ ამ შედარებით უცნობ პირზე არ შეიტანეს იქვი და მოინდომეს ილია ჭავჭავაძის დასამკირებლად ყურითმოთრეული „არგუმენტების“ გამოყენება? მხოლოდ ძალად დაბრმავებულს შეეძლო ვილაცის ნაჯღაბნი ილიას გამაბახებელ „ურყევ“ დოკუმენტად მიეჩნია.

თავად-აზნაურობის უმრავლესობა თავზარდაცემული იყო, მაგრამ ხარობდა ახალგაზრდობა. ამ შემთხვევაში მისი თანაგრძნობა მთავრობისაკენ იყო — წინააღმდეგ მებატონეებისა. ეს არც საკვირველია. გერცენმა, ცნობილმა რევოლუციონერმა, 20 წლის ემიგრანტმა გერცენმა, როდესაც გლეხთა განთავისუფლების ამბავი გაიგო, მეფე ალექსანდრეს მიმართა ცნობილი სიტყვებით: „შენ გაიმარჯვე, გალილეველო!“ ამიტომ იყო, რომ მაშინდელი ახალგაზრდობა პირველ ხანად გაეშურა სამსახურში და უნდოდა უშუალო მონაწილე-

ობა მიეღო რეფორმების მოხდენაში. მალე მას იმედები გაუცრუვედა, მაგრამ პირველი გრძნობა — სიხარულისა და მუშაობის საჭიროების გრძნობა იყო.

თუ როგორ უყურებდნენ ილიას და მის ამხანაგებს მაშინდელი თავად-აზნაურნი, ამას, მოწმობს ი. ჭავჭავაძის ერთი წერილი მუღლისადმი. 1864 წლის 22 მაისს ილია სწერს ოლა თადეოზისასულს ქუთაისიდან, სადაც ილია სამსახურში იყო გამწესებული: „ამას კი მოგწერ, რომ ჩვენი მოსვლა ვერაფრად ექაზნიკათ: აი, ესენი არიან ჩვენი დამღუპავებიო, ყმების წამრთმევებიო“. ნამეტნავად ჩემზედ თურმე ტლინკებსა ჰყრიან“, ეს ვილა გადამთიელი მოთრეულაო.

რეფორმის შემამზადებელმა თავად-აზნაურთა კომიტეტმა, როგორც იქნა, დიმიტრი ყიფიანის შეთაურობით, მოათავა თავისი მუშაობა. შეიკრიბა თავად-აზნაურთა საგანგებო ყრილობა, რომელსაც კომიტეტის პროექტი უნდა განეხილა და აგრეთვე გადაწყვიტა საკითხი — უმიწოდ თუ მიწიანად უნდა განეთავისუფლებინათ გლეხები. ამ კრებას ილია ჭავჭავაძეც დაესწრო. შეხლა-შემოხლა დიდი იყო და მასში მხურვალე მონაწილეობას იღებდნენ როგორც ილია, ისე მისი ამხანაგები. აი, როგორ გადმოგვცემს ამ საყურადღებო კრების ამბავს ქრისტე მამაცაშვილი:

„ოქმების წაკითხვის შემდეგ დაიწყო კამათი. წამოდგა ახალგაზრდა პოეტი და პუბლიცისტი ილია ჭავჭავაძე და ხმამაღლა განაცხადა, გლეხს მიწა უნდა მიეცესო. კრების უმეტესობა ამ კანონირმა აზრმა აღაშფოთა. ერთმა თავადმა ხანჯალი იშიშვლა, ლანძღვა-გინებით ილიასკენ გაიწია და ყვიროდა: „გამიშვით, გამიშვით! ეხლავე უნდა მოვკლაო“. გაგიჟებული თავადი შეაკავეს და კრებიდან ძლივსძლივობით გაიყვანეს. მე გომბორში ვმსახურობდი. ხუმოსხენებულნი ამბავი შემატყობინა ილია წინამძღვრიშვილმა, რომელიც მწერდა: ჩქარა ტფილისში ჩამოდი, რომ ახალგაზრდობა ილიას გარს შემოვერტყათ და ბატონყმობის მოსპობის საქმე დავიცვათო. მეც ჩამოვედი. რამდენიმე ახალგაზრდა, მათ შორის ანტ. ფურცელაძე და წერილის ავტორიც მუღმივ შორიახლოს მივსდევდით ილიას და მზად ვიყავით დაგვეცვა ახალგაზრდა პოეტი. მეორე კრებაზე გლეხთა განთავისუფლების წინააღმდეგ ილაპარაკა გენერალ-ლეიტენანტმა ივ. მუხრანსკიმ. მან განაცხადა: უმიწოდ გლეხთა განთავისუფლებას მთელი თავად-აზნაურობა მიემხრობა, მიწიანად კი — მხოლოდ ორიოდუ კაცუნაო. ილია ჭავჭავაძემ ორატორს ხელი სტაცა, თავისკენ მიაბრუნა და ჰკითხა: ვინ არიან ეგ

კაცუნებიო. მუხრანსკიმ მიუგო, რომ ის შესცდა და რამდენიმე კაცუნას მაგივრად უნდა ეთქვა რამდენიმე კაცი“.)
როგორც ვიცით, საკითხი ბოლოს არსებითად იღვწა მოწინააღმდეგეთა სასარგებლოდ გადაწყდა. გლეხები ჩვენში განათავისუფლეს, მაგრამ მიწა მათთვის საკუთრებად არ მიუციათ, არამედ ეგრეთწოდებულ „ნადელებად“. ყოფილ ყმებს მხოლოდ უფლება მიეცათ გამოესყიდათ თავისი მიწები და შეიქმნა ეგრეთწოდებული დროებით ვალდებული გლეხობა, რომელიც მრავალი წლის განმავლობაში იხდიდა სანადელო ფულს. მხოლოდ რევოლუციის წინა ხანს (1912 წ.) მოისპო ეს დროებითი ვალდებულება და სამოციან წლებში დაწყებული რეფორმა ფორმალურად ნახევარი საუკუნის შემდეგ მოთავდა.

როგორ მოიქცა ახალგაზრდა ილია ქვეყანაზე თავისი მამულის და იქაური გლეხების მიმართ? მისი მამული კახეთის სოფელ ყვარელში იყო. ილიამ ყმათა განთავისუფლების პირველ ხანებშივე გლეხების მიერ ხმარებული საკომლო, სახლკარის მიდამო, მათი ხვედრი ვენახები უსასყიდლოდ დაუთმო, ხელშეუხებელ საკუთრებად დაუშტკიცა და ამით მოსპო ყოველგვარი ბატონყმური დამოკიდებულება თავისსა და ყოფილ ყმებს შორის:*) ამნაირად, ილია ქვეყანაზე სამოციან წლებშივე მოიქცა ისე, რასაც შემდგომ ხანებშიაც მოწინავე თავად-აზნაურებს ღიღ პროგრესისტობად და რევოლუციონერობადაც კი უთვლიდნენ!

IX

ილიას მარტობა დუშეთში. ილიას იმდროინდელი მონაწილეობა უტრნალ-გაზეთებში. „კრებული“. ტფილისის გადმოსვლის ცდი. „გამოცანები“ და შეტაკება გრიგოლ ორბელიანთან. აკაკი წერეთლის გამოსარჩლება.

ილია თითქმის მთელ ათ წელიწადს მსახურობდა დუშეთში, „დამპალ დუშეთში“, როგორ იგი სწერს თავის მეუღლეს. ადვილად წარმოსადგენია, თუ რაგვარად უნდა ეგრძნო თავი ილიას, ამ ლომს, ამ პატარა გალიაში! იგი სწუხს, ხანდახან შფოთავს, ხან მწარედ ახასიათებს, დასცინის თავის მდგომარეობას.

*) კრებული „ილია ქვეყანაძის სიკვდილი და დასაფლავება“. გვ. 67.

*) თხზულებანი, IX, გვ. 189 („უთუ?“).

1873 წელს იგი სწერს მეუღლეს: „გაზილა¹⁾ ისეთი ბოძენი ძალია, რომ პლატონ იგნატიჩ იოსელიანს ეხლავ ჰსჯობიან ფილოსოფიაში. ბევრი რაღაც შტუკები ისწავლა. ჩემი შესაქმნელია დროს გამტარებელი გაზილა არის. სანატრელია ყანა, სადაც კაცის შექცევა ძალღზე არის



ი. პაპავაძე 70-იან წლებში.

დამოკიდებულ ი. უპ. რა ყრუ რამ არის ეხლა ჩემთვის ეს დარბაისელი დუშეთი“. (ხაზი ჩვენია. ქ. რ.).

რასაკვირველია, სამსახური და მერე ისეთ მივარდნილ კუთხეში, როგორც დუშეთი იყო, ილიას ხელს უშლიდა ლიტერატურული მუშაობა გაეწია. ერთერთ წერილში პეტრე უმიკაშვილისადმი იგი აღნიშნავს:

¹⁾ ილიას საყვარელი ძალი, რომელსაც პოეტი კერძო წერილებში ხშირად ახსენებს.

„ებლანდელი ჩემი წყეული მდგომარეობა ისეთია, რომ სათვის ხანგრძლივი მოცალეობა არა მაქვს და ამის გამო ვუწუხდები და უნაყოფოდ მიდის ჩემი ორიოდ დღის ცხოვრება. დღეს ვეწევი ვარ ამგვარ მდგომარეობისთვის, მაგრამ შეველა არსით არი. ვფიქრობ თავი დავეანებო სამსახურს, მაგრამ რითი ვიცხოვრო?... ვაი თუ უფრო მოცალეობა მომაკლდეს ლუკმა-პურის შოვნის დევნაში, სამსახურს რომ თავი დავეანებო“.¹⁾

მიუხედავად ამისა, ილიას იმხანად სრულიადაც არ გაუნებებია თავი მწერლობისთვის, როგორც ზოგიერთნი აღნიშნავენ. პირიქით, იგი ფრიად დიდ მონაწილეობას იღებდა „დროებაში“, განსაკუთრებით კი გ. წერეთლისა და ნ. ნიკოლაძის ჟურნალ „კრებულში“ (1871 --- 73 წ.), სადაც დაიბეჭდა მისი „გლახის ნაამბობი“ (მთლად), „აჩრდილი“, „კაკო ყაჩაღი“ და მრავალი წვრილი ლექსი. მოხელეობა ილიასათვის გარდუშვალი ტვირთი იყო, მაგრამ როდესაც 1864 წელს პეტერბურგში მყოფი კირ. ლორთქიფანიძე მიმართავს — მომაწოდეთ რამე ქართველ პოეტთა ლექსების კრებულისათვისაო, ილია უპასუხებს: „ღმერთმა ხელი მოგიმართოს ყოველს მაგისტანა საქმეში, რომელიც ყველასათვის ერთნაირად სასიამოვნოა... გთხოვთ ყოველთვის და ყველგან მივუღვო სულით და გულით გამზადებულიო“, უგზავნის თავის ნაწარმოებთ და ჰონორარზედაც უარს ამბობს.²⁾

ილია გაფაციცებით თვალყურს ადევნებს ჩვენს ჟურნალ-გაზეთობას. მაგალითად, ის ძალიან შეშფოთებულია, რომ ხმები გავრცელდა — „კრებული“ ვეღარ გამოვაო. „კრებული უნდა არსებობდეს უსათუოდ“, სწერს ილია 1872 წ. დღეშედიდან იმავე პ. უმიკაშვილს. თავის თავზე იგი ამბობს: „მე უნდა სამსახურს გარეთ ვიყო. სამსახურისთვის თავდანებება ჩემთვის ამჟამად დიდი არაფერია. და თუ სამსახურიდან გამოვალ, მხოლოდ იმისთვის, რომ ჟურნალი გამოვსცე... თუ ორიოდ და სამიოდ რიგიანს მწერალზედ იმედი მექნება, ანუ უკეთ, მომეცემა, მაშინვე დავკრავ ფეხს, გადავვარდები ბანტრიონ გალავანზედა“.

ამავე წერილში ილია გამოსთქვამს მწერალთა კლუბის დაარსების იდეას: „იქნებ მაგ კრებულის საქმე რიგიანად წასულიყო, ამბობს ის, რომ მწერლებს, ჟურნალის გარდა, სხვა კავშირიც ერთმანეთთან ჰქონოდათ. მაგალითად, რომ ქალაქში იმისთანა სახლი მოხერხებულყო საცა შესაძლო ყოფილიყო მწერლებისა და სხვა

1) „მნათობი“, 1933 წ. № 8—9, გვ. 278.

2) იქვე, გვ. 272.

თანამგროძობელთ ერთად თავისმოყრა თვითულის გონების საფუძვლის ალემბიცემობისთვის“¹⁾).

მაგრამ ილიამ დიდხანს ვერ მოახერხა ვერც ქალაქს ^{ქალაქს} ^{გადმოსვლა} ვერც ჟურნალის გამოცემა. მაშინდელი ახალგაზრდობაც მძაფრად განიცდიდა ტფილისში ილიას უყოლობას. ეს ახალგაზრდობა იმის ფიქრში იყო, ილიასათვის შეექმნა ისეთი მდგომარეობა, რომ პოეტს შესძლებოდა თავისი ძალ-ღონის შესაფერისი მონაწილეობა მიეღო ქართულ ჟურნალ-გაზეთებსა და საზოგადოებრივ ცხოვრებაში. აი რას ამბობს ნ. ნიკოლაძე ამაზე: ილია ჭავჭავაძე „დუშეთში ცხოვრობდა, საცა მომრიგებელ მოსამართლის თანამდებობას ასრულებდა. ჩენი პირველი ნაბიჯი ის იყო, რომ ყოველი მაშინდელი ახალთაობის მომხრენი შევეგროვე და დავაჯერე — დუშეთში ავიდეთ, ილია ჭავჭავაძე მოვიყვანოთ და ისევ ქართულ მწერლობას დავუბრუნოთ, ქართული საქმეების სათავეში ჩავაყენოთ-მეთქი. ამ აზრით და მიზნით 1871 — 1873 წლებში ხუთჯერ მაინც ავსულვართ დუშეთს „გროვად“ ქართული მწერლობის და აღორძინების მოტრფიალენი“²⁾).

ილიას ტფილისის გადმოსვლა ვერ მოხერხდა 1874 წლამდე. მაგრამ, როგორც ვთქვით, იგი შორიდანაც დიდ მონაწილეობას ღებულობდა საზოგადოებრივ ცხოვრებაში. ამ მხრივ ძალიან საინტერესოა ჭავჭავაძის სასტიკი შეტაკება თავად-აზნაურობის ისეთ კოლორიტულ წარმომადგენელთან, როგორიც იყო გრიგოლ ორბელიანი. ამ შეტაკებაში, რომლის ლიტერატურული ძეგლები დავგერჩა (ი. ჭავჭავაძის „გამოცანები“ გრ. ორბელიანის „პასუხი შვილთა“ და ი. ჭავჭავაძის „პასუხის პასუხი“), ნათლად ჩამოყალიბდა ძველ და ახალ თაობათა მისწრაფებანი და განსხვავება. საქმე ასე იყო.

ილია ჭავჭავაძემ 1871 წლის დეკემბერს დასწერა „გამოცანები“, რომლებშიაც მკაცრად არიან დახასიათებულნი ძველი თაობის ბურჯები: რ. ანდრონიკაშვილი, გ. კ. მუხრან-ბატონი (რომელიც ამტკიცებდა, რომ დიდმა ერებმა პატარები უნდა ჩაყლაპონო და რომელზედაც ილიამ მოხდენილად სთქვა: *Лишь право сильного раб свито почитает* — მონა მარტო ძლიერის უფლებას ეთაყვანება მოწიწებითაო), პ. იოსელიანი, გრიგოლ ორბელიანი, გრაფი მ. ლორის-მელიქოვი (შემდგომ მინისტრი), მიხეილ თუმანიშვილი, ლევან მელიქიშვილი და სხვანი. ყოველი დახასიათება თავდებოდა სიტყვებით: „მაგრამ ერიც და ქვეყანაც იმას ფეხებზე ჰკიდია“.

1) „მნათობი“, 1933 წ. № 8—9, გვ. 279.

2) იქვე, გვ. 279.

საბაბი ამოცანების დაწერისა შემდეგი გარემოება იყო: 1871 წელს საქართველოში უნდა ჩამოსულიყო მეფე ალექსანდრე II-ის თავად-აზნაურობა ზემოთ ემზადებოდა მის დასახვედრად. კარგად დო ადრესიც უნდა წარედგინათ მეფისთვის და ზოგი რამ ეთხოვნათ. თავად-აზნაურთა საგანგებო ყრილობამ ახალგაზრდათა ჯგუფის ზეგავლენით — დაადგინა, მოეთხოვნა ტფილისში უნივერსიტეტის გახსნა. უკანასკნელ წუთებში თავად-აზნაურთა მაღალ ფუნებს შეეშინდათ ასეთი „მოთხოვნისა“. მეფის ნაცვალთან შეთანხმებით თავად-აზნაურობის წინამძღოლმა რევ. ანდრონიკაშვილმა შესცავალა ადრესი და უნივერსიტეტის მაგივრად მოითხოვეს ტფილისში... კადეტთა კორპუსის (სამხედრო სასწავლებლის) დაარსება. ამ საქმეში ერთი თერგდალეული ბეს. ლოლობერიძეც მოჰყვა და ამით აიხსნება ილიას მკაცრი გალაშქრება მის წინააღმდეგ, რადგან მისი მაშინდელი საქციელი ღალატად მიიჩნდათ. ძველებმა ძალიან იწყინეს ახალთა თავხედობა. მათმა ყველაზე ავტორიტეტულმა წარმომადგენელმა პოეტმა გრიგოლ ორბელიანმა დასწერა თავისი შესანიშნავი „პასუხი შვილთა“, სადაც ახალთაობას უსაყვედურებდა ენის წახდენას, ღვთის გმობას, ცრულიბერალიზმსა და სხვ. ილიაზე იგი ამბობდა „იმ ლიბერალსა, ბურთივით მრგვალსაო“. როგორც ჩანს, თავისი გარეგნობის დახასიათება ილიას მოსწონებია და ცოლთან წერილებში ხუმრობით შემდეგ ხშირად იხსენიებს ასე თავის თავს.

ილია ქვეყნაძემაც უპასუხა ცნობილი ლექსით. ეს უკანასკნელი იმდენად დამახასიათებელია მაშინდელი განწყობილებისა და თვითონ ილიასთვის, რომ არ შეგვიძლია თვითონ ლექსის ნაწევრებიც არ მოვიყვანოთ.

ილია ქვეყნაძე აღნიშნავს: ახალი თაობის წარმომადგენლებს, თუმცა რუსეთი მოუვლიათ, მაგრამ ძველებისგან განსხვავებით, თავისი ქვეყანა ჩინებზედ არ გაუცვლიათ, ერი ჯვრებზე არ გაუყიდიათ, ლიბერალ-პატრიოტობა საღანძღავად არ გაუხდიათ. „თქვე ნაცარმქექნო და გულნამცეცნო“, რატომ არის, რომ „ძირს უთხრით ღარიბთ ერთობასო“. თქვენ ურჯულოებას გვწამებთ. ერთი მხრივ ეს მართალიაო:

- ღმერთი არმობის, ღმერთი ყალბობის
- არ ურწმენია ჩვენსა თაობას;
- ღმერთი მზაკვრობის და თვალთმაქცობის,
- ღმერთი უქმობის უარუყვია,
- ღმერთი ხარბობის და მძარცველობის

თქვენთა მსგავსათთვის მას დაუთმია.
ხოლო გვწამს ღმერთი, უქმთა წარმწყმედი,
ტვირთმძიმეთა და მაშვრალთა მხსნელი,
ღმერთი ტანჯულთა, ღმერთი ჩაგრულთა,
ღმერთი უძღურთა შემწყნარებელი;
ყოველთა ძმობის, თანასწორობის
მოდღერობისათვის ქვეყნად ჯვარცმული.
ძლიერთ დამბმელი, უძღურთ ამხსნელი,
თქვენგვარ კაცთაგან გმობილ-დევნული.



ენა ახალმა თაობამ შეინახა, რადგან ძველნი—„შიშით არც კარ-
ში და აღარც სახლში მას აღარ ხმარობთ თქვენდა სარცხვენადო“.

რასაკვირველია, ასეთი რისამე დაბეჭდვა შეუძლებელი იყო. ილიას ლექსი დადიოდა ხელნაწერად ჩვენს მაშინდელ საზოგადო-
ებაში, ბრძოლის ცეცხლს უნთებდა ახალგაზრდობას და ლახვრად
ხვდებოდა ძველს თაობას. აი, რას სწერდა ამაზე სერგეი შესხი 1872
წლის 26 იანვარს კირილე ლორთქიფანიძეს: „ტფილისში ჰყვავის...
ლიტერატურა. ორი ისეთი ხელნაწერი პამფლეტი გამოვიდა აქ
ამ დღეებში, რომელმაც მთელი ქალაქი შესძრა. ერთია „გამოცა-
ნები“, რომელშიაც აწერილი არიან (ან უკეთ ვთქვათ, გალანძლუ-
ლი არიან კარგა ლაზათიანად) გრ. ორბელიანიო“ დ მერე ჩამო-
თვლილია ყველას გვარი. ¹⁾

ამ კამათს, სხვათა შორის, გამოეხმაურა აკაკი წერეთელიც. რო-
მელსაც გ. ორბელიანი უწოდებდა: „აკაკიები, ბაკაკიებიო“. აკაკიმ
ახალთაობის სახელით დასწერა „იარანალი ხარაბუზა“, სადაც ილია
ჭაეჭავაძეზე ნათქვამია:

იმ ლიბერალს, ბურთივით მრგვალს,
რად უპრაწავ მრისხანედ თვალს?
ის გიხდით ვალს და თქვენსა კვალს,
არ აღირსებს თავის ნავალს;
თქვენებრ ვერსად წაიკუზა,
იარანალო ხარაბუზა ²⁾.

ამავე დროს უნდა ეკუთვნოდეს აკაკის ეპიგრამა: „ტყეში შე-
ველ, დათვი ვნახე ორ ბელიანიო“.

¹⁾ „მნათობი“ № 8—9, 1932 წ. გვ. 202.

²⁾ ეს ლექსი მოლიანად დაიბეჭდა პოეტ ი. გრიშაშვილის პუბლი-
კაციით „ლიტ. გაზეთში“, № 5, 1935 წ.

დასასრულ უნდა აღინიშნოს, თუ როგორ გამოეხატა ი. ჯავახიშვილი პარიზის კომუნის დაცემას. 1871 წლის მაისის 29 დაწერილ შესანიშნავ ლექსში იგი ასე აფასებს კომუნისტურ ცებებს:

კვლავ შეფერხდა ისტორია,
განახლების შესდგენენ ძალნი,
და კვლავ დღესასწაულობენ
გამარჯვებულნი მტარვალნი.

ამაირად, ი. ჯავახიშვილი იმხანად კვლავ ავიდა მწვერვალზე და მაშინდელი ახალი თაობის ღირსეული ბაირალტარი გახდა.

X

თავად აზნაურთა ბანკი. ილიას მონაწილეობა წესდების შედგენასა და დამტკიცებაში. ილია — ბანკის გამგეობის თავმჯდომარე. დ. ყიფიანი, ნ. ნიკოლაძე, ივ. მაჩაბელი და ი. ჯავახიშვილი ბანკის საკითხში.

როგორც ცნობილია, თავად-აზნაურობას მთავრობისგან მიეცა განსაზღვრული თანხა გლეხთა განთავისუფლების დროს. ეს იყო არსებითად სახელმწიფოს მიერ ხალხის ხარჯზე მიწის გამოსყიდვა. ეს თანხა უნდა დაერიგებინათ მემამულეთათვის. მაშინდელი მოწინავე პირები შეეცადნენ ამ თანხის ნაწილი მაინც ისეთ საქმეს მოხმარებოდა, რაიც რაიმე სარგებლობას მოუტანდა მთელ ქართველ ხალხს და არა მარტო ერთ რომელიმე წოდებას. ასეთ საქმედ მიაჩნდათ ბანკის დაარსება, რომელიც კრედიტს გასცემდა და ქვეყნის ეკონომიურად მოღონიერებას ხელს შეუწყობდა. დიდი მეცადინეობის შემდეგ მოხერხდა, რომ ბანკის ძირითად თანხად გამოჰყვეს 180 ათასი მანეთი, რომელიც მალე 240 ათასამდე ავიდა.

ბევრი ყოყმანისა და მერყეობის შემდეგ დ. ყიფიანის და ილია ჯავახიშვილის რჩევით გადაწყდა დაეარსებინათ საადგილ-მამულო ბანკი და წესდების შესადგენად აირჩიეს კომისია, რომლის ერთერთ წევრად ილიაც იყო. წესდება შეადგინეს და თავად-აზნაურობის კრებამ იგი მოიწონა. მისი „ნიშნობლივი და საყურადღებო თვისება, რომელიც სხვა საადგილმამულო ბანკების წესდებისაგან განარჩევს-ამბობს ილია ჯავახიშვილი „ავტობიოგრაფიაში“, ის არის, რომ ბანკის მოგება, იმის გარდა, რაც სხვადასხვა თანხას უნდა მიემატოს, ხმარდება ამერეთის არა მარტო მიწათმფლობელთა. ესე იგი, თავად-აზნაურთა, არამედ მიწათმომქმედთა საერთო საჭიროებას“.

ილია ჭავჭავაძე შესამე დასელებთან კამათის დროსაც ამ ბანკის ღირსებად იმას სთვლიდა, რომ იგი წოდებრივ მიზნებს არ ისახავდა.

1873 წელს ილია ჭავჭავაძეს დაავალეს პეტერბურგის ბანკის წესდების დამტკიცებისთვის. პეტერბურგიდან მეუღლესთან გამოგზავნილი იმდროინდელი წერილები აღსავსეა იმის აწერილობით.



ილიას მეუღლე ოლღა ახალგაზრდობაში

ბით, აუ რამდენ დაბრკოლებას უქმნიდა თვითმპყრობელობა ამ ბანკის დაარსებას. რამდენიმეჯერ საქმე თითქმის გადაწყვეტაზე იყო მიმდგარი, მაგრამ გამოჩნდებოდა რაიმე ახალი საბაბი გადადებისა და ილიაც იძულებული იყო ელოდნა ბიუროკრატების ხრიკების დასასრულისათვის. ხანდახან პოეტი სასოწარკვეთილებასაც კი ეძლევა და სწერს ოლღა თადეოზის-ასულს: „აღბათ არაფერი გამოვა, ამდენ ტაჯვას ის გვერჩევნოდა, ვგდებულიყავით იმ ჩვენ

დამბალ დუშეთში“. ილიასთვის მაშინ ნუგეში იყო იგი. მთავრობის
თან ერთად „მეფე ლიონის“ თარგმნა. ილია ძალიან კმაყოფილია
ამ თარგმნით და ცოლს სწერს: აქ წაიკითხეთ ერთ შეკრულს
ქალებმა ბევრი იტირეს, დამაცა, მანდ ჩამოვალ, გატირებთ. ვერც
ერთი რუსული თარგმანი ვერ შეედრება ჩვენსასაო.

დიდი ვაი-ვაგლახის შემდეგ, წესდება დაამტკიცეს და ბანკმა
მოქმედება დაიწყო 1875 წლიდან. უნდა ითქვას, რომ იმდროინდელი
ილიას წერილები მეუღლესთან დიდ მასალას მისცემს იმას.
ვინც ხსენებული ბანკის და ეგრეთწოდებული „ბანკოვიადის“ სა-
კითხის ვრცლად გაშუქებას მოინდომებს.

ბანკის წმინდა მოგება მართლაც ხმარდებოდა საზოგადოებრივ
დაწესებულებებს: ტფილისის სათავად-ახნაურო სკოლას (შემდგომ
ქართულ ვიმნაზიას), რომელშიაც სხვა წოდების შვილებიც სწავ-
ლობდნენ და 1900 წლებიდან უმეტესობასაც შეადგენდნენ: წინა-
მძღვარიანთკარის სამეურნეო სკოლას, ქართულ თეატრს, წერა-კი-
თხვის საზოგადოებას და ბევრ სხვა ქართულ კულტურულ დაწეს-
ებულებას.

ბანკის დაარსებიდან 1875 წლიდან 1905 წლამდე, ე. ი. სრულ
30 წელს, ილია ჭავჭავაძე იყო მისი გამგეობის არჩეული თავმჯდო-
მარე. ამ ხნის განმავლობაში მას ბევრი ბრძოლა და უსიამოვნება
გადაჰდა ბანკის გამო და ბანკის საკითხების ირგვლივ. ილია ჭავ-
ჭავაძის თანამედრობა ისეთი იყო, რომ არ შეიძლებოდა ბანკის
მადლიერი და მომდურავი არ ჰყოლოდა. ილია სასტიკი მომხრე
იყო ბანკის წესების განუხრელად შესრულებისა. ეს აზრი მან თა-
ვიდანვე, 1875 წელსვე გამოსთქვა საჯაროდ. „ბანკი თავად-ახნა-
ურობამ დააწესა იმ განზრახვით, რომ მისგან შეწირული ფული
სესხად მოეფინოს ჩვენს ქვეყანას, მაგრამ ისე მოეფინოს, რომ მაგ
ფულის ერთი გროშიც არ დაიკარგოს, სესხმა ფული ასარგებლოს,
ფულმა ფული მოიგოს და მხოლოდ ამ მოგებიდან უფრო ბევრი
წილი ჩვენის ქვეყნის საერთო საჭიროებას მოხმარდეს. ზოგი კადკ
ლარიბთ გაუნაწილდეს, იმ ღარიბთა, რომელნიც რომელიმე უბედურ-
ების გამო სიღარიბეში ჩაცვივებულან და არა იმათ, ვინც გულაღმა
წვანან, გულზე ფაფუკი ხელები დაუკრეფიათ, პირი დაუღიათ და
ყვირიან, მასვით და მაჭამეთო“¹⁾).

ასე ესმოდა ილია ჭავჭავაძეს ბანკის დანიშნულება და, ამიტომ
ამტკიცებდა შემდგომ, ჩვენი ბანკი წოდებრივი, დაწესებულება არაა

¹⁾ არჩ. ჯორჯაძე. ტ. V, გვ. 169.

ჩგი მთელ ერს ემსახურებაო. თვითონაც სწორედ ამიტომ იყრ
გულმოდგინე დარაჯი ზემოხსენებული დაწესებულებისა.

ბანკზე საუბრის მოსათავებლად მოკლედ შევებებით ემ წყნარულნი
კებებს, რომლებიც ილია ჭავჭავაძეს მოუვიდა ჯერ ნიკოლოზ ჩხეიძის
ძესთან (1876 წ.), შემდგომ დიმიტრი ყიფიანთან (1883 წ.), ბოლოს
კი ივანე მაჩაბელთან. როგორც სამართლიანად აღნიშნავს განსვე-
ნებული სიმონ ხუნდაძე, ნ. ნიკოლაძე ბანკს, გარდა სამრეწველო
მიზნებისა, „უტოპიური გეგმების განხორციელებასაც ავალებდა.
ერთი მხრივ იგი ფულის „მოზიდვასა“, მრეწველობისა და აღებ-
მიცემობის განვითარებას აკისრებდა, მეორე მხრივ, ვაჭრობისა და
თავისუფალი ეკონომიური საქმიანობის შეზღუდვას ავალებდა.“¹⁾
ილია ჭავჭავაძეს კი უფრო რეალურ საქმედ მიაჩნდა „აღებ-მიცე-
მობის და ვაჭრობის თავისუფლების პრინციპის“ დაცვა, რადგან,
მისი აზრით, ბანკს მხოლოდ იგი შეიძლებოდა საფუძვლად სდებ-
ოდა.

ნ. ნიკოლაძე სხვა უფრო ფართო მიზნებსაც უსახავდა ბანკს
(სოციალისტური ხასიათისას), ილიას კი უტოპიურად მიაჩნდა იმ-
დროინდელ პირობებში ეს პროექტები და გადაჭრით უარჰყოფდა.

უტოპიურსავე მიზნებს (ოღონდ უკვე თავად-აზნაურობის დახ-
მარებისაკენ განხრით!) უსახავდა ბანკს დიმიტრი ყიფიანი, რო-
მელმაც მის დაარსებას დიდი ღვაწლი დასდო. იგი აღნიშნავდა,
რომ ბანკს უნდა ეხსნა თავად-აზნაურობა, როდესაც „უკიდურეს
განწირულებაში ვიყავით“, მან ვერ გაამართლა იმედები და ქალა-
ქის მცხოვრებთ უფრო ეხმარებოდაო. ილია ჭავჭავაძე უპასუხებ-
და: ბანკი კომერციული დაწესებულებაა და არა საქველიოქს, ეო;
სესხის ამღები, რა წოდებასაც უნდა ეკუთვნოდეს, ვალდებულია
დროზე გადიხადოს ვალი. ისე ბანკი უეჭველად დაიღუპება, რო-
გორც კომერციული დაწესებულებაო.

რაც შეეხება ივ. მაჩაბლის ბრძოლას ილიას წინააღმდეგ და
„ბანკოვიადას“, მასზე ჩვენ მხოლოდ ცოტა ხანს შევჩიოდებით. აჰ
საგანზე ბევრი რამ დაწერილა, მაგრამ დღემდე მაინც გაურკვევე-
ლი რჩება, თუ რა მიზნებს ისახავდა ის ოპოზიცია, რომელსაც ივ.
მაჩაბელი უწევდა მეთაურობას. ჩვენის აზრით, ამის ზუსტად დად-
გენა თითქმის შეუძლებელიცაა. საქმე ისაა, რომ ივანე მაჩაბლს
გარშემო იმ დროს თავს იყრიდა ძალიან მრავალფეროვანი ხალხი,
დაწყებული კონსერვატორ მიხ. მაჩაბლითა და ექიმ გ. გაბაშვილით

1) ნ. ნიკოლაძე, რჩ. ნაწერები, სიმ. ხუნდაძის გამოკვლევა
ნ. ნიკოლაძეზე, გვ. 84.

და გათავებული ახალგაზრდების ერთი ნაწილით, რომელნიც ილიას ებრძოდნენ სრულიად არა საბანკო საკითხების გამო. ამ სიჭრელით აიხსნება, რომ ამ ჯგუფმა ვერ ჩამოაყალიბა თავისი მკაცრული გეგმა. გიორგი თუმანოვი, რომელიც ერთხელ უკვე მოვიხსენიებდით, მელიც ილიას ებრძოდა 90-იან წლებში, აღნიშნავს: ბანკის საკითხში და ივ. მაჩაბელთან ბრძოლის დროს მე ილიას მომხრე ვიყავი, რადგან მისი პოზიცია უფრო პრინციპულ და იდეურ პოზიციად მიმაჩნდაო.¹⁾ ამასვე ამბობს გ. ლასხიშვილი.

ჩვენის აზრით, ივ. მაჩაბელი არსებითად ისეთსავე უტოპიურ ნიადაგზე იდგა, როგორადაც დიმ. ყიფიანი. იგიც ბანკს უფრო საქველმოქმედო დაწესებულებად სახავდა თავად-აზნაურობის გადასარჩენად, ვიდრე საფინანსო დაწესებულებად. ამიტომ ილია ჭავჭავაძის პოზიცია არსებითად მისაზე უფრო პროგრესული იყო იმ ეპოქისთვის და ბანკის ინტერესებსაც უფრო შეეფერებოდა. ი. მაჩაბელი საბოლოოდ დამარცხდა 1896 წელს.

უნდა ითქვას, რომ „ბანკოვიალის“ დროს დიდი ენერჯია იხარჯებოდა ორივე მხრივ. მაშინდელ საბანკო კრებებს აუარებელი გარეშე ხალხი ესწრებოდა, იყო პარტიობა, კენჭობია და სხვა. ხალხს კიდევ ის უფრო იზიდავდა, რომ როგორც ილია, ისე ვანო მაჩაბელი შესანიშნავი ორატორები იყვნენ. მათი პაექრობა ფრიად საინტერესო იყო და, როგორც მაშინ ამბობდნენ, ეს კრებები გარეგნად იმდროინდელ „პარლამენტს“ წარმოადგენდა.

საერთოდ კი ტფილისში გადმოსვლამ, ბანკში სამსახურმა ილიას უფრო მეტი საშუალება მისცა სხვა საზოგადოებრივსა და სალიტერატურო საქმეებში მონაწილეობა მიეღო. მაგრამ მაინც სამწუხაროა, რომ ილია ჭავჭავაძის კტუა, ცოდნა-გამოცდილება, მკვერმეტყველება, მხნეობა იმნაირ შედარებით პატარა საქმეში დაიქსაქსა და შთაინთქა როგორიც ბანკია. დრო იყო ისეთი, რომ ილია ჭავჭავაძისთანა ადამიანი იძულებული ხდებოდა ამ წვრილმანებისათვის შეეღივნა თავისი ბუმბერაზული ძალღონე.

¹⁾ Характ. и воспоминания т. III.

ილია საზოგადო მოღვაწე. როგორც იყო 70-იანი წლების საქართველო. წერა-კითხვის საზოგადოება. დრამატული საზოგადოება: გალაშქრება კატკოვის წინააღმდეგ. ილია მოითხოვს ერობის მსაჯულთა სასამართლოს. გალაშქრება იანოვსკის წინააღმდეგ. „ღვთის საქმე“. ებრაელთა საკითხი. ილია — ცენტრი მაშინდელი ქართველი საზოგადოებისა.

ილია ჭავჭავაძეს უდიდესი ავტორიტეტი ჰქონდა ქართველ საზოგადოებაში თითქმის მთელი ნახევარი საუკუნის განმავლობაში. ამიტომ საკვირველი არაა, რომ გარდა სალიტერატურო საქმიანობისა და ბანკისა, მას უხდებოდა უახლოესი მონაწილეობა მიელო ყველა ქართულ კულტურულ-საზოგადოებრივ დაწესებულების მუშაობაში, ან თვითონ იგი იყო მათი ინიციატორი და დამფუძნებელი.

ასეთი დაწესებულებანი კი უკვე ნელნელა ჩნდებოდა ბატონყმობის უღლისაგან განთავისუფლებულ საქართველოში. ეს განთავისუფლება, როგორც ცნობილია, არ იყო ისეთი, როგორც გლეხებისა და მაშინდელი მოწინავე პირებისთვის იყო სასურველი.

მაგრამ განთავისუფლებას პიროვნული დამოკიდებულებისაგან ფრიად დიდი მნიშვნელობა ჰქონდა. თუმცა დიდი გაჭირვებით, მაგრამ გლეხობა ნაწილობრივ ახერხებდა მამულის გამოსყიდვას და დამოუკიდებელი მეურნეობის მოწყობას. რადგან მიწა არ ჰყოფნიდა, იგი იძულებული იყო იჯარით აეღო მიწები ბატონებისაგან, საამისოდ მას ფული სჭირდებოდა. და აი, გლეხი თავის სოფლის გარეშე ეძებს სამუშაოს, რათა დამოუკიდებელი მეურნეობის მოწყობა შესძლოს. სოფლიდან ქალაქად ლტოლვა თანდათან ძლიერდება და ხელს უწყობს გლეხობის გათვითცნობიერებას. იგი ნელნელა საზოგადოებრივ ასპარეზზე გამოდის. როგორც წოდება, თავად-ახნაურობა, რომელსაც ჩვენი ერის მესაჭედ მიაჩნია თავი, ნელ-ნელა, მაგრამ მტკიცე ნაბიჯით მიექანება სრული ეკონომიური და საზოგადოებრივი გაკოტრებისაკენ.

სწორედ ბატონყმობის გადავარდნის შემდეგ, 70-იან წლებში გრძნობს საქართველო ერთ მთლიან ერად თავს და სამოციანი წლების მოღვაწენიც ილია ჭავჭავაძის მეთაურობით ამ მთლიანობის შეგნების გამაღვივებელნი არიან. ამ ფაქტს შესანიშნავად ახასიათებს დიდი სტალინი 1913 წელს დაწერილ წერილში — „მარქსიზმი და ნაციონალური საკითხი“. ეხება რა საქართველოს, ამხანაგი სტალინი ამბობს: „რეფორმების წინადროინდელი ქართველები ცხოვრობდნენ ერთ ტერიტორიაზე და ლაპარაკობდნენ ერთ

ენას; მიუხედავად ამისა, ისინი, მკაცრად თუ განვსაზღვრავთ, ან შეადგენდნენ ერთ ნაციას... სხვანაირად არც შეიძლება იყოს იყო საქართველოს ეკონომიური დაქსაშლოების გამო. ჩვენს წინაშეა ის, როგორც ნაცია, მოგვევლინა მხოლოდ მე-19 სუტუნის შემდეგ რე ნახევარში, როდესაც ბატონყმობის გადავარდნამ და ამ ქვეყნის ეკონომიური ცხოვრების ზრდამ, გზათა და მიმოსვლის საშუალებათა განვითარებამ და კაპიტალიზმის აღმოცენებამ — შრომის დანაწილება დაამყარეს საქართველოს ოლქებს შორის, საბოლოოდ შეარყიეს სამთავროთა სამეურნეო კარჩაკეტილობა და ისინი ერთ მთლიან ერთეულად შეჰკრეს.“¹⁾

ყველაფერ ამას მოჰყვა მთელ რიგ კულტურულ-განმანათლებელ საზოგადოებათა დაარსება, რომლებშიაც, ი. ჭავჭავაძე მუდამ მხურვალედ მონაწილეობდა.

უპირველესად ყოვლისა უნდა მოვიხსენიოთ ქართველთა შორის წერა-კითხვის გამავრცელებელი საზოგადოება, დაარსებული 1879 წლის 31 მარტს. მეფის რეჟიმის შეზღუდვებში ამ საზოგადოებამ უდიდესი როლი ითამაშა, როგორც ქართული სკოლების მესვეურმა და შემდგომ როგორც ქართული წიგნის გამომცემელმა. მისი სკოლები ერთადერთი იყო, სადაც ბავშვები დაწყებითს ცოდნას დედაენაზე ღებულობდნენ. მას ჰქონდა აგრეთვე სახალხო ბიბლიოთეკა-სამკითხველოები. მარტო 1905 წლამდე მან გამოსცა 150 წიგნზე მეტი, დაახლოებით ნახევარმილიონი ტირაჟით. მაშინდელ მასშტაბს თუ მივიღებთ მხედველობაში, ეს დიდი ციფრია, რადგან მაშინ წელიწადში სულ ასი წიგნი თუ გამოვიდოდა (ისიც მხოლოდ 1900 წლების შემდეგ!) ესევე საზოგადოება იყო თითქმის ერთადერთი ინიციატორი და შემსრულებელი ყველა კულტურული საქმისა, ისეთისაც კი, როგორც იყო, მაგალითად, ნ. ბარათაშვილის ნეშტის გადმოსვენება. თუ რაოდენ დიდი ეროვნულ-კულტურული მნიშვნელობა ჰქონდა, ვთქვათ, ამ უკანასკნელს (ბარათაშვილის გადმოსვენებას), ამას ნათლად მოწმობს ჟანდარმთა სამმართველოს მაშინდელი მოხსენება პოლიციის დეპარტამენტისადმი (1894 წ.). პოეტის ნეშტისთვის ხალხის პატივისცემა ჟანდარმებს რუსეთისაგან ჩამოშორების, სეპარატისტულ მისწრაფებად მიაჩნიათ. „კუბო ხელიდან ხელში გადადიოდა. სწერს ჟანდარმთა სამმართველო, და არამც თუ ყველა წოდების პირნი ეცილებოდნენ როგორმე რამდენიმე ნაბიჯზე კუბოს წასვენებაში მონაწილეობა მიეღოთ. დედებს მოყვანათ თავისი პა-

¹⁾ И. Сталин. Марксизм и нац.-колон. вопрос. 1934 წ. გვ. 5—6.

ტარა შვილები, აჩოქებდნენ კუბოს წინ და თაყვანს სცემდნენ კუბოს, როგორც წმინდანის ნეშტს“ და ყველაფერი ეს მოხდა წერიკითხვის საზოგადოების თაოსნობითა და შემწეობით.

გარდა ამისა, წ.-კ. გამავრცელებელი საზოგადოება წარმოადგენდა ერთგვარ სახელგამს თვითმპყრობელობის უღელში გაბმული ქართველი ხალხისათვის. და აი, ამ საზოგადოების გამგეობის თავმჯდომარედ იყო ილია ჭავჭავაძე 1886 წლიდან სიკვდილამდე და უმისოდ იქ არც ერთი მნიშვნელოვანი საკითხი არ გადაწყვეტილა.

ივერია

როდესაც თავდაზნაურობაში უკმაყოფილების ხმა გაისმა, რომ უნდა ეხმარებოდეს ფულთ ჩვენი ბანკი წ.-კ. საზოგადოებას, რომელიც გლეხების შვილებს ზრდის თავის სკოლებშიო, ილია ჭავჭავაძემ სასტიკად გაილაშქრა ამის წინააღმდეგ. „ჩვენი უბედურება ის ყოფილა, არის და ღმერთმა ნუ ქნას, კიდევ იყოს, რომ ყველა ქართველი, გლეხია თუ თავადი, ძმად და შვილად არ მიგვაჩნია. ზემოხსენებულ საზოგადოებას სახეში აქვს მთელი ქართველობა (ხაზი ჩვენია. ქ.რ.), თავდაზნაურობა კი გამოსულა და იძახის, მეო და არა სხვაო“.¹⁾

თვითმპყრობელობის პირობებში თეატრს ჰქონდა არა მარტო კულტურული გასართობის, არამედ ეროვნულ-პოლიტიკური მნიშვნელობაც. ტყუილად როდი ამბობდა ილია: „ჩვენში დიდებისთვის ისეთივე მნიშვნელობა აქვს ქართულ თეატრს, როგორც პატარებისთვის სკოლასო“. ბევრი პიესა აქ „უფრო კარგად გვიქადაგებს ადამიანთა თანასწორობას, ვიდრე განგებ ამ აზრის განსამარტებლად შეთხზული ფრაზებო“.²⁾

¹⁾ ტ. VII, გვ. 294.

²⁾ ტ. VII, გვ. 311.

გარდა ამისა, დევნილი ქართული ენა თეატრში პპოვებდა თავშესაფარს და იქიდან ხშირად მოისმოდა ეროვნულ-რევოლუციური შეგნების გამაღვივებელი ხმა. როდესაც 1882 წელს პირველად დასდგეს დავ. ერისთავის „სამშობლო“ და მესამე აქტზე დასრულდა საქართველოს დროშა, ყველა მაყურებელი ფეხზე წამოიჭრა და თეატრის დარბაზში გაისმა ხმამაღალი ქვითინი. ეს დროშები რეაქციულმა გაზეთებმა „მოსკოვსკიე ვედომოსტიმ“ მაშინ საცინოდ აღადგო — ქართველებს ურჩევნიათ იგინი ცირკს მიჰყიდონ, რადგან ბევრი ხარჯი მოუვიდათო. მთელი ქართველობა აღშფოთებული იყო. ილია ჭავჭავაძე გაბედულად გამოესარჩლა როგორც ქართულ თეატრს, ისე ქართულ დროშას (იხ. „კატკოვის პასუხად“) და მედგრად დაჰგმო საზოგადოების შეურაცხყოფელნი.

საერთოდ ილიას ყოველთვის ძალიან ეინტერესებოდა თეატრის და დრამატურგიის საკითხები. თუმცა სპეციალურად სსსცენო პიესა არ დაუწერია, მაგრამ ხშირად დგამდნენ მის „დედასა და შვილს“, „გლაზა ჭრიაშვილს“. 80-იან წლებში, როგორც პოეტმა ი. გრიშაშვილმა აღმოაჩინა, ილიას ნატო გაბუნიას საბენეფისოდ გადაუტყეებია ერთი ეპიზოდი „კაცია-ადამიანიდან“ (ლუარსაბის დაქორწინება) „მაჰანკლის“ სათაურით. ზოგჯერ თვითონ ილიაც გამოდიოდა სცენაზე, როგორც საკუთარი და სხვის ნაწარმოებთა დეკლამატორი. საყურადღებოა ერთი ასეთი გამოსვლა საქველმოქმედო სალიტერატურო საღამოზე 1875 წ. ტფილისში. ამ საღამოში მონაწილეობდნენ: დიმ. ყიფიანი, ილია ჭავჭავაძე, აკაკი წერეთელი და რაფ. ერისთავი. ილიას აქ წაუთქობავს, საკუთარ ნაწარმოებთა გარდა, გრიგ. ორბელიანის ცნობილი ლექსი „ონიკოვის დარდები“.

როდესაც 1879 წ. მუდმივი ქართული დასი, ხოლო 1880 წ. ქართული დრამატული საზოგადოება დაარსდა, ილია რამდენიმეჯერ იყო მისი გამგეობის თავმჯდომარედ. ყოველთვის ეინტერესებოდა რა თეატრის ბედი და დრამატურგია, ილიას არა ერთი ფრიად საყურადღებო შენიშვნა აქვს გამოქვეყნებული როგორც პირველ, ისე მეორეზე.

ილია ჭავჭავაძე ფრიად ენერგიულად იცავდა აგრეთვე ჩვენში იმ რეფორმათა განხორციელების საჭიროებას, რომლებიც თვით მპყრობელობამ საქართველოს დააკლო. ეს იყო, ერთი მხრივ, ერობა, მეორე მხრივ, ნაფიც მსაჯულთა სასამართლო. ქართველი მოწინავე ინტელიგენცია ი. ჭავჭავაძისა და ნ. ნიკოლაძის მეთაურობით თავიდანვე ენერგიულად იბრძოდა ამ ორი რეფორმისათვის, რომ-

ღებშიც შიდა რუსეთში ეგრეთწოდებული „დიდი რეფორმების“ ეპოქაში განხორციელდა.

70 იანი წლებიდან მოკლებული ხშირად იმართებოდა სწავლებლები, კრებები, მთავრობა ნიშნავდა კომისიებს ეითომდა „საქონლის“ „გამოსაოკვევად“. ნამდვილად კი მის დასაბრკოლებლად. მთავრობის წარმომადგენელი აცხადებდნენ, რომ ქართველი ხალხი არ არის მომზადებული ერობისა და ნაფიც მსაჯულთა სასამართლოსთვის. ილია ქავჭავაძე, და მთელი მაშინდელი მოწინავე საზოგადოება, რასაკვირველია, ამტკიცებდნენ საწინააღმდეგოს, მაგრამ ამაოდ.

ილიას საკმარისად არ მიაჩნდა მარტო ნაფიც მსაჯულთა სასამართლოს შემოღება. აუცილებლად საჭიროა იგი უსათუოდ ადგილობრივ ენაზე, ქართულად სწარმოებდესო, სწერდა ილია. მაგრამ არა თუ ილია ვერ მოესწრო ხსენებულ რეფორმებს, არამედ ცარიზში ისე დაამხო რევოლუციამ, რომ ჩვენს ქვეყანას არც ერობა ჰქონდა, არც ნაფიც მსაჯულთა სასამართლო.

ილია ქავჭავაძე მედგრად და გამუდმებით იბრძოდა აგრეთვე ქართული ენის უფლებათათვის ჩვენს სკოლებში. ამ ნიადაგზე მას ზშირი შეტაკება ჰქონდა მთავრობის უმაღლეს წარმომადგენლებთან, როგორც წ. კ. საზოგადოების გამგეობის თავმჯდომარეს. მთავრობის მოხელეები ხშირად ლამობდნენ ქართული ენა შეევიწროებინათ ხსენებულ საზოგადოების სკოლებშიაც. იყო ხოლმე შემთხვევები, რომ გამგეობის ზოგი წევრი თანახმანი იყვნენ ერთგვარი კომპრომისისა, საზოგადოებას არა ეენოს რაო. ილია ყოველთვის მედგრად ილაშქრებდა ამის წინააღმდეგ და თავისი გაჰქონდა.

მაგრამ იგი ქართული ენის უფლებებს მარტო წ.-კ. საზოგადოების სკოლებისათვის როდი იცავდა. თავისი ბასრი პუბლიცისტური კალამი ილიას ყოველთვის მიმართული ჰქონდა ყველა იმ შემთხვევის გამომჟღავნებისაკენ, როდესაც ქართული ენა იდევნებოდა და ფეხით ითელებოდა. მრავალთა შორის გავიხსენოთ ილიას შეტაკება კავკასიის სასწავლო ოლქის მზრუნველ იანოვსკისთან, ცნობილ რეაქციონერ პობედონოსცევის მიერ წარმოგზავნილ უმაღლეს მოხელესთან. იანოვსკის განკარგულებით სწავლა პირველდაწყებით სკოლებში რუსულ ენაზე უნდა წარმოებულიყო, ხოლო ქართული სრულიად—გამოედევნა. მოკლე, მაგრამ დასაბუთებულ წერილში ილია ქავჭავაძე პედაგოგიური ავტორიტეტების მოშველიებით და საღი მოსაზრებებით არღვევს იანოვსკის იმ დებულებებს, რომლებიც მას გამოუთქვამს მთავრობის გაზეთ „კავკაზში“ (1881 წ.). ილიას მოჰყვა

ცნობილი პედაგოგის იაკობ გოგებაშვილის წერილები იანაშვილის წინააღმდეგ, შემდგომ დიმი. ყოფიანის გალაშქრება. თუმცა მთავრობამ თავისი გაიტანა, მაგრამ ამ ბრძოლას უდიდესი მნიშვნელობა ჰქონდა საზოგადოებრივი აზრის ჩამოსაყალიბებლად მავად.

აღსანიშნავია აგრეთვე ილიას წერილები ქალთა თანასწორუფლებიანობის შესახებ („დედათა საქმე“ — 1888 წ.), აგრეთვე ანტისემპიტისმის წინააღმდეგ („ებრაელთა საკითხზე“, ტ. VIII, გვ. 307). არ ყოფილა არც ერთი მნიშვნელოვანი საზოგადოებრივი საკითხი, რომელზედაც ილიას თავისი სიტყვა არ ეთქვას.

საერთოდ ილია ქვეყნაძე ჩვენი ცხოვრების ყოველ მოვლენას გაფაციცებით აღევენებდა თვალყურს და არ იზარებდა არც ცალკე საკითხთა შესწავლას, არც მათზე ვრცლად ლაპარაკს, რაგინდ გარეგნად მოსაწყენი ყოფილიყო. მოწინააღმდეგისადმი ილია დაუნდობელი იყო. გაიხსენეთ მისი „აი ისტორია“, მიმართული რუსულ ჟურნალ „Северный Вестник“-ში დაბეჭდილ ი. ჯაბადარის (ნარ-დონის) წერილის წინააღმდეგ. ილიამ მარტო ამ წერილისთვის გადაიკითხა დიდძალი ლიტერატურა (1889 წ.) და მოგვევლინა, გარდა უებარი პოლემისტისა, როგორც მსოფლიო და საქართველოს ისტორიის ღრმად მცოდნე. გაიხსენოთ აგრეთვე მისი „ქვათა-ღაღადი“, მიმართული სომხის იმ „მწიგნობართა“ წინააღმდეგ, რომელნიც ცდილობდნენ ქართველობის „სახელის გატეხას“. რა შესანიშნავად აქვს ილია ქვეყნაძეს განმარტებული ის საუბედურო გავლენა, რომელიც მოჰყვა საქართველოს სამეფოსათვის სამხრეთით სომხეთის დაცემას. ამ მწიგნობრებზე კი ამბობს: „ღმერთმა გვაშოროს იგი ბრალი, იგი ცოდვა მთელ ერს სომხისას შეეწამოთ, რომელიც მარტო ერთს გვარს გუნდს სომხებისას და იმ გუნდის მწიგნობარ — მეცნიერთ ეკუთვნისო“.

ილია მონაწილეობდა ტფილისის ქართული გიმნაზიაში. საქმიანობაშიც, იყო მისი სასკოლო კომიტეტის წევრი მრავალი ხნის განმავლობაში, თვალყურს აღევენებდა აგრეთვე წინამძღვრიანთკარის სამეურნეო სკოლას, რომლის გახსნაზედაც წარმოსთქვა შესანიშნავი სიტყვა (1883 წ.).

ბანკის გარდა, ილია მონაწილეობას იღებდა სხვა სამეურნეო დაწესებულებებშიც. 1877 წლიდან იყო კავკასიის სამეურნეო საზოგადოების ვიცე-პრეზიდენტი და, როგორც თვითონ აღნიშნავს „ავტობიოგრაფიაში“, „იღებდა მონაწილეობას ხან მიწვევით, ხან არჩევით თითქმის ყოველ კომისიაში, რომელიც არკვევდა ჩვენი მეურნეობისა და სხვა საქიროებათა საგნებს“.

ცისკარი.

1864

ო კ ტ ო მ ბ ე რ ი.

წელიწადი შერვა.

წოდება თხზულებათა:

- I — განხილვა, 1865 წლის ცისკრის გამოცემისთვის რედქ.
- II — მასკარადა (ლერმანტოვიოვან. დრამა. —) დასასრული გრ წინამძღვროებისა.
- III — 1, მასწავ. გ. ბ. ვ. (ლექსი) თ. ავ. წერეთელისა
2, კადრება. (ლექსი.) მისივე
- IV — შტაბელაქე დაბად. ღარიას, ტერტეკებსე (მღვდლებსე)
საუბარი გრ. წინამძღვროებისა.
- V — ქრისტესორე კოლეშია. — გ. დიდუბულიძის.
— სხვა და სხვა ანბანი (იხილე მეორე გვერდზე)

ტფილისს.

აკაკიშვილის ტიპოგრაფიაში.

ილია ჭავჭავაძე თავისი დროის ქართველი საზოგადოების ბუნებრივი ცენტრი იყო. ჩამოვიდოდა ვინმე უცხოელი საქართველო და ქართველი ხალხის გასაცნობად და უშუალოდ ილია ჭავჭავაძეს უნდა გაეწია მისთვის როგორც მასპინძლობა, ისე ნებლობა. მისი მეოხებით არტურ ლეისტმა („შემდგომ ი. ჭავჭავაძის დიდმა მეგობარმა) ისწავლა ქართული და გერმანელებს შეძლები სამებრ გააცნო საქართველო და ჩვენი მწერლობა. ილიას დახმარებით ოლ. და მარ. უოდროპებმა სთარგმნეს ინგლისურად „ვეფხისტყაოსანი“, „განდევილი“ და სხვ.

ილიას ისეთი ავტორიტეტი ჰქონდა, რომ მას ხშირად მიმართავდნენ ცალკე პირები, უფრო ხშირად წერილობით თავისი კერძო, პიროვნული ხასიათის კითხვებით და რჩევა-დარიგების თხოვნით. მისი არქივი სავსეა ათასგვარი ასეთი მომართვითა და თხოვნით და, ეტყობა, ილია ყველაფერ ამას ათვალეირებდა და ყველას გიროვან პასუხს აძლევდა.

XII

როდის დაიწყო ილიამ წერა? ილიას ლიტერატურული მუშაობა სტუდენტობისას. „ივერია“. ილიას წერილი აკაკისთან. „ივერიის დაკეტვა მთავრობის მიერ. რა სიტყვა „კვალმა“ „ივერიის“ განახლების გამო. ილიას ჟურნალისტობა და მისი ენა. როგორ დასწერა „ოთარაინი ქვრივი“. ილია უცხო ენებზე. ილიას ფსევდონიმები.

როდის დაიწყო ილიამ წერა? როგორც მისი გამზრდელი სალოლაძე და კ. აფხაზი მოწმობენ, ილიას ბავშვობაშივე ჰყვარებია ლექსები და თითონაც გამოუთქვამს, თუ უწერია. კერძოდ კ. აფხაზი გადმოგვცემს ერთ შემთხვევას, რომელიც იმდენად საყურადღებოა, რომ მთლად მოვიყვანო მის ნაამბობს.

„ილია იქნებოდა ესე 11 წლისა, ამბობს კ. აფხაზი. ჩვენს სოფელში, კარდანახში ვიყავით (ორივენი გიმნაზიელები). კვირა დღე იყო და ერთი ოცი თუ თხუთმეტი ვერსის მანძილზე მამაჩემს მამითადი ჰქონდა. ჩვენც იქ წავედით. მთელ დღეს ვუცქეროდით გახურებულ მამითადს. საღამოთი შინისკენ დავბრუნდით და კარდანახამდე რომ ასე 7 ვერსის სავალი დაგვრჩა, კოკისპირული წვიმა დაუშვა და მთელი ნიაღვარი მოვარდა. მეტი გზა არ იყო. შევბრუნდით ახლო მდებარე სოფელში ჩალაუბანში და ღამეც იქ გავათიეთ. მაგრამ მთელ ღამეს არ მოგვითვლემია. ერთს გლეხკაცის სახლში ვიწექით და ღამე იმდენი მკბენარი (რწყილი) დაგვეხვია, რომ გათენებისას გამოგვარდით გარეთ ლოგინებითურთ და ერთ-

საქართველოს

მოამბე

1863

№ V. მაისი

ვალიანო პანკაძე

ტფილისი

გამბეულ მკლქუზანტობ დ ამაჩრეკ ენდოფიანტ.ს ხტამაშ

დიდ კაკლის ქვეშ გავშალეთ და ცრტა იქ გამოვიდინეთ. აი სწორად აქ დაწერა ილიამ თავისი პირველი ლექსი „რწყილები“ (147—148 წ.). საუბედუროდ ეს ლექსი არ შენახულა, და არ ვიცით, რა უყო ილიამ. მახსოვს კი, რომ ამ ლექსში დიდი ოხუნჯობითა და შეტყუან კომიკურად იყო აწერილი რწყილებთან ჩვენი ბრძოლა და ლექს-მა ბევრი გვაცინა“¹⁾.

ილია 50-იან წლებში უკვე სისტემატურად სწერდა ორიგინალურ ლექსებს, აგრეთვე სთარგმნიდა. 1850 წლებში დაწერილ ლექსებს მიეკუთვნება დაახლოვებით ცხრა ლექსი. რუსეთს ყოფ-ნისას (1857—61 წ.) მან დასწერა 86 ნაწარმოები, მათ შორის „აჩრდილი“, „ქართლის დედა“, „კაკო ყაჩაღი“, 62 ლექსი და ვად-მოთარგმნა 20. საქართველოში დაბრუნებიდან 1861-დან 1894 წლამდე (1894 წ. შემდეგ მხატვრული თითქმის არა დაუწერია რა!) მოგვცა 22 ნაწარმოები, რომლებშიაც შედის: „ღიმიტრი თავდადე-ბული“, „ოთარაანთ ქვრივი“, „განდეგილი“, 18 ლექსი, 2 თარგ-მნილი ლექსი.

ილიას პირველი ლექსი დაიბეჭდა 1857 წელს ჟურნალ ცისკარ-ში“ (იანვარს) და მერვე, ვიდრე ხსენებულ ჟურნალთან შეტაკება მოუვიდოდა, თავის ნაწარმოებთ იქ ბეჭდავდა. შემდეგ მისი ნაწარ-მოებნი იბეჭდებოდა „საქართველოს მოამბეში“ (1863 წ.), გაზეთ „დროებაში“ (1886—1885) გ. წერეთლისა და და ნ. ნიკოლაძის ჟურნალ „კრებულში“ (1871—73), მისი რედაქტორობით გამო-ნაცემ ჯერ ჟურნალ, შემდეგ კი გაზეთ „ივერიაში“, ჟურნალ „მო-ამბეში“ (1893—1905).

„ივერია“ გამოდიოდა ილია ჭავჭავაძის რედაქტორობით 1877 წლიდან თავდაპირველად როგორც ყოველთვიური ჟურნალი. მან იარსება თითქმის 33 წელიწადს. 1880 წელს ის უერთდება გაზეთ „დროებას“, გამოდის ი. ჭავჭავაძისა და ს. მესხის რედაქტორობით. წელიწადში ოთხჯერ, ხოლო 1882 წლიდან ილიას და ი. მაჩაბლის რედაქტორობით — თვეში ერთხელ. 1886 წლიდან „ივერია“ გამო-დიოდა ი. ჭავჭავაძის რედაქტორობით ყოველდღიურ გაზეთად 1902 წლამდე, როდესაც მისი რედაქტორობა გადავიდა ალ. სარაჯიშვი-ლის ხელში. ამ გაზეთმა სხვადასხვა პირთა ხელში იარსება 1909 წლამდე. იბეჭდებოდა 1900 წლამდე დაახლოვებით 1500 ცალი რაც მაშინ მცირე ტირაჟად არ ითვლებოდა.

საყურადღებოა ჟურნალ „ივერიის“ ყოველდღიურ გაზეთად გა-დაკეთების გარემოება. 1885 წ. გაზეთი „დროება“, რომელსაც 1883

¹⁾ „ლიტ. მემკვ.“ გვ. 563.

წლიდან (ს. მესხის შემდეგ) ივ. მაჩაბელი რედაქტორობდა „მაგარი მიმართულებისთვის“ მთავრობამ დაჰკეტა; ქართველი მკითხველი უგაზეთოდ ვერ დარჩებოდა და შეუდგნენ ახალი გაზეთის წამოღებას. ცემისთვის მზადებას. ილიამ აიღო სათანადო ნებართვა და დაიწყო თანამშრომელთა შეკრება. მაგრამ საჭირო იყო გაზეთ „დროების“ საქმეების ლიკვიდაცია. აი, როგორ მოგვიტხრობს ამ ამბავს „დროების“ მაშინდელი, თანამშრომელი, ს. მესხის ძმა — დავით (დათიკო) მესხი: „როცა „დროება“ აკრძალეს და ვანოს დიდი ვალები თავს დაატყდა, ილიამ ტფილისში ქართველ მოღვაწეთა მეთაურებს თავი მოუყარა და გამოუცხადა, რომ გაზეთის ვალებით ერთი ადამიანი არ უნდა დაიჩაგროს... საზოგადო საქმისთვის მომხდარი ზარალი საზოგადოებამვე უნდა აანაზღაუროსო. იმხანად მე იმერეთისკენ მივდიოდი და ილიამ დამავალა — ქუთაისში მენახა კირ. ლორთქიფანიძე... რომ იმერლებსაც გაელოთ წვლილი. კირილემ ქვა აისროლა, თავი შეუშვირა: ქუთაისში, იმერეთში ვის რა გააჩნია, ფულიანები იქ არიან და გადიხადონო. ილიას მივწერე ეს ამბავი და პასუხად ერთობ გულნატკენი წერილი მივიღე“¹⁾.

ბოლოს შეადგინეს მომავალი გაზეთის რედაქციაც, მიმართეს თანამშრომლობისთვის სხვადასხვა გამოჩენილ პირთა, სხვათა შორის, ნიკო ნიკოლაძეს, აკაკი წერეთელს. აკაკისა და ილიას ურთიერთობისათვის ფრიად დამახასიათებელია ის წერილი, რომელიც ილიამ გაუგზავნა აკაკის და ამიტომ ჩვენ მთლად მოვიყვანთ ამ საყურადღებო დოკუმენტს.

„5 იანვარი. 1886 წ.“

ძმავ აკაკი, მე შენ ვერ გაგიკადნიერდი და ვერ მოგართვი ის დაბეჭდილი წერილი, რომელიც სხვებს გავუგზავნე. სხვები სხვანი არიან და შენ ერთად-ერთი აკაკი ხარ. ამიტომაც, ვარდა ჩემის საკუთარის წადილისა, მოვალეობამ მამულისშვილობისამ მაიძულა ჩვენის ქვეყნის რჩეულისათვის რჩეული, განსაკუთრებითი წერილი მომერთმია და მეთხოვნა გაგემშვენიერებინა ჩვენი გაზეთი შენის ნიჭის ნაშუქითა. თუ აქამდე ეს წერილი დავაგვიანე, მაგას ნურც ჩემს განთქმულს ზარმაცობას მიაწერ, ნურც რომელსაჲ ავგუნებთან მოძრაობას ჩემის გულისას, რომელსაც შენ ყოველთვის სასიქადულოდ ეყოლები, როგორც უკეთესი მეომარი, ჩვენის ქვეყნის ბედნიერებისათვის თავ-განწირული. მიზეზი ის იყო, რომ არ ვიცოდე, სად იმყოფებოდი. ჯერ აქ შეგონე, ახალ წლის წინა დამეს მო-

¹⁾ დ. მესხი. მოგონებანი. „მნათობი“, 1935 წ. № 1, გვ. 156.

გიწვიე და პასუხად მომიტანეს, — ქალაქში არ არისო. დღეს ვე
ვიტყე, რომ ჩამოსულხარ და გწერ კიდევ.

გწერ და არ ვიცი, რა გთხოვო, და როგორ გთხოვო, რაკ ხანი
ჟურნალი „ივერია“ გამოდიოდა, შენ ძალიან შორს უფლებდით ქუ
ეკარებოდით: ეგ ჩემთვის თუმცა დასაკლისი იყო, მაგრამ საწყყნი
კი არაა, რადგანაც ვფიქრობდი, — იქნება ჩემი მიმართულება არ
მოსწონს-მეთქი. ეს ისეთი სამართლიანი საბუთია, რომ ვერა გონი-
ერი და პატიოსანი კაცი წუნს ვერ დასდებს, წინ ვერ აღუდგება,
სიტყვას ვერ შეუბრუნებს, რაკი ეს ვიგულისხმე, მეც „კისრად ვი-
ლე და დავდუმდი“.

დღესაც ამ ყოფაში ვარ შენ წინაშე, რადგანაც ჩვენს ახალ გა-
ზეთს იგივე მიმართულება ექნება, რაც ძველს ჟურნალსა ჰქონდა და
მეც იგივე, რაც უწინ, გულითადი წადილი მაქვს, რომ შენმა სა-
ხელმა დაამშვენოს ჩვენი გაზეთი; გული მერჩის გთხოვო შეგწეო-
ბა და გულის ხმათ აღებული საბუთი კი მაფრთხობს: ვაი თუ ეს
თხოვნა ზნეობითი ძალდატანება იყოს და იმ კაცს ჰოს თქმა გავუ-
ძნელო და არასიცა-მეთქი.

მე ჩემი სათქმელი გულახდილად გითხარი, გულახდილადვე ზედ
ვუმატებ, რო უშენობა ჩემის გაზეთისათვის დიდი დანაკლისი იქ-
ნება, ესლა შენ იცი. მაინც და მაინც გთხოვთ დარწმუნებული იყო,
რომ შემეწევი თუ არ შემეწევი, ორსავე შემთხვევაში, სხვათა შო-
რის, მეც ერთი გულწრფელი მადიდებელი და დამფასებელი შენის
25 წლის ღვაწლისა ვყოფილვარ, ვარ და ვიქნები.

შენის კეთილის მსურველი ილია ჭავჭავაძე.¹⁾

აკაკი წერეთელი, თუმცა ხარვეზებით, მაგრამ თანამშრომლო-
და ილიას გაზეთში და როგორც გ. ყიფშიძე მოწმობს, ჰონორა-
რი ფელეტონებრივ ეძლეოდა.

რედაქციის მდივნად მიიწვიეს სწორედ ეს ჩინებული მოქართულე
და ჟურნალ „იმედის“ ყოფილი თანამშრომელი — გრიგოლ (გიგა)
ყიფშიძე.

ივერიის“ პირველი ნომერი გამოვიდა 1886 წლის პირველ იან-
ვარს. ამ დროის გამოთქმული უნდა იყოს შემდეგი ექსპრომტი:

ამალამა იშვა ბავშვი,
ილიამ ჰრქვა „ივერია“,
მეტად დიდი გამოვიდა,
ხოწელიც ვერ მოერია.

„ივერია“ იყო კარგა ხნის განმავლობაში ერთადერთი პოლიტი-
კურ-ლიტერატურული ორგანო, რომლის ირგვლივ თავს იყრიდა.

¹⁾ გაზ. „სიტყვა და საქმე“, № 9, 1934 წ. ქუთაისი.

მოწინავე ქართველი ინტელიგენცია. მასში ხშირად მონაწილეობდნენ რედაქტორზე ბევრად უფრო მემარცხენეებიც (გ. ლასხიშვილი, ნ. ჟორდანიანი, მ. ცხაკაია). მასშივე დაიბეჭდა ე. ნინოშვილის საუკეთესო მოთხრობები: „უცნაური სენი“, „პალიასტომის ტანსაცმელი“, „არშიყნი“ (სამივე 1891 წ.) „სიმონა“, „ქრისტიანე“. საერთოდ, მთელი თავისი არსებობის განმავლობაში „ივერია“ წარმოადგენდა ოპოზიციის ორგანოს და ასეთად სთვლიდა მას ხელისუფლებაც (კავკასიის საცენზურო კომიტეტის 1892 წ. მოხსენება ადგილობრივი გაზეთების შესახებ). იგი, მართლაც ერთგულ დარაჯად ედგა ქართული ენას, სკოლას და სხვა უფლებებს და ამათრახებდა ყველას, ვინც ხელს უშლიდა ჩვენი დაცემული ვინაობის აღდგენას“.

ცენზურა სასტიკად ეპყრობოდა „ივერიას“. ამას მოწმობს ცნობები, თუ რამდენი სტატია აუკრძალავთ დასაბეჭდად. კავკ. საცენზურო კომიტეტის არქივში ამის შესახებ მრავალი ცნობაა, მოვიყვანთ ზოგიერთს.

1892 წ. მთლად აკრძალულია	16 სტატია
1894	71 „
1895	33 „

ამას უნდა დავუმატოთ, რომ 1896 წ. მთავრობის განკარგულებით „ივერია“ სულ აკრძალეს. ი. ჭავჭავაძემ დიდი მეცადინეობით მხოლოდ ათი თვის შემდეგ მოახერხა მისი განახლება (1897 წლის 17 იანვარს). გაზეთის დაკეტვის საბაბად გამოიყენეს ი. ეკალაძის მოთხრობა, რომელშიაც აწერილი იყო ცნობილი რექტორის ჩუდეცკის დროის სემინარიის უმსგავსი რეჟიმი, სემინარიელთა მოძრაობა და სხვა. უმაღლეს სასულიერო წრეებში ამას დიდი აღშფოთება გამოეწვია.¹⁾

აქვე უნდა მოვიხსენიოთ, რომ გ. წერეთლის „კვალი“ „ივერიის“ განახლებას დიდი სიხარულით შეხვდა. „მართალია ჩვენ ერთმანეთს ვკილავთ. მაგრამ ეს მოგვდის გულითადი გრძნობით, სიმართლის აღსადგენად... ვეგებებით სიხარულით „ივერიის“ განახლებას და იცოდეს, რომ მისი მწუხარება და სიხარული არის ჩვენი და ჩვენი ხალხის მწუხარება და სიხარული“.²⁾ სწერდა ჟურნალი.

თვითონ ილია არ იყო ჟურნალისტი ამ სიტყვის ვიწრო მნიშვნელობით. მას უფრო ფართო ამპლიტუდა, პუბლიცისტური გაქანება,

¹⁾ გ. ლასხიშვილი. მემუარები. გვ. 106—7.

²⁾ „კვალი“, 1897 წ. № 4, გვ. 95.

ჰქონდა, ვიდრე ყოველდღიური ხშირად ძალიან წერილობანი. აქ სენ-საციური ამბებისადმი ინტერესი. ილია გაზეთისთვის ბევრს სწავლიდა. მის კალამს ეკუთვნის „ივერიაში“ უამრავი მოწინავე წერილი: მიმოხილვები, ხან ხელმოწერით, ხან უმისოდ. მრავალი მოწინავე წერილია, თუ რა უდიდესი პასუხისმგებლობით ამუშავებდა იგი საგაზეთო მასალას, რაოდენ შრომას სწევდა იმ თავის წერილებზე, რომლებიც ქართული პუბლიცისტური ენის შედეგს წარმოადგენენ.

აქვე უნდა აღვნიშნოთ, რომ გაზეთი, ილია ჭავჭავაძეს, გარდა ზარალისა, მატერიალურად სხვას არაფერს აძლევდა და როგორც გ. ლასხიშვილი მოწმობს, ილია თავის ჯიბიდან ადებდა გაზეთს ფულს¹⁾.

1883 წ. ილიამ დასწერა ერთერთი თავისი შესანიშნავი ნაწარმოები—„განდევილი“, ხოლო 1887 წელს—უკანასკნელი თავისი შინაშენლოვანი მოთხრობა—„ოთარაანთ ქვრივი“, ეს ქანდაკებისებური ქმნილება, რომლის ტოლიც მე-19 საუკუნის ლიტერატურაში არ მოიპოვება. საინტერესო ცნობებს გადმოგვცემს ამაზე არტ. ლეისტის. „ოთარაანთ ქვრივი“ ილიას დაუწერია „ხუთ დღისა და ღამის განმავლობაში“. და ეს მაშინ, როდესაც ილია უკვე 50 წლისა იყო! საინტერესოა აგრეთვე, თუ როგორ აფასებდა ამ თავის შედეგს თვითონ ილია: „პირველ მოთხრობებში მე ვიბრძოდი გლეხების ნივთიერი თავისუფლებისთვის. ამ მოთხრობაში კი მე მიინდა გავლენა მოვახდინო მათს ზნეობრივ თავისუფლებაზეო“,—უთქვამს მას არტ. ლეისტისთვის.

გარდა ორიგინალური ნაწარმოებისა, ილია ჭავჭავაძე ბლომადაც სთარგმნიდა. ახალგაზრდობაში მან სთარგმნა პუშკინი, ლერმონტოვი, ჰეინე, გიოტე; ა. შენიე, ვალტერ-სკოტი. ტურგენევის ვარდაცვალების წელს (1883 წ.) მან სთარგმნა მისი „ლექსნი პროზად“, ილიამვე დაბეჭდა თავის ჟურნალ „ივერიაში“ ებერსის ცნობილი რომანი „რამეთუ კაცი ვარ“ (1878 წ.); თავისივე ნათარგმნი. მანვე გადმოთარგმნა დიდტანიანი ფრანგული რომანი ბუვიესი „იზა“ და მრავალი წერილი მოთხრობა—ესკიზები, რომელთა ერთი ნაწილი მოთავსებულია 1892 წ. ილიას თხზულებათა მესამე ტომში.

ილიას ნაწარმოებნიც ითარგმნებოდა ძველად სხვადასხვა ენაზე. მისი ლექსები, მაგალითად, სთარგმნა ტხორევესკიმ, აგრეთვე იბეჭდებოდა, როგორც ილია მოწმობს „ავტობიოგრაფიაში“, თარგმანები დიდ ჟურნალებში: „Русская Мысль“, „Живописное Обозрение“, „Вестник Европы“.

¹⁾ „მემუარები“, გვ. 105 და სხვა.

ივერია

1883

№ XII, დეკემბერი

— * —

თბილისი.
ექვთიმე სულაძის სტამბა.
1883

„განდევილი“ ინგლისურად ათარგმნა მარჯორი უოლდონი. შემდგომ ფრანგულად ელ. ორბელიანმა; გერმანული თარგმნები შესრულებულია ილიას მეგობრის არტ. ლეისტისაგან და დაბეჭდილი 1886 წ. ლიფცივს გამოცემულ კრებულში „გეორგიული კრებულები“ ეს კრებული მეორედ გამოვიდა დრეზდენში 1900 წელს. მე-20 საუკუნეში „Универсальная библиотека“-ს ცნობილმა გამომცემლობამ გამოუშვა „გლახის ნაამბობის“ რუსული თარგმანი (გ. და ვ. ჯაფარიძეებისა) პროფ. ალ. ხაანაშვილის წინასიტყვაობით და სხვა მრავალი. მაგრამ, სრული და რიგიანი კრებული ჩვენი პოეტის ნაწარმოებებისა რუსულად მხოლოდ ახლა, საბჭოთა პირობებში გამოდის.

ქართულად ილიას თხზულებანი მრავალჯერ გამოცემულა, თუმცა არასრულად. 1891 — 92 წლებში ქართველთა გამომცემელმა ამხანაგობამ დაბეჭდა ილიას მხატვრული ნაწერები ოთხ ტომად, ხოლო 1914 წელს გამოვიდა მიხ. გედევანიშვილის ცნობილი გამოცემა: წ. კ. გამაერც. საზოგადოება ხშირად ბეჭდავდა სასკოლოდ ილიას ცალკე ნაწარმოებთ. 1925 წლიდან „ქართულმა წიგნმა“ გამოსცა მისი ნაწარმოებნი (პუბლიცისტურიც) ათ ტომად, მაგრამ დაუბეჭდავი კიდევ ბლომად დარჩა. ილია ჭავჭავაძის თხზულებათა გამოცემის საქმე ახლა უკვე საიმედო ხელშია და ჩვენ მივიღებთ 5 დიდ ტომად მის თხზულებათა სრულ კრებულს, როგორც მხატვრულს, ისე პუბლიცისტურს.

გარდა ზემოხსენებულისა, ილია ჭავჭავაძე ეწეოდა — სარედაქტორო-საგამომცემლო მუშაობასაც. „ავტობიოგრაფიაში“ იგი აღნიშნავს: „ვიღებდი მონაწილეობას „ვეფხისტყაოსნის“ ტექსტის აღმდგენელ კომისიაში (გ. ქართველიშვილის 1888 წ. გამოცემისთვის. ქ. რ.). აგრეთვე შემდეგთა თხზულებათა რედაქტორობასა და გამოცემაში: „ლექსნი“ ვ. ორბელიანისა — ამ ლექსებს დართული აქვს ჩემი წინასიტყვაობა და ძველებური ქართული მოთხრობა „ვისრამიანი“.

ბარემ აქვე მოვიხსენიებთ ილია ჭავჭავაძის ფსევდონიმებს, რომლებითაც იგი სწერდა სხვადასხვა დროს. ეს იყო: *** (სამი ვარსკვლავი), რომელსაც იგი აწერდა თავის პოეტურ ნაწარმოებს საკუთარ ჟურნალში; გარდა, ამისა, მისი ფსევდონიმებია — ლარიძე, ფირუზა. მ. ჯიმშერიძე, ზუმბერიძე და ახალ-მოსული.

ილია ჭავჭავაძე და უარყოფელიობა ჩვენში. „იმედის“ ჯგუფი ილია და ტეტიათა მოტრფილენი. ილიას გავლენა ფართო ფენებში. ილიას ობილეს გადახდის განზრახვა.



70-იანი წლებიდან ჩვენში თავს იჩენს მცირე ჯგუფი რევოლუციურად განწყობილი ახალგაზრდობისა, რომელიც როგორც იდეურად, ისე ორგანიზაციულად რუსეთის რევოლუციურ ნაროდნიკებთან არის დაკავშირებული. თვითონ რუსეთში „სოციალ-რევოლუციური პარტიის“ მუშაობაში, რომელსაც მოჰყვა „ნაროდნაია ვოლიას“ დაარსება, ფრიად აქტიურ მონაწილეობას იღებდნენ ქართველებიც (გიორგი ზდანოვიჩი, ივ. ჯაბაძარი, ციციშვილი და სხვანი, რომელნიც გაასამართლეს ეგრეთწოდებული „50-ის პროცესით“). მიუხედავად ამისა, თვითონ საქართველოში ნაროდნიკები უფრო ერთეულებს წარმოადგენდნენ.

როგორც ს. მესხის კერძო წერილებიდან ჩანს, სამოციანი წლების მოღვაწენი ქართველ ნაროდნიკებს დაცინვით „კოსმოპოლიტებს“ უწოდებდნენ. ს. მესხი აღნიშნავს: ისინი „დროების“ პარტიას „აზნაურების პარტიას“ გვეძახიან. თქვენ აზნაურების მხარე გიჭირავთ და არა უბრალო ხალხისაო, ფეოდალები ხართო! არ გეცინება... რომ ამასაც კი გეწამებენ, რომ ამას აბრალებენ „დროებას“ და სხვა.¹⁾

უეჭველია, ნაროდნიკები ზემოხსენებული აზრისანი იყვნენ მთელი მესამოციანი წლების მოღვაწეებზე და არა პარტო „დროებაზე“. მესამოციანნი პირველ რიგში აყენებდნენ საქართველოს ეროვნულ პრობლემას, რომლის გადაწყვეტისათვისაც ჰქადაგებდნენ ეროვნულ მთლიანობას. კლასთა ბრძოლა მათ საქართველოს განთავისუფლებისთვის ბრძოლის ხელისშემშლელად მიაჩნდათ. ამ აზრს ბევრგან გამოსთქვამს ილია ჭავჭავაძე და ცხადია, რაკი ამ ნიადაგზე იდგა, იგი ვერ შეხედებოდა თანაგრძობით მათს იდეებსა და საქმიანობას. 1881 წლის მიმოხილვაში (ტ. VI, 117 — 135) ილია ეხება „მამათა და შვილთა“ ბრძოლას, რუსეთში აღჩენილ უარყოფელიობას. იგი აქებს ჩერნიშევსკის დროის „სოვრემენიკს“, უწოდებს „სახელოვანს“ ჟურნალს, რომლის მიერ „ძველის უარყოფას დამჯდარი ჰკუთა და მეცნიერება წინ მიუძღვოდა და ახლის მესვეურობა თავმინებებული არ იყო“. როდესაც თავი იჩინეს ტურგენივის ბაზაროვისთანა უარისყოფელებმა, „სოვრემენიკმა“, „თავის მოძ-

¹⁾ ჩემი წერილი „ს. მესხი“, „ლიტ. მემკვიდრეობა“, 458—66.

მედ არ მიიღო და ითაკილა“, „მიზიდველმა, ლამაზად მოუბარმა, მაგრამ ხელსუბუქმა ახალგაზრდა მწერალმა პისარევმა კი დაზარა-
ვი გულში ჩაიკრა და თავისიანად მიიჩნიაო“. ჩვენ არ უნდა გე-
ყვეთ ამ განუკითხავ უარყოფელობას. ქეშმარიტი ლიტერატორისა
ისაა, რომ დავიცვათ „ჩვენი დაცემული ვინაობა“, ჩვენი
„ფეხზედ დაყენება და დაცვა ყოველის მოსალოდნელის ფათერა-
კისაგან“ ამ ვინაობისა. ეს მიმართულებაა, რომელსაც ემსახურე-
ბოდნენ „საქართველოს მოამბე“, „მნათობი“, „დროება“ და ბო-
ლოს „ივერიია“.

აშკარა ლიტერატურული შეტაკება სამოციანი წლების მოღვა-
წეებსა და ხალხოსანთა ერთ ჯგუფს შორის მოხდა მაშინ, როდეს-
საც გამოვიდა ყოველთვიური ჟურნალი „იმედი“ (1881—83 წ.
მის. გურგენიძის რედაქტორობით).

„იმედი“ იყო ქართველი რაზნოჩინცების, ანუ, როგორც აკაკი
წერეთელმა დაცინვით უწოდა, „დიაკნისშვილების“ ორგანო. მასში
თანამშრომლობდნენ: სტ. ჭრელაშვილი, ნიკო ხიზანაშვილი (ურ-
ბნელი), სოფრ. მგალობლიშვილი, გრიგოლ ყიფშიძე, ლ. ასათიანი,
ძველებიდან — ანტონ ფურცელაძე.

„იმედი“ ეკამათებოდა, ერთის მხრივ, „დროებას“. მეორე მხრივ,
„ივერიას“ და მის რედაქტორ ილია ჭავჭავაძეს. მისი პოზიცია არ
იყო სავსებით გარკვეული, თუმცა ორი ტენდენცია აშკარად ეტყო-
ბოდა: გლეხური დემოკრატიზმი, რომლის გამოც „იმედის“ ჯგუფს
„ტეტიათა მოტრფიალენი“ შეერქვა და მეორე მხრივ — პოლიტი-
კურ და საგანმანათლებლო საკითხებთან ერთად ეკონომიური სა-
კითხების წინწამოწევა.

ილია ჭავჭავაძე, ყოველთვის დიდი სიმპატიით ეპყრობოდა გლე-
ხობას და თითქმის არც ერთი უარყოფითი ტიპი არ ჰყავს გლეხთა-
გან გამოხატული. მაგრამ იგი მაინც შორს იყო „ტეტიათა ტრფია-
ლისაგან“. იგი მონატრული იყო ჩატეხილი ხიდის გამთელებისა და
არჩილს ათქმევინა „ოთარაანთ ქვრივში“: „ჩვენ (ე. ი. თავად-აზნა-
ურობა) დაბლანდულნი ვართ, ისინი კი გვირისტი შეკერილნი“...
გიორგისთანა კაცური კაცი მხოლოდ მათ (გლეხებს) თონეში ცხეე-
ბაო. მაგრამ ილიას არასოდეს არ დაუსახავს იდეალად ის ცხოვრება,
რომელსაც, მარქსის სიტყვებით რომ ვთქვათ, ჰქმნის წვრილ მესა-
კუთარული სოფლის ცხოვრების იდიოტიზმი, თავისი წვრილმესაკუთ-
რულივე ინტერესებით.

„მე გლეხკაცს გუშინდელ ბაღსავით კი არ შევხარი, — ანგე-
ლოზია-მეთქი, ამბობს არჩილი. მე ვსინჯავ, მე ვჩხრეკავ და, რო-
გორც ჰკუადამჯდარი მგლოვიარე, დავტირი ჩემს დაკარგულს ნახე-

ილიას და გავაცანით საქმე. ილია თანაგრძნობით მიეგება ხელოსანთა საზოგადოების დაარსების იდეას, მიუბრუნდა და უთხრა მისას:

— მშვენიერი აზრია. დროა, კაცო, მოაშორეთ ჩარჩები მუშახელოსანს და მომხმარებელსაც. მხოლოდ ერთი რამ არ შეიძლება: თქვენს წესდებაში: იქ სულ ხელოსანთა უფლებებზეა ლაპარაკი, ხელოსანთა ვალეობაზე კი არაფერია. სადაც უფლებაა, იქ მოვალეობაც უნდა იყოსო. სათანადო შესწორება შევიტანეთ წესდებაში და, რამდენიმე საათის შემდეგ, ნასიამოვნები ილიას კარგი მიღებითა და საინტერესო ბაასით, ტფილისში დავბრუნდით“¹⁾.

ეს ის „ხელოსანთა კავშირ-ამხანაგობა შრომა“, რომელზედაც ლაპარაკობს თვითონ მისა ჩოდრიშვილი. როდესაც არტელის წესდება ისე შეიცვალა, რომ იქ არახელოსნებსაც შეეძლოთ შესვლა; მის წევრებად ჩაწერილან: ილია ჭავჭავაძე, ანტ. ფურცელაძე და სხვანი.²⁾

იგივე მისა ჩოდრიშვილი მოგვითხრობს, რომ 1878 წელს ქართველი „ნაროდოვოლცების“ ჯგუფს გამოუცია რევოლუციური ფურცელი, რომელშიაც, საქართველოს სახელმწიფოებრივი აღდგენაც ყოფილა მოთხოვნილი. ჯგუფის ერთერთ წევრს ვასილ რცხილაძეს ფურცლები გასავერცელებლად გადაუცია მ. ჩოდრიშვილისთვის. თანაც უთხოვნია: ერთი ფურცელი ილია ჭავჭავაძეს წაუღე, გავიგოთ, რა შეხედულებისა იქნება იგი ამ საგანზეო. რადგან ილია უკმაყოფილო დარჩენილა ფურცლის შინაარსისა, ვ. რცხილაძესაც, მისი გავრცელება შეუჩერებია.³⁾

90-იანი წლების დამლევამდე ილია ჭავჭავაძის ავტორიტეტი და გავლენა ფრიად დიდი იყო. სხვათა შორის, 1898 წლის ნოემბერში გადასწყვეტეს გადაეხადნათ ილიასთვის 40 წლის სალიტერატურო მოღვაწეობისა და დაბადებიდან 60 წლისთავის იუბილე. აირჩიეს საიუბილეო კომიტეტი და იუბილეს დღედ დანიშნეს 1898 წლის 24 მაისი. მაგრამ იგი არ გამართულა, რადგან ილია ჭავჭავაძემ უარი სთქვა იუბილეზე. ამ დროს გამოვიდა მ. ნასიძის წიგნაკი („ილია ჭავჭავაძე. ბიოგრაფიული და კრიტიკული ეტიუდი“), რომელსაც აწერია: „მომზადებულია 24 მაისისთვის, როდესაც ქართველობას უნდა გადაეხადნა ი. ჭავჭავაძის ორმოცის წლის მოღვაწეობის იუბილე“.

1) „მემუარები“, გვ. 80—81.

2) „ჩემი თავგადასავალი“, 1927 წ. სახელგამი, გვ. 115—117.

3) იქვე, გვ. 91—93.

ილია ჭავჭავაძე 90-იან წლების დამლევს. ილიას აზრი კერძო და საზოგადო საკუთრებაზე. ილიას საუბარი პროფ. ი. ჯავახიშვილთან. ოპერაციებზე. ილია და მე-19 საუკუნე. შეტაკება მესამე დასვლელთან.

90-იანი წლების დამლევებიდან ილიას ხშირი შეტაკება და ცხარე პოლემიკა ჰქონდა ლეგალური მარქსიზმის მოღვაწეებთან. ეს უკანასკნელნი ილია ჭავჭავაძეს დაეტაკნენ, უპირველეს ყოვლისა, როგორც ძველი თაობის უდიდეს ავტორიტეტს. და ილია, მიუხედავად თავისი ხანდაზმულობისა, კვლავ გამოცოცხლდა და ლომივით, თავგამოდებით იბრძოდა ყველა იმ იდეათათვის, რომლებიც მისთვის სანუკვარი იყო.

სადაო კი ახალ თაობას ძველთან ბევრი რამ ჰქონდა. 95-იანი წლების დამლევს ილიას უკვე კარგად ესმოდა კაპიტლიზმთან დაკავშირებულ ზოგიერთ ახალ მოვლენათა მნიშვნელობა. წინააღმდეგეულგარიზატორ-„სოციოლოგებისა“, ილია ჰქადაგებდა რა „გუთნისა და ხმლის“ თეორიას, „გუთნად“ ჰგულისხმობდა საერთოდ შრომას და არა მარტო სოფელს. კერძოდ 1897 წელს ეს თავისი აზრი ილია ჭავჭავაძემ შესანიშნავად ჩამოაყალიბა ერთერთ თავის დიდი ექსპრესიით დაწერილ სტატიასში („რა გითხრათ, რით გაგახაროთ?“). წარსულზე იგი ამბობს: „წავიდა ის დრო: დაჩლუნგდა ხმალი, გაუქმდა ვაჟკაცობა. ეხლა ხმალი თაროზე უნდა შევდვათ, აღარაფრის მაქნისია. ეხლა ან ადლი უნდა გვეჭიროს ხელში, ან გუთანი, ან ჩარხი ქარხნისა, ან მავთულეები მანქანისა. ეხლა ვაჟკაცობა ომისა კი არ უნდა, რომ სისხლსა ჰღვრიდეს, ვაჟკაცობა უნდა შრომისა, რომ ოფლი ჰღვაროს, კიდევ ვიტყვი, ქვეყანა ეხლა მისია, ვინც ირჯება და ვინც იცის წესი და ხერხი გარჯისა, ვინც უფრო უფროთხილდება ნაშრომს, ვინც იზოგავს ნაღვაწს“¹⁾.

მაშასადამე, ილია ჭავჭავაძეს კარგად ესმოდა „ქარხნის ჩარხის“, ე. ი. კაპიტალიზმის განვითარების მნიშვნელობა, აგრეთვე მნიშვნელობა „შრომისა“ და „გარჯისა“.

ჩვენში გაბატონებულია აზრი, თითქოს ილია ჭავჭავაძე მედგარი დამცველი ყოფილიყოს კერძო საკუთრების პრინციპისა ყველგან და ყოველთვის. ეს არ არის მართალი. ილია უფრო ფაქტს აღნიშნავს: „კერძო საკუთრება, სამართლიანად თუ უსამართლოდ, ჩვენდა საბედნიეროდ თუ საუბედუროდ, ჯერ კიდევ დიდხანს იქნება დიდს

1) ტ. VI, გვ. 12.

პატივში და მის სარბიელზე აღმოძრეობა, ერთმანეთზე შეხვევა, ვინც გინდა იყოს, იაფად არ დაუჯდებაო“¹⁾).

მაგრამ ეს კერძო საკუთრება მას არ მიაჩნია სამართლის იდეალად. პირიქით, მას კარგად ესმის უდიდესი მნიშვნელობის მიწის „სამსოფლო“ მფლობელობისა და მისი უპირატესობა „საკომლოსთან“ შედარებით. ამ საკითხს ეხება ილია ერთ პატარა, მაგრამ ფრიად საყურადღებო სტატიაში 1880 წელს. ამ წერილს სათაურად აქვს — „ძველი საქართველოს ეკონომიური წყობის შესახებ“²⁾.

აქ ილია ქავეჭავაძე ჯერ აღნიშნავს: „ჩვენი ქართლის ცხოვრება“ ხალხის ისტორია კი არ არის, მეფეთა ისტორიაა და ხალხი კი, როგორც მოქმედი პირი ისტორიისა, ჩრდილშია დაყენებული, თითქოს ხალხის ისტორიის შესამეცნებლად საკმაოა კაცმა იცოდეს მარტო მეფეთა ისტორია“. შემდეგ ილია აყენებს საკითხს: როგორ გაუძლო ქონებრივად, ეკონომიურად საქართველომ იმ უამრავ გაპარტახებას, აოხრებას, რომლებიც ჩვენი ისტორიიდან ვიცითო და უპასუხებს: იმითი, რომ „მიწა“, ესე-იგი მამულ-დედული, ცოტად თუ ბევრად უფრო სამართლიანად მორიგებული ყოფილა ჩვენს ხალხში, ვიდრე სადმე სხვაგან“.

რა იყო ამ წყობის თავისებურება, ი. ქავეჭავაძის აზრით?

„ჩვენს ეკონომიურ წყობაში ორგვარი მდინარეობა იყო, როგორც ყველა სხვაგან: ერთი სამსოფლო და მეორე საკომლო. პირველი მიიზიდებოდა ისე, რომ სოფლის წრეში ყოფილი მამულები, მიწა, მინდორი, ტყე, საზოგადო, სამსოფლო ხმარებაში ყოფილიყო (ხაზი ჩვენია. ქ. რ.), მეორე ისე, რომ ყოველივე ეგენი განსაკუთრებულიყო. თუ საკომლო ფებს გაიდგამდა და გავრცელდებოდა, მაშინ განსაკუთრებას მიწისას, და, მაშასადამე, უსწორ-მასწორობას მიწისმფლობელობაში ფართო გზა გაეხსენებოდა, და თუ სამსოფლო გაძლიერდებოდა, მაშინ იმ უსწორ-მასწორობას გზა შეეკვროდა“.


ამისი ბრალიაო, ამბობს ილია, რომ „ტყისა და მინდვრის განსაკუთრება ყოველად შეუძლებელი იყო და დღესაც აქამომდე ჩვენის ხალხის გონებაში ვერა თავსდება ის აზრი, რომ ტყე და მინდორი საკუთრება იყოს ვისიმე და არა სამსოფლო“. საქმე მაშინ წახდა, როდესაც ამ წესს გადაუხვიეს: „გაიდგა ფეხი განსაკუთრებამ და კომლეთულობამ, ჩამოვარდა უსწორ-მასწორობა მიწის მფლობელობაში არამცთუ კომლთა შორის, არამედ სოფელთა შორისაცო“³⁾.

¹⁾ ტ. IX, „ნოთუ“, გვ. 190.

²⁾ ტ. V, გვ. 201-4.

³⁾ იქვე, გვ. 204.

ილიას რომ ძალიან ეინტერესებოდა კოოპერატიულ-არტელური საწყისი ჩვენს ეკონომიკაში, ამას მოწმობს ის ფაქტი, რომელზეც უკვე ვახსენებდეთ. ტივიცემულმა პროფესორმა ივანე ჯავახიშვილმა გადმოგვცემს შემდეგ ფაქტებს, ილია ქავეჭავაძეს, როდესაც ის ჩავიდა პეტერბურგს, როგორც



ილიას სახლი საგურამოში

სახელმწიფო საბჭოს არჩევითი წევრი, ერთერთი შეხვედრისას უთქვამს ივ. ჯავახიშვილისთვის: მე გადაწყვეტილი მაქვს დავწერო წიგნი კოოპერაციაზე და საამისო მუშაობას უკვე შევუდექი. მე მაინტერესებს, იყო თუ არა ამის მსგავსი რამ ჩვენს წარსულშიო. როდესაც ივ. ჯავახიშვილს უპასუხნია, რომ საამისო ისტორიული ფაქტები საკმაოდ მოიპოვება, ილიას უთხოვნია: იკისრეთ თქვენ ამ საერთო წიგნისთვის ისტორიული ნაწილის დაწერაო. ეს ყოფილა 1907 წ. ზაფხულს. პროფ. ივ. ჯავახიშვილი დათანხმებულა ხსენებული შრომის შესრულებას, მაგრამ რამდენიმე თვის შემდეგ ილიას უკვე განუგვირეს გული ქართველი ხალხის მტრებმა.

დასასრულ, ილიას მსოფლმხედველობის ნათელსაყოფად გავიხსენებთ კიდევ ერთ მის სტატიას. ეს არის სტატია „მექხრამეტე საუკუნე“, რომელშიაც ილია ქავეჭავაძე აჯამებს ხსენებული საუკუნის შედეგებს. ეს შეჯამება თითქოს შეჯამებაა ილიას მთელი 40 წლის მოღვაწეობისა, აგრეთვე დასახვაა მომავალი პერსპექტივებისა. ამომომ ჩვენ მოვიყვანთ შედარებით ვრცელ ამონაწერს ამ წერილიდან.

რომელიც ამომწურავად ახსიათებს ილიას მსოფლმხედველობის მთელ სირთულეს.

„ვინ მოსთვლის ყველა იმ სიკეთეს, რომელიც მეცხრამეტე საუკუნეში შექმნიდა კაცობრიობას, ამბობს ილია. ერთი დიდი და სახელოვანი საქმე მეცხრამეტე საუკუნისა, სხვათა შორის, ის არის, რომ მაგარს საფუძველზე დააყენა და ფრთა გააშლევინა იმ კაცთმოყვარულს მოძღვრებას, რომ ყოველი ადამიანი, რა წოდებათა კიბის საფეხურზედაც გინდ იდგეს, მაინც ადამიანია, და ვითარცა ადამიანი — ყველასთან თანასწორი, თანასწორად შესაწყნარებელი და გულ-შესატკივარი. მართალია, ამ მოძღვრების დასაბამი დიდის ხნისაგან მოდის, მაგრამ ამ საუკუნემ ეს მოძღვრება განადიდა, გააძლიერა, გააფართოვა და, დაუდგა რა მეცნიერული საბუთი, ღარიბთა და უძლურთა სამწეო მოძღვრებად გარდაქცია. ამ მეცხრამეტე საუკუნემ სოციალურის წყობილების იდეალად გამოსახა გაუქმება-ქონებისა და შემოსავლის მეტ-ნაკლებად განაწილებისა ადამიანთა შორის, გაუქმება ყოველის კლასობრივის ბატონობისა და, შეძლებისამებრ, ყოველის კლასობრივი სხვადასხვაობისა, ფეხზე წამოყენება და ხელშეწყობა გამრჯელი და მშრომელი კლასებისა წარსაზღაბებლად... ამ გზაზე წინა საუკუნეებს ერთად იმოდენი არა უქმნიათ-რა, რაც ამ ერთმა მეცხრამეტე საუკუნემ ჰქმნა თვისდა პატივის მოსახსენებლად... მაგრამ ბედნიერება კი შორს არის. დღეს ღარიბსა და მდიდარს შორის, ძლიერსა და უძლურს შორის უფრო დიდი ზღვარი არის, ვიდრე ოდესმე ყოფილა, და აქ არის იგი სიმწვავე იმ ტკივილისა, რომლის მორჩენაც მეცხრამეტე საუკუნემ უანდერძა აწ მომავალს საუკუნეს. მეცნიერება, ადამიანის გონების წინსვლა, ზნეობის აღმატება, — ჯერ ბევრს სხვას კიდევ ძლიევამოსილობით მოიქმედებს. მაგრამ ამ მეცხრამეტე საუკუნის ანდერძზე უალრესს და უდიდესს საგანს სხვას ვერას აღმოაჩენს და არ გაუთვალისწინებს კაცობრიობას დღეის ამას იქით“¹⁾.

ერთი რამ კიდევ. ილია ქავჭავაძე, როგორც ჩანს, იცნობდა მარქსსა და მის მოძღვრებას. ნ. ჟორდანიასთან კამათის დროს იგი ბევრჯერ აღნიშნავს მარქსისადმი თავის პატივისცემას და უწოდებს მას „სახელოვანს“. ეს მისი ეპიტეტი ისე დამახასიათებელია, რომ მოვიყვანთ ილიას თხზულებათა IX ტომიდან სათანადო ამონაწერებს.

„განა იგი „კაპიტალი“, ამბობს ილია, რომლის ახსნასაც სახელოვანმა მარქსმა სამი ტომი თხზულება მოანდომა და

¹⁾ ტ. VI, გვ. 5—8.

ეს საყველ-პუროდ ხსენებული „კაპიტალი“ ერთი და იგივეა? (გვ. 141). „ჩვენებური ბანკი და იგი დაწესებულება, რომელიც განაგებს სახელმწიფო შესავალ-გამოსავალს, ისე შორს არიან ერთმანეთზე, როგორც უმეცარი ჟორდანია და მეცნიერი მარქსი“ (გვ. 143). ასევე ლაპარაკობს ილია მარქსის შესახებ 131 — 132 გვერდზე და სხვაგან.

ასეთი იყო ზოგადად 90-იანი წლების დამლევის ილია ქავჭავაძე. მას იმედი ჰქონდა „ადამიანის გონების წინსვლისა“ და „ზნეობის აღმატებისა“, მას ასეთივე უტოპიური იმედები ჰქონდა ქართველი ხალხის კლასობრივი ჰარმონიისა. და აი, ლეგალური მარქსიზმი, თუმცა გაუბედავად, მაგრამ მაინც მუშაობს „მარქსიზმის იდეების გაცნობის, შესწავლის და გავრცელების საქმეში!..“¹⁾ ილიას კლასთა ბრძოლის იდეის ქადაგება თავისი ქვეყნისთვის მანებლად მიაჩნია და ცხარე პოლემიკას ეწევა ამ ქადაგების წინააღმდეგ. რასაკვირველია, ამ ბრძოლაში იგი განწირულია დამარცხებისთვის, რამდენადაც მისი „კლასთა ჰარმონიის“ იდეები უტოპიური და ჩამორჩენილი იყო. მესამე დასელებთან შეტაკებამ ილია ქავჭავაძის ავტორიტეტი შეარყია. მოდიოდა ახალი ძალა, პროლეტარიატი და ძველ თაობას გზა უნდა მიეცა ახალი ძალებისთვის.

მაგრამ იყო ზოგი საკითხი, რომლებშიაც ილია ქავჭავაძეს უფრო სწორი და მემარცხენე პოზიცია ეჭირა, ვიდრე „მესამე დასის“ ლეგალურ მარქსისტებს. ასეთი იყო, მაგალითად, ჩაგრულ და კოლონიურ ერთა საკითხი. მესამე დასის წარმომადგენელი „ნოე ჟორდანია... ჯერ კიდევ 1898 — 1899 წ. წლებში... იცავდა კაპიტალიზმის ცივილიზატორული მისიის იდეას კოლონიური და ჩამორჩენილი ქვეყნებისთვის... ინგლისისა და ბურების ომთან დაკავშირებით ნ. ჟორდანია აშკარად ჰქადაგებდა სოციალ-იმპერალისტურ თეზისს“²⁾.

ილია ქავჭავაძე კი ყოველი ჩაგრული ერის მოსარჩლე იყო და ილაშქრებდა „ევროპის დიდი და პატარა ონაგრების“ წინააღმდეგ, „მილიტარობის“ წინააღმდეგ — ირლანდიის, სპარსეთის, აზიისა, ოსმალეთის სომეხთა და სხვათა დასაცავად. გადაათვალიერეთ ილიას თხზულებათა X ტომი და ამაში ადვილად დარწმუნდებით.

რათა მოვითავოთ ლაპარაკი 90-იან წლებზე, საჭიროა აქ მოკლედ გავიხსენოთ, თუ რა პოზიცია ეჭირა ილია ქავჭავაძეს ტფილისის ქა-

¹⁾ ლ. ბერიძე. „ამ. კავკ. პოლემიკური ორგანიზაციის ისტორიის საკითხის-ივის“. 1935 წ. გვ. 60.

²⁾ იქვე, გვ. 28—29.

ლაქის საბჭოს („დუმის“) არჩევნების დროს და რა ბრძოლას უწოდებდა იგი ხსენებულ დაწესებულებაში ქართველი ხმოსნების გასაყენად.

საქალაქო თვითმმართველობა ტფილისში შემოიღეს 1876 წელს. წინათ კი ქალაქის საქმეებს განაგებდა მოურავი და ადმინისტრაცია. საქალაქო დებულება ჰგულისხმობდა ხმოსნების არჩევას ეგრეთწოდებულ „საბჭოში“ (დუმაში). საარჩევნო ხმით სარგებლობდნენ მხოლოდ ისინი, ვინც ტფილისში უძრავი ქონების პატრონი იყო. ქონების სიდიდის მიხედვით ამომრჩევლები დაყოფილნი იყვნენ სამ კატეგორიად: პირველი ორი კატეგორიისაგანი (რიცხვით ყველაზე ნაკლებნი) ირჩევდნენ ყველაზე მეტს, ხმოსანთა ორ მესამედს, დანარჩენნი, შედარებით უმრავლესობა, — ერთ მესამედს. რადგან ტფილისში უძრავი ქონების პატრონი უმთავრესად სომხის ბურჟუაზია იყო, ამიტომ ხმოსანთა უმრავლესობა ყოველთვის მისგან შედგებოდა. მაგალითად, 1876 წელს 76 ხმოსანს შორის ქართველი იყო მხოლოდ 8; 1882 წ. ამავე რიცხვში — 4 ქართველი, 1886 წელს — 6 ქართველი და 57 სომეხი. ამავე 1886 წელს ტფილისში ხმის უფლება ჰქონდა სულ დაახლოვებით 4508 კაცს და ამაში ქართველი მხოლოდ 425 იყო, თუმცა ეს ციფრი არ შეეფერებოდა ეროვნებათა რიცხვობრივ შეფარდებას.

თავდაპირველად ცენზიან ქართველობასა და სომხობას შორის ურთიერთობა ნორმალური იყო და 1876 წელს ქალაქის თავად დიმიტრი ყიფიანიც კი აირჩიეს. მაგრამ მდგომარეობა თანდათან გართულდა. ტფილისის ცენზიანმა ქართველობამ და ინტელიგენციამ მოინდომეს თავისი რიცხვის შესაფერისი ადგილი მოეპოვებინათ ქალაქის საბჭოში და ამნაირად ქალაქის თვითმმართველობის საქმიანობაში მონაწილეობა მიეღოთ. დაიწყო საამისო აგიტაცია, რომელსაც მალე ნაციონალისტური ხასიათი მიეცა. სომხის ბურჟუაზიის წარმომადგენლებმა უფრო მაგრად ჩაკეტეს თვითმმართველობის კარი. ქართველმა ამომრჩევლებმა მხოლოდ 1890 წელს მოახერხეს 22 ქართველის გაყვანა; არჩეულ იქნენ, სხვათა შორის — ილია ჭავჭავაძე, ნიკო ნიკოლაძე, მ. მაჩაბელი, ვლ. მიქელაძე, მაგრამ ამან უფრო გაამწვავა მდგომარეობა. შემდეგ არჩევნებში, 1893 წ. 1897, 1900 და 1903 წ. ქართველი ამომრჩევლები მუდამ მარცხდებოდნენ. 1893 წელს გააშვეს ისეთი კანდიდატები, როგორნიც იყვნენ: ილია ჭავჭავაძე, გ. წერეთელი, ნ. ნიკოლაძე და სხვანი.

„ივერია“ და მისი რედაქტორი ამ საარჩევნო ბრძოლაში დიდ მონაწილეობას იღებდნენ. მდგომარეობა იმდენად გამწვავდა, რომ მას ნაციონალური შუღლის ხასიათი მიეცა, თუმცა ბრძოლაში ორივე ერის მხოლოდ ზედაფენები იღებდნენ მონაწილეობას. ილია ჭავჭა-

ვამე ფრიად გაცხარებული პოლიციის დროსაც ყოველთვის ხაზს უსვამდა: ჩვენ ვილაშქრებთ „სომხის ცრუბენტელა“ „ლიბერალურისა“ და „მწიგნობართა“ წინააღმდეგ და არა სომხის ერის წინააღმდეგ, რომელსაც ვუსურვებთ „ბედნიერად ცხოვრებას, მაგრამ ისე, როგორც სხვისი ბედნიერებაც იწამონო“ და სხვა.



ილიას კაბინეთი ტფილისში

ამ ბრძოლის დროს როგორც ქართველთა, ისე სომეხთა წრეში იყვნენ მორიგების მომხრენი („ცნობის ფურცლის“ ჯგუფი და „კვალი“ — გ. წერეთლის სახით). სომეხების მხრივ გაზეთ „თარაზის“ ჯგუფი და სხვანი, მაგრამ ეგრეთწოდებული „დვორცოვიე ნომერას“ ჯგუფი (სომხის პლუტოკრატია) შეურიგებელი აღმოჩნდა და მთელ ამ გაწამაწიას პირველად მხოლოდ 1905 წელმა მოუღო ბოლო.

XV

ილიას ივადმყოფობა 1900 წელს. ილია საზღვარგარეთ.

1900 წელს ილიამ დაიწყო ხშირი ავადმყოფობა — აწუხებდა გული. ნიკოლოზ ჯანდიერმა, რომელმაც (იმ დროს ახალგაზრდა ექიმმა) ილია ერთერთი შემოტევის დროს გასინჯა, შემდეგი გადმოგვცა:

თვე დანაშდვილებით კი არ მახსოვს, მაგრამ მგონი 1900 წლი-
ოცნისის დამდეგი იყო. მე მაშინ პროვინციიდან ჩამოსული ვიყავი
საქმეების გამო საგუბერნიო ექიმ ქიქოძესთან. მასთან ერთად
შეშფოთებული ნიკო ცხვედაძე და უთხრა: ილია საგურამოსში
გახდა და ექიმი ვერ მიშოვნია, რომ წავეყვანოო. რადგან თვითონ ქი-
ქოძეს არ შეეძლო, მე მომცა წინადადება სასწრაფოდ წავეყოლოდი
ნ. ცხვედაძეს. რასაკვირველია, სიამოვნებით დავთანხმდი. ჩაველით
საგურამოში. ილიასთვის გულის ავადმყოფობის შეტევას უკვე გაველო
და შედარებით უკეთ იყო. ჩვენ რომ მივედი, იქ იყვნენ ველიჩკო
თავისი მეუღლით და არტ. ლეისტი. ველიჩკო ბევრს ლაპარაკობდა
და, როგორც შევატყე, ილიას აწუხებდა. დამახასიათებელია ერთი
დეტალი. ველიჩკომ რიდაცის გამო დაცინვით მოიხსენია ვანო მა-
ჩაბელი. თვალდახუჭულად მწოლიარე ილიამ ქართულად მითხრა:
ნაგას ჰგონია, მაგით მასიამოვნებს. თუ ღმერთი გწამს, მომაშორე
როგორმეო. მე ვუთხარი იქ მყოფთ, რომ ავადმყოფისათვის საჭი-
როა დასვენება და ყველანი გავიდნენ. ღმერთმა გიშველოს, ახლა
კი გამსინჯეო, მითხრა ილიამ.

დავუწყე გულმოდგინედ სინჯვა. მას ჰქონდა ეგრეთწოდებული
გულის ასთმა და სკლეროზი. ილია დინჯად მაკვირდებოდა და
მითხრა:

— ნუ მეტყვი კატეგორიულად, ასე მოიქეც, ისე მოიქეც. ამიხსე-
ნი დაწვრილებით, თუ რად არის საჭირო ესა თუ ის რეჟიმი. მხო-
ლოდ მაშინ შემიძლია დაგიჯერო და დაგემორჩილო, თუ მეც კარგა
მექნება გაგებული მაგ რეჟიმის აუცილებლობაო. მე მაშინ 4 დღეს
დავრჩი საგურამოს. სხვათა შორის ილიას ჰყავდა იქ ოთახის ძაღლი,
რომელიც ძალიან ახალისებდაო, დასძენს ექ. ნ. ჯანდიერი.

ილიას განსაკუთრებით შეუყვარდა საგურამოს ყოფნა მას შემ-
დეგ, რაც იქ ძველი უხეირო სახლის მაგივრად 1894 წელს ააგო
ქვითკირის მოზრდილი სახლი. არტ. ლეისტი ასე გადმოგვცემს ამ
ამბავს: „ყმაწვილური აღტაცებით... მითხრა: ისე მოხარული ვარ ამ
საქმის კეთილად დაგვირგვინებისა, ამ მშვენიერი სახლისა, თითქოს
ჩემს სიცოცხლეში ამის მეტი არა გამეკეთებინოს რა.

— დიად, ეს სახლი ერთ კარგ ლექსადა ღირს, მეტად არა! მი-
ვუგე მე.


— მეტად არა? ღიმილით მკითხა ილიამ.

— რასაკვირველია! პირიქით, მე მგონია, თქვენი „მწუხრი ალაზ-
ნის ველზე“¹⁾ უფრო მეტად ღირს. როცა ამ სახლისა ქვაც კი აღარ

¹⁾ „საქ. გული“, გვ. 36. ზემოხსენებულ ლექსად, ალბათ, იგულისხმება
„კაკო ყაჩაღის“ შესავალი.

დარჩება. ეს მშენებელი ლექსი მაშინაც მოხიზლავს როგორც ქართ-
ველს. ისე უცხოელსა-მეთქი“.

ექიმებისა და მეგობრების რჩევით ილია ქაქავაძე 1900 წლის
ივნისში გაემგზავრა საზღვარგარეთ საექიმოდ. მან მოინახლა
ნიუ-იორკი და ავსტრია, ბერლინში კი ეჩვენა პროფესორ
გორც მაშინდელ დიდ ავტორიტეტს. „ბერლინიდან ილია სალად და-



ილიას სამუშაო ოთახი საგურამოში

ბრუნდა, გადმოგვცემს ა. ლეისტი, მაგრამ არ ასრულებდა იმ რე-
ჟიმს, რომელიც პროფესორმა ლეიდენმა დაუნიშნა... სიბერისგან
განკურნება ილიას შეუძლებლად მიაჩნდა და ხშირად იმეორებდა
შოთა რუსთველის სიტყვებს, სიბერე უკურნებელი ჭირიაო“¹⁾.

ბერლინში ილიას, სხვათა შორის უნახავს ბერლინის უნივერსი-
ტეტის პროფესორი კარლ ლემან-ჰაუპტი, წინააზიის ისტორიის გა-
მოჩენილი მკვლევარი. ხსენებული პროფესორი 1898 წელს ყოფი-
ლა საქართველოში, სწევდოდა საგურამოში ილიას და თავისი შთაბეჭ-
დილებანი დაუბეჭდია ჯერ ჟურნალ „Die Hilfe“-ში, მერე ვრცელს
მოგზაურობის აღწერაში კავკასიიდან ირან-მესოპოტამიაში. არტ-

¹⁾ „საქართველოს გული“, 31.

ლეისტის სიტყვით, ლემან-ჰაუპტი „წრფელის მეგობრობის გოდნი-
ბით იყო ილიასადმი გამსჭვალული. ილიას ტრაგიკული სიკვდილის
შემდეგ მან მოათავსა ბერლინის ერთ-ერთ დიდ გაზეთში „საქართველო“
ნეკროლოგი. ილიას პიროვნებისა და მოღვაწეობის შესახებ მანვე
ცნობები დაბეჭდა ერთ თავის წიგნში“. 1).

პროფესორი ლემან-ჰაუპტი ჩვენში იყო, უკვე ღრმად მოხუცე-
ბული, ფაშისტური გერმანიიდან გამოდევნილი, 1936/7 სასწავლო
წელს იგი წინააზიის ისტორიაზე ლექციების წასაკითხავად მოიწვია
ტფილისის უნივერსიტეტმა. შესავალ ლექციაში მან სიყვარულით
გაიხსენა ილიასთან შეხვედრა როგორც აქ, საგურამოში, ისე ბერ-
ლინში.

ილიას ნაამბობის მიხედვით ა. ლეისტი შემდეგს გადმოგვცემს:
ილია „დიდი ცნობისმოყვარეობით ათვალეირებდა და უკვირდებო-
და გერმანელების ცხოვრებასა და კულტურას, მათი ყოველი წვრილ-
მანი იქცევდა მის ყურადღებას. მაგრამ დიდილი სამშობლო სა-
ქართველო ძლიერ იზიდავდა თავისკენ. უცხოეთიდან დაბრუნებულ
ილია, როცა ტფილისს მოუახლოვდა, ისე მოხიბლული იყო საყვარე-
ლი ქალაქის ხილვით, რომ თვალეზზე ცრემლი მოადგა. ამას გან-
სვენებული ილია სრულიად მოურიდებლად მიამბობდა ხოლმე და
თანაც დასძენდა: ყმაწვილობაშიაც გამომიცდია ნალველი სამშობ-
ლოს მოშორებისა, მაგრამ არა ისე ძლიერი, როგორც ახლა, მო-
ხუცებულობის დროსაო“.

ილია ამის შემდეგ მხოლოდ ორ წელიწადს მუშაობდა „ივერი-
აში“ და რამდენიმეჯერ გაიელვა მისმა სატირიკულმა და პოლემი-
კურმა კალამმა (არჩილ ჯორჯაძის, ი. გომართლის წინააღმდეგ და
სხვა). მალე ილია ჩამოშორდა გაზეთს და გადასცა იგი ალ. სარა-
ჯიშვილს: შემდეგ ცოტა ხანს ეს გაზეთი იყო გ. ყიფშიძის, მერე
ფ. გოგიჩაიშვილის (1905—6 წ.), ბოლოს კი კ. თუმანიშვილის
ხელში.

გაზეთს ჩამოშორებული ილია ლიტერატურულ-საზოგადოებრივ
ცხოვრებაში ვეღარ იღებდა წინანდელ მხურვალე მონაწილეობას.
მას ერთგვარი სულიერი მოღლილობა დაეტყო, რაც, ალბათ, ფიზი-
კური დაავადების (გულის ავადმყოფობის) შედეგიც იყო. ასეთ
მდგომარეობაში უსწრო მას 1905 წელმა და პირველმა რევოლუ-
ციამ.

1) „საქართველოს გული“, 31.

ილია ჭავჭავაძის წერილი პეტერბურგის სტუდენტებს. ილია და 1905 წ. რევოლუცია. ილია და ეურნალი „საქართველო“. ილია და საქართველოს პოლიტიკური ავტონომია. თავად-აზნაურობის წინააღმდეგ ილიას სიტყვა აგრარულ საკითხზე. ილია და რევოლუცია. ილია და მწვავე ფორმები. ილია და საგურამო. ილია მკაცრად ჰკმობს თავად-აზნაურთა შავ რაზმს. ილია და გურიის ამბები. ეანდარმერიის აზრი ილია ჭავჭავაძეზე.

ილია ჭავჭავაძის მსოფლმხედველობის დასახასიათებლად მნიშვნელობა აქვს ერთ წერილს, რომელიც მიმართულია პეტერბურგის ქართველი სტუდენტებისადმი. 1897 წელს, როდესაც კუნძულ კრიტოსზე ბერძენთა ეროვნულ-განმათავისუფლებელი მოძრაობის მეთაურებმა თურქების მპყრობელობის წინააღმდეგ აჯანყება მოახდინეს, პეტერბურგის სტუდენტებში დაიბადა აზრი მოხალისედ წასულიყვნენ აჯანყებულ ბერძენთა მისაშველებლად. მათ ეინტერესებოდათ ამ საგანზე ქართველი მოღვაწეების აზრი და, რჩევა უკითხავთ ილია ჭავჭავაძის, გ. წერეთლისა და სხვებისათვის. ილია ვრცლად უპასუხებს პეტერბურგელ სტუდენტებს. იგი არ ურჩევს სტუდენტებს შორს წასვლას. თქვენ აქ, ჩვენთვისვე ხართ საპირონო. მაგრამ გზადაგზა ილია გამოსთქვამს ფრიად საყურადღებო აზრებს. ჯერ-ერთი, ის აღნიშნავს „იმ ბრწყინვალე და დიდებულ გულთაძგერას, რომლის ღაღადის წინაშე აღტაცებით და სასოებით მუხლი უნდა მოიდრიკოს ყოველმა რიგიანმა კაცმა. მე მივხვდი დავიწამე, რომ ამ კეთილშობილებით აღსავსე გულთაძგერამ აღმოგიშობათ სურვილი ქება-დიდებათ მიმართოთ ჩაგრულთა, რომელთაც თავი გამოიდეს ხსნისათვისო“. მერე ილია დასძენს: „კაცთა საუბედუროდ, დღევანდელი დღე, მუშტისა ძალა, ხნავს აღმართსა. მით უფრო საქება-სადიდებელია უღონო ჩაგრულთა მოქმედება. მე არ ვეჭვობ, რომ დრო მოვა, თავის უფლებად და სამართალი, რომლის სახელით დღეს ბერძენი გამოდის, დაემჯობინება მთელ სპალახვარსა და წინაშე მათთა ხმას გაიკმენდს თოფი და ზარბაზანი 1).

და აი, ასეთი რწმენის პატრონი ილია. შეესწრო 1905 წლის რევოლუციას, როდესაც ქართველმა გლეხობამ და პროლეტარიატმა თვითმპყრობელობასთან ბრძოლაში უდიდესი რევოლუციური ენერგია გამოიჩინეს. ქვეშაირიტად, სწორედ მაშინ შეიძლებოდა ილიასივე

1) ეურნ. „ნიშადური“, 1908 წ. № 59.

სიტყვები გვეთქვა: „ხალხი აზვირთდა, ხალხი აღსდგა, ხალხი მოქმედებს, კასპიის ზღვიდან შავ ზღვამდინა ერთ ფიქრსა ფიქრობს და ეს ფიქრია ჩვენი ქვეყნის თავისუფლება“.

როგორ შეხვდა პოეტი ამ მოძრაობას? მას ჯერ კიდევ უნდა გაზრდობაშივე კარგად ესმოდა რევოლუციის მნიშვნელობა. „რევოლუცია დაწყნარების სათავეა — ამბობდა იგი „მგზავრის წერილებში“ — ესეა ყოველიფერი ამ ქვეყანაზე: ღვინო ჯერ უნდა ადუღდეს, დაიროს და მერე დაწმენდება ხოლმე“. ჩვენ ვიცით, რომ მან შესანიშნავი ლექსით გამოიტერა პარიზის კომუნის დაცემა 1871 წელს. 1905 წ. პირველ ხანებშიც ილიას ფრთა შეესხა. მან ყური სცქვიტა, როგორც ძველმა მებრძოლმა და გაიფიქრა: აი, დგება დრო, როდესაც უნდა განხორციელდეს ჩემი და ჩემი მოხვედის წადილი — „ჩვენი თავი ჩვენვე უნდა გვეყუდნესო“.

ფრთად საყურადღებო ამბავს გადმოგვცემს ძველი მოღვაწე თედო სახოკია თავის მოგონებაში ილია ჭავჭავაძეზე. 1903 წელს პარიზში გამოვიდა ქართველი ავტონომისტების (შემდგომ სოციალისტ-ფედერალისტების) არალეგალური ორგანო „საქართველო“. თედო სახოკია, პეტრე ყიფიანი და ვალ. გუნია სწვევიან ილიას საგურამოს, გაუცვნიათ ჟურნალი „საქართველო“, მისი მიზნები და უთხოვნიათ შუამდგომლობა ცნობილი მრეწველის დავ. სარაჯიშვილის წინაშე ფინანსური დახმარებისთვის. ილიას ძალიან გახარებია ეს ამბავი და უთქვამს:

„ბედნიერი ვარ, რომ მოვესწარ იმ დროს, რომ ჩემი ახალგაზრდობის, შუახნის კაცობისა და, ბოლოს, მოხუცებულობის ნატვრამ ხორცი უნდა შეისხას; რომ მოვესწარ იმ დროს, როდესაც საქართველოს განთავისუფლების საკითხი საზღვარგარეთ ლაპარაკისა და აზრთა აღებმიცემობის საგნად გაუხდიათ. ვინ უწყის, შორს არ იყოს ის წუთიც, ოდეს ვიხილოთ ჩვენი ქვეყანა საკუთარ ფეხზე ბღვარი... მე იქნება ვერ მოვესწრო ამ ბედნიერ დღეს, მაგრამ თქვენ ძაინც მოგასწროთ“¹⁾.

1905 წელს ძველ მოღვაწეთაგან ილია ჭავჭავაძე პირველი ვაჭედულად მხარს უჭერს საქართველოს ტერიტორიული ავტონომიის მოთხოვნას. ინტელიგენციის გავლენით ეს საკითხი დგება ტფილისის; თავად-აზნაურთა კრებაზე. საჭიროდ მიაჩნდათ მეფისადმი — ძიმართულ ადრესში ჩართვა ავტონომიის მოთხოვნისა. ამ საგანზე 1905 წ. 31 მარტს გამართული კრება ისეთი მღელვარე იყო, რომ

¹⁾ თ. სახოკიას მოგონება ი. ჭავჭავაძეზე. იბეჭდება — „მნათობის“ № 5-ში.

თავმჯდომარემ დახურა იგი. ამის შემდეგ იქვე დაიწყო თავად-აზნაურთა კრების მონაწილეების და ინტელიგენციის წარმომადგენელთა თათბირი, ილია ჭავჭავაძის მონაწილეობით. თათბირმა აირჩია კომისია, რომელსაც დაავალა ავტონომიის, სხვადასხვა ტერიტორიულ მოთხოვნათა შესახებ რეზოლუციის შემუშავება. ამ კომისიაში შედიოდნენ: ილია ჭავჭავაძე, ვას. ყიფიანი, გრ. დიასამიძე, ვას. რცხილაძე, ს. ვახვახიშვილი, მიხ. გედევანიშვილი და ა. ყანჩელი. კომისიამ იმ დღესვე შეიმუშავა სათანადო მუხლები და მეორე დღეს, 1 აპრილს წარუდგინა თავად-აზნაურთა კრებას. აქ კვლავ გაიმართა კამათი და შეხლა-შემოხლა. კრების ერთი ნაწილი — მიხ. მაჩაბლის მეთაურობით, ამტკიცებდა: რუსის მეფეებს ყოველთვის უყვარდათ საქართველო, ახლა სეპარატიზმის, რუსეთისგან ჩამოშორების გზას აღვებით; ამით ჩვენ ვაწყენინებთ მთავრობასაც და რუსის ხალხსაც. მაგრამ ილია ჭავჭავაძის ავტორიტეტულმა სიტყვამ გასჭრა და კრებამ მიიღო წარმოდგენილი პროექტი ადრესისა.

მოწინააღმდეგეებმა გადაწყვეტილება განასაჩივრეს: კრებას არა აზნაურნიც დაესწრნენ და ამიტომ მისი გადაწყვეტილება უკანონოა. მაგრამ ატმოსფერო უკვე ისეთი იყო, რომ ასეთი ხრიკებით ვეღარას გახდებოდნენ.

რა იყო მოთხოვნილი ილია ჭავჭავაძის მხურვალე მონაწილეობით მიღებულ ადრესში? ეს იმდენად საყურადღებოა და ილიას იმდროინდელი პოზიციისათვის იმდენად დამახასიათებელი, რომ მოვიყვანთ მიღებული ადრესის სათანადო ადგილს:

„სახელმწიფოს საერთო სარგებლობა და საჭიროებანი თავად-აზნაურობას, ნათქვამია იქ, აიძულებს გამოსთქვას თავისი რწმენა, რომ ქართველი ხალხის კულტურული განვითარება შესაძლებელი იქნება მხოლოდ მაშინ, თუ საქართველოს, რომელმაც ნება-ყოფლობით შეუერთა თავისი ბედი რუსეთის ბედსა, მიენიჭება უფლება იქონიოს საკუთარი მართვა-გამგეობა და კანონები, წარმომადგენელთა ადგილობრივი კრებისაგან შემუშავებული და გამოცემული და თუ ამ კრებისათვის წარმომადგენლები საყოველთაო, პირდაპირის, საიდუმლო და ყველასათვის თანასწორი კენჭისყრით იქნებიან ამორჩეულნი“¹⁾.

საინტერესოა ამ ადრესის ფინალი. შინაგან საქმეთა სამინისტრომ ტფილისის გუბერნატორის საშუალებით ოფიციალურად შეატკი-

¹⁾ „ივერია“, 1905 წ. № 43, 2 აპრილი. იმ დროს „ივერიის“ რედაქტორად ფ. გოგიჩაშვილი იყო.

ბინა თავად-აზნაურთა საკრებულოს: ჩვენ შეუძლებლად უნდა იმპერატორისთვის მოგვეხსენებინა თქვენი აღრესი და დაუფრთხილად.

საყურადღებოა აგრეთვე ილიას გამოსვლა, იმავე წლის 6 მარტს თავად-აზნაურთა კერძო თათბირზე. გლახობის ავრკვევასთან დაკავშირებით უკვე მწვავედებოდა და ლაპარაკი იყო სწორედ ამ საგანზე. ილია ქავექავაძემ ამ კრებაზე წარმოსთქვა სიტყვა, რომელიც დაბეჭდილია „ივერიის“ 8 აპრილის ნომერში (N 20), რასაკვირველია. შემოკლებით. ილია 9 მარტის ნომერში ასწორებს თავის სიტყვის ჩანაწერს. ჩვენ ამ საყურადღებო სიტყვას მოვიყვანთ გაზეთისა და — ილიას შესწორების მიხედვით.

„ივერიაში“ ეკითხულობთ: „ილია ქავექავაძე ამტკიცებს, რომ მიზეზი გლახაკთა მოძრაობისა სულ სხვა გარემოებაში უნდა ვეძიოთო და მოჰყავს რამდენიმე მაგალითი იმ უსამართლობისა, რომელიც მთავრობამ ჩაიდინა. „სახელმწიფოს ბევრი ადგილ-მამული აქვს, რომელიც მთავრობამ ჩვენს ქართველ გლახს წაართვა, სხვა ტომის ხალხს მისცა და ზედ დაასახლაო... ბარიათინსკის დროს ჩვენ გვითხრეს, გლახები განათავისუფლეთ, ადგილ-მამული მიეცით და ჩვენ ორი მილიონი დესეტინა გვაქვს და იმას მოგცემთო. ჩვენ მაშინ კჳუა არა გვქონდა და ამაზედ არ დავთანხმდით. ეს იყო ჩვენი დიდი შეცდომა და ეხლა უნდა გამოვასწოროთ. ჩვენ უნდა მოვითხოვოთ მთავრობისაგან ეს ადგილები. ჩვენ ვიცით, რომ ქართველი გლახაკი ვერსად ვერ წავა, როგორც რუსი და სხვა ტომის ხალხსა სხადის. ის მიჯაქულია იმ მიწაზე, რომელიც მისი სისხლით არის მორწყული და ეს სისხლით მორწყული ადგილები ქართველ გლახს უნდა მიეცეს და არა გადმოსახლებულსო. ჩვენს გლახს ადგილი არა აქვს, რომ თონე ჩაადოს, იმის გვერდით კი გაშენდა გოლიციხო, სვეჩინო, ვორონცოვკა და სხვა მრავალი სოფელი. სახელმწიფოს აქვს დიდი ადგილები შავი ზღვის ნაპირებზე, სადაც სხვა ტომის ხალხს ასახლებენ. მოგვცენ ეს ჩვენგან წართმეული ჩვენი მიწა-წყალი, რომელიც ახლა ხაზინასა აქვს დაჩემებული და რომელსაც ყველას ურიგებს, ქართველს გარდა და მაშინ იქნება ზოგმა ჩვენგანმა დაუთმოს გლახაკს თავისი ადგილებიდან... ისიც შესაძლოა, იმისთანა გლახაკნიც გამოჩნდნენ, რომ თვით მოინდომონ ჩვენი ქვეყნის სახაზინო მამულებში გადასახლება და დბინაგება, ოლონდსაკმაო მიწა-წყალი აუჩინონ და ის მზრუნველობა გაუწიონ, რასაც უცხოელებს უჩენენ, როცა ქართველის სისხლით მორწყულ მიწებს ურიგებენ. ჩვენ უნდა მოვითხოვოთ ეს, უნდა ავუსხნათ მთავრობას, რომ თუ არა ამ გზით, გლახაკობის მოძრაობას ვერც ძალა, ვერც შემამულებების მხრივ დათმობა, ვერაფერი შეაჩერებს. აი ჩემი აზრი.

ბოლოს ილიამ სთქვა: „ნუთუ ჩვენ არ შეგვიძლიან მოვითხოვოთ, რომ კანონები ჩვენთვის, რომლებიც ახლა პეტერბურგში იწერება ადგილობრივ იწერებოდეს? ჩვენი ქვეყნისთვის უკეთესი კანონები უნდა იწერებოდეს ჩვენი ქვეყნისთვის. მიერ არჩეულ წარმომადგენელთა კრებულისაგან—მე ამას ვამბობ და კიდევაც ყველგან ვიტყვი“.



კაკლის ხე საგურამოში

ილია მონაწილეობდა აგრეთვე მრავალ სხვა კრებასა და თათბირებში. კერძოდ იგი დაესწრო 1905 წ. 10 თებერვალს ქალაქის ხმოსანთა კერძო საგანგებო კრებას, რომელზედაც იყვნენ პრესის და უპარტიო ინტელიგენციის წარმომადგენელი. კრების მსჯელობის საგანი იყო სომეხ-თათართა შეტაკება ბაქოში. ილია ჭავჭავაძეს აქ შეაქვს წინადადება: მომხდარი სამწუხარო ამბების გამოსაკვლევად დაინიშნოს გამომძიებელი საგანგებო კომისია, რომელშიც შევა 1 სომეხი, ერთი მაჰმადიანი და ერთი სამოსამართლო ხელისუფლების წარმომადგენელი. ამ კრებაზედვე აირჩიეს დელეგაცია (ილია ჭავჭავაძე, ალ. შელიჭიშვილი და ქ. ვერმიშვილი), რომელიც უნდა წარდგომოდა მეფის ნაცვლის მოადგილე ჯენ. მალაშას სომეხ-თათართა შეტაკების შესახებ მოსალაპარაკებლად¹⁾.

¹⁾ „ივერია“, 1905 წ. № 22.

საყურადღებოა აგრეთვე ერთი მაშინდელი კრება, გამართული 10 ივნისს ილია ჭავჭავაძის თავმჯდომარეობით. „ივერია“ ამ ამბის/ ასე გადმოგვცემს: „მაჰმადიანებს და ქართველებს შეერთებულნი და ჰქონდათ საადგილ-მამულო ბანკში. თავმჯდომარეობა ი. ჭავჭავაძე, ამხანაგებად: მემელ-ბეგ აბაშიძე, ვაზ. „კასპის“ რელაქტორი ბ-ნი თოფჩიბაშევი, მდივნად ვ. ყიფიანი. კრებას უნდა განეხილა მაჰმადიანთა და ქართველთა პეტიციები და შეემუშავებინა საერთო შეთანხმებული მოქმედების გეგმა; პეტიციების განხილვის დროს გამოიჩინა, რომ ქართველებისა და მაჰმადიანების უფლებრივი შეხედულება თვალსაჩინოდ განსხვავდება ერთიმეორისაგან. მაგალითად, მაჰმადიანები თხოულობენ ცენზურა და ფუძნებულ საარჩევნო უფლებას, ქართველები კი უარჰყოფენ ცენზურას. მაჰმადიანები ცდილობენ წოდებრივ უფლებებისა და უპირატესობის დატოვებას, ქართველები კი წოდებას უარყოფენ და წოდებრივი პრივილეგიების მოსპობას მოითხოვენ“¹⁾.

მ. თოფჩიბაშევი კრებაზე ასაბუთებდა, თუ რატომ იცავენ მაჰმადიანები საარჩევნო ცენზურას. ქართველი ნაწილი, რასაკვირველია, არ დაეთანხმა მას, თუმცა ზოგადი ხასიათის რეზოლუცია მიიღეს და ერთმანეთთან კავშირის საქროება აღიარეს.

მაგრამ რევიოლუცია თანდათან ძლიერდებოდა, განსაკუთრებით კი აგრარული მოძრაობა. ამ უკანასკნელს ზოგ ადგილას მწყობრი და ორგანიზებული ხასიათი ჰქონდა, მაგალითად, გურიაში, ზოგჯერ კი, კერძოდ ქართლში, იგი უფრო სტიქიური იყო. გახშირდა მემამულეთა რბევა, სახლ-კარის ვადაწევა და მკვლელობანი. ამან ძლიერ შეაფიქრიანა ინტელიგენციის მოზრდილი ნაწილი. ილია ჭავჭავაძეც ძალიან შეშფოთდა: ილია, მქადაგებელი წოდებათა მოსპობის ნიადაგზე ჩატენილი ხიდის გამთელების საქიროებისა, ქართველი ერის სახსენლად კლასთა ჰარმონიისა, მოწმე ვახდა იმისა, როდესაც ამ გამთელებისთვის არა თუ არავინ ზრუნავდა, არამედ კლასი კლასის წინააღმდეგ აღსდგა, იღვრებოდა სისხლი და საქმე იარაღს უნდა გადაეწყვიტა.

ილია ჭავჭავაძე პირველ ხანებში აღფრთოვანებული, იმედმოცემული და თითქოს გაქაბუკებული — ახლა მწარედ დაფიქრებულია. მისთვის თითქოს მახლობელი და სანუკვარი იყო რევიოლუციის მიზნები, მაგრამ მიუღებელი გახდა მეთოდები.

¹⁾ „ივერია“, № 98, 1905 წ.

„ნუთუმი“ ილია ჭავჭავაძე სეველიანად, მაგრამ გულახდითადად ამბობს: „იქნება მე ვცდებოდე, მაგრამ ამაზე კი, იმედია, ყველა დაშეთანხმება, რომ ეს დღევანდელი ამბავი დიდ-მიზეზიანია, დიდად გასაფხიზლებელი, დიდ-ფათურაკიანი... ეს დიდ-მიზეზიანია ხისგების საგანია და ამ პასუხისგების შიშ-ქვეშ თვით გლენკაცობის წინაშე, დღევანდელ მოძრაობას თავი იქით უნდა უბრუნოს კაცმა, საითკენაც ჯერ არს და არა იქით, რომ ერთმანეთს მივცის იოთ და ციხე-სიმაგრე ჩვენ ი-ჩვენ ვე ში ვ-ნი-ლამ გავტეხოთ. ამას თხოულობს არამცთუ სიკეთე და ბედნიერება ჩვენი ქვეყნისა საერთოდ, არამედ გლენკაცობისაც საკუთრივ“¹⁾.


მოძრაობის სტიქიურმა ხასიათმა შეაშფოთა არა მარტო ილიას ტიპის მოღვაწენი. იმხანად გაზეთებში დაიბეჭდა ქუთაისის ინტელიგენტთა და თავად-აზნაურთა პიმართვა სწორედ ამ ხასიათისა. ისინი მოუწოდებდნენ პარტიებს, რომ ხელი შეეშალნათ „ძალმომრეობის, სისხლისღვრისა, გადაწვიხა და ერთმანეთის უღელისთვის“ და იმედს გამოსთქვამდნენ: „შეგნებული პარტიები არ იქნებიან მომხრე ძმების გადაბტერებისა და ერთმანეთის წვა-უღელით ხალხის ძალღონის შესუსტებისაო“. ამ მოწოდებას ხელს აწერდნენ მაშინ ცნობილი მოღვაწეები: იას. ბაქრაძე (შენიშვნით), სილოვან ხუნდაძე, დავ. მესხი, კირ. ლორთქიფანიძე, პროფესორი ვასილ პეტრიაშვილი, დავით ავალიანი, მოსე ქიქოძე, სამს. ყიფიანი, სიმ. ქვარიანი, იას. ნიკოლაიშვილი, გრ. გველესიანი, ს. ჯაფარიძე და სხვანი პრაქტიკურად, სულ 140 კაცი.

იმავე ხანებში იბეჭდებოდა სოციალ-დემოკრატების — ვლ. დარჩიაშვილისა და ივ. გომართლის წერილები „ივერიაში“. თავისი წერილის ერთერთ განმარტებაში ივ. გომართელი ამბობს: „რა აზრისა ც უნდა ვიყო წოდებათა ურთიერთ დამოკიდებულების შესახებ, დღევანდელ დღეს მაინც ერთ წოდებას მეორეს არ მივუხვევდი, რადგან ეს იქნებოდა ჩემივე ხელით ჩვენის ხალხის ყელის გამოჭრა და ყალბ გზაზე შეყენებაო“²⁾.

ილია ნაღვლიანად შესცქეროდა რევოლუციური ბრძოლის შუგავე ფორმებს. ეს ფორმები ბუნებრივი იყო იმ აუტანელი ჩაგვრის შემდეგ, რასაც გლენობა განიცდიდა თავად-აზნაურობისაგან, რომელიც ქართლში განსაკუთრებით ძლიერი იყო. მაგრამ ილია ჭავჭავაძემ ეს ვერ დაინახა და გულისტკივილით აღნიშნავდა: „მოვა

¹⁾ ტ. IX, გვ. 191.

²⁾ „ცნობის ფურცელი“, 1905 წ. 15 მაისი.



ილია ჭავჭავაძე 1906 წ.

დრო და ყველა ეს საზღაურად გაუხდება უიმისოდაც მიწასთან გასწორებულს და წყალწადებულ გლეხკაცობასო“¹⁾.

1906 წლის 2 თებერვალს ილია სწერს თავის მოურავს: „მოსე, შენ მხოლოდ ეცადე მშვიდობიანად მოელაპარაკო (გლეხებს) და ცეცხლს წყლის მაგიერ ნათი არ დაახა. დღესა თუ ხვალ დაწყებულ დღებთან, იმიტომ, რომ მაგისტანა ამბავს ბოლო მოელება, ნებით იქნება თუ ძალით“. მეორე წერილში იგი ეუბნება იმავე მოურავს: „წინათაც მოგწერე და ეხლაც გწერ, რომ ეგ ამბავი, რაც მანდ არის, ძთელ საქართველოშია მოდებული. შენ, როგორც გეტყობა, ცოტა არ იყოს, შეგშინებია... შენ მანდ ვერას გერჩიან... იმიტომ რომ ეგენიც ადამიანები არიან, ჭკუა და გონება აქეთ: ადამიანს საავკაცოდ არ გაიმეტებენ, რადგანაც იციან, რომ კაცის გაფუჭებას ვერავენ შეარჩენს“.

გავიხსენოთ აგრეთვე ბარათი, რომელსაც ილია უგზავნის მოურავს 1905 წლის მარტში, როდესაც საგურამოს რაიონს მთავრობის ჯარი მოველინა. როგორც გამოირკვა, ეს ჯარი გამოუთხოვნია თავის მამულში გენერალ სტაროსელსკის. ილია ამის შესახებ სწერს მოურავს: „მოსე, თუ ვინიცობაა მანდ საგურამოში ჯარი მოვიდა, შენ თვითონ ჩადი და ვინც უფროსია, ჩემ მაგიერ სთხოვე, ხალხი არ დააწიოკონ, ჩვენ თვითონ მოვრიგდებით-თქო. თუ მინცდამინც თავისი არ დაიშალონ, მაშინვე ფაეტონი გამომიგზავნე, მე თვითონ ამოვალ და მე თვითონა ვთხოვ უფროსს, მანდ არა იმოქმედონ-რა და ხალხი ტყუილ-უბრალოდ არ გააფუჭონ“¹⁾.

ილია ქავეჯავაძე მუდამ გლეხებთან მორიგების მომხრე იყო და სადაც კი იმ ხანებში საჯარო გამოსვლა მოუხდა, ყველგან ამას ჰქადაგებდა. 1905 წ. რევოლუცია, დეკემბრის აჯანყების დამარცხების შემდეგ, ძირს რომ დაექანა, თავად-აზნაურობის ერთმა ნაწილმა გადაძლიერა მოქმედება ეგრეთწოდებული „შავი რაზმისა“. ეს რაზმი წინათაც არსებობდა, მაგრამ აშკარად გამოსვლას ვერ ჰხედავდა. ახლა კი, რაკი რეაქციის სუსხი დაიწყო, რაზმის იდეოლოგები სააშკარაოზე გამოვიდნენ. მეფის ნაცვალმა ეორონცოვ-დაშკოვმა ამ რაზმს სახაზინო თოფები დაურიგა. ისედაც გამწვავებულ მდგომარეობას რაზმის არსებობა ძალიან ართულებდა. იმ ხანებში გაიმართა დიდი თათბირი რაზმთან დაკავშირებული საკითხების გადასაწყვეტად. და აი, ამ კრებაზე ილია ქავეჯავაძემ ენერგიულად, მკაცრად

¹⁾ ტ. IX, გვ. 202.

²⁾ ამ დროის პირადი წერილები მოგვყავს გრ. ყიფშიძის მიერ დაწერილი ბიოგრაფიიდან (გედევანიშვილისეული გამოცემა). წერილების დედნები დაცულია მწერალთა მუზეუმში.

დაპგმო რაზმის ხელმძღვანელნი და ერთერთი მისი „იდეოლოგი“
თავისი ძველი მოწინააღმდეგე ბანკოვიადის დროიდან — მიხეილ მა-
ჩაბელი.

ქართული
საზოგადოებრივი

თათბირის დამსწრე არჩ. ჯაჯანაშვილი ამ ამბავს
გვცემს: „თაბირი გაიმართა თავად-აზნაურების დეპუტატთა საკრე-
ბულოში. თავმჯდომარეობდა თავად-აზნაურთა წინამძღოლი (მარ-
შალი) კამერ-იუნკერი გ. ბაგრატიონ-დავითაშვილი. მიხეილ მაჩა-
ბელმა ის იყო დაამთავრა შავი რაზმის აპოლოგია, რომ უკანა რი-
გებში, სადაც „უცენზო“ საზოგადოება შეჯგუფდულიყო, ჩოჩქოლი
დაიწყო. ხალხი ორად გაიყო და გზა დაუთმო ილია ჭავჭავაძეს, რო-
მელიც დინჯად პირველ რიგებისკენ გაემართა და მიიმედ სავარ-
ძელში ჩაეშვა. უცბად დარბაზში სამარისებური სიჩუმე ჩამოვარდა.
თავმჯდომარემ სიტყვა მისცა მორიგ ორატორს. „უარს ვამბობ“,
გაისმა კუნჭულიდან. მიუბრუნდა მეორეს — უარს ვაცხადებ. იყო
პასუხი. ლაპარაკი აღარავინ მოისურვა. მაშინ სიტყვა ილია ჭავჭა-
ვაძემ ითხოვა...

ბატონებო! სიტყვა ილიამ. რაც ჩვენში ხდება, ყველგან მომხდა-
რა. არ არის შესაფერისი არცერთი ერი, არცერთი სახელმწიფო,
ასეთი რევოლუციები რომ არ მომხდარიყოს. ქართველი გაივლის
და ცხოვრება ისევ კალაპოტში ჩადგება. თავად-აზნაურობას ბევრი
აქვს მოცემული; ვისაც მეტი აქვს, იმას მეტი მოეთხოვება. რაც
სხვას ეპატიება, თქვენ არ გეპატიებათ. მე ვხედავ თქვენს გაჭირვე-
ბას, მაგრამ, — რას იზამთ, — უნდა მოითმინოთ, ისეთს ნურაფერს
ჩაიდნეთ, რომ, როდესაც ეს ამბები გადაივლის და დაბრუნდებით.
მეზობელთან პირი გქონდეთ შერცხვენილი და თვალეში შეხედვას
ვეღარ უბედავდეთ. უნდა მოითმინოთ, მეტი გზა არა გაქვთ. ვისაც
მოთმინება ვერ შეუძლიან და ვისაც გულისთქმა იმორჩილებს,
სჯობს სოფელს დროებით თავი მოარიდოს. ცოტახნით გაჭირვება
სჯობიან სამუდამოდ დაღუპვასა და საშვილიშვილო მტრობის ჩა-
მოგდებას თავად-აზნაურობასა და გლეხებს შორის. რად გინდათ,
ეგ იარაღი რომ აგისხამთ! ვისთვის ამზადებთ თოფებსა? გლეხების-
თვის? არ გაბედოთ! ახალეთ თავში ეგ იარაღი მათ, ვინც დაგი-
რიგათ“!..

„უცენზო“ საზოგადოება სიტყვას ტაშით შეხვდა. ცენზიანებს
გული გაუფუჭდათ... განაჩენი გამოტანილი იყო: ილია ჭავჭავაძის
სიტყვის შემდეგ შავმა რაზმმა ვეღარ იბოვინა“¹⁾.

ილია ჭავჭავაძე მხურვალე მონაწილეობას იღებდა იმის მეცა-
დინეობაში, რომ რევოლუციური გურიის წინააღმდეგ არ გაეგზაე-

¹⁾ „ლიტერატურული საქართველო“, 1936 წ. № 7.

ნათ დამსჯელი ჯარები. იმ დროს უსარგებელი კრება და თათბირი იმართებოდა, მაგრამ სამწუხაროდ, გაზეთებში ბევრი მათგანის სახეებ ან სრულიად არავითარი ცნობა არ იბეჭდებოდა, ან თორავნა მოკლე. ამიტომ ჩვენ იძულებული ვართ მივმართოთ დამსჯელთა მონაწილეთა მოგონებებს. ამ შემთხვევაში ძალიან საინტერესო ცნობებს გადმოგვცემს ილია ზურაბიშვილი. იმ „მოგონებაში“, რომელიც იბეჭდება უნივერსიტეტის „ზრომებში“.

„ილიას საჯარო გამოსვლებიდან, ბანკის კრების გარდა, მაგონდება ერთი შემთხვევა, ამბობს ი. ზურაბიშვილი. ეს იყო 1905 წლის ბოლოს, ნასაკირალის ამბების გამო. დასავლეთ საქართველოში დამსჯელი რაზმი იგზავნებოდა ალიხანოვ-ავარსკის უფროსობით. უქვეველი იყო ხალხის რბევა და ჟლეტა-ზოცვა, რაც მოხდა კიდევ ქართველი საზოგადოების წარმომადგენელნი შეიკრიბნენ სათათბიროდ, რომ ამ საქმისათვის ეშველნათ როგორმე. ამ თათბირს ილიაც დაესწრო და შესანიშნავი ენერგიული სიტყვა წარმოსთქვა. ამ, გრძნობით და აზრით სავსე სიტყვის აღდგენას ვერ ვახერხებ, მესხიერება შლალატობს. მაგრამ მახსენდება სიტყვის დასასრული. ილია წინადადებას იძლეოდა, მეფის ნაცვალს დელეგაცია მივუგზავნოთ და მოვითხოვოთ დამსჯელი ექსპედიციის გაგზავნა გადათქვასო. თანაც უნდა განვუცხადოთ, რომ, წინააღმდეგ შემთხვევაში, ჩვენ ყველანი იქ წავალთ და ჩვენ ძმებთან ერთად „Костями ляжем“ (სიტყვა ილიამ რუსულად წარმოსთქვა).

როდესაც ვილაკამ შენიშნა, დარწმუნებული უნდა ვიყოთ, რომ არავინ ჩვენთაგანი არ წავა და „Костями не ляжем“-ო, ილიამ უპასუხა, „მაშინ სირცხვილი ჩვენ“ და, რამდენადაც მაგონდება, დაუმატა ერთ-ერთი შემდეგი ფრაზა „ამ სირცხვილს ხალხი არ გვაპატიებს“, ან „თორემ ხალხი თითონ წავაო“.

საერთოდ უნდა ითქვას, რომ 1906 წელს ილია ფიზიკურ ვატეხილობას გრძნობდა. იგი სულიერადაც იტანჯებოდა იმ ერთგვარი განმარტოების გამო, რომელიც მისი თავისებური პოზიციითა და მეორე მხრივ—გაუგებრობით აიხსნებოდა. არტურ ლეისტი მოწმობს: ილია ხშირად იყო დაღონებულ-ჩაფიქრებული და მის ბაგეს მოსწყდებოდა ხოლმე მისთვის არაჩვეულებრივი სიტყვა— „უმაღურობაო“.

ამნაირი სულიერი განწყობილება ჰქონდა ილიას, როდესაც მის წინაშე წამოიჭრა საკითხი სახელმწიფო საბჭოს არჩევნებში მონაწილეობისთვის პეტერბურგს წასვლისა...

მაგრამ ვიდრე ამ საკითხს შევხებოდეთ, საინტერესოა გავიხსენოთ, თუ როგორ უყურებდნენ ქართველთა ეროვნულ მოძრაობას

თვითმპყრობელობის აგენტები. ისინი ყოველგვარ ეროვნულ მო-
თხოვნას სეპარატიზმად ნათლავდნენ და რუსეთისგან საქართველოს
ჩამოშორება ელანდებოდათ. ილია ჭავჭავაძე, როგორც ფრიად გავ-
ლენიანი ნაციონალური მოღვაწე, მათთვის ძალიან საშიშროება წარმოადგენდა.
ისინი ყოველთვის ეჭვით ადევნებდნენ თვალყურს ყოველ მათგანს.
ბიჯს. ამის შესახებ არსებობს რამდენიმე დოკუმენტი უნდაარძთა
სამმართველოსი და მისი აგენტებისა.

ტფილისის უნდაარძთა სამმართველო აი, რას ატყობინებდა პო-
ლიციის დეპარტამენტს ჯერ კიდევ 1894 წლის 1 მაისის თარიღით,
№ 565. სათანადო მოხსენებაში ვკითხულობთ:

„... სემინარიის ამბოხებაში არა მცირედი წილი უდევთ ტფილი-
სის სათავად-აზნაურო სასწავლებლის მასწავლებლებს (არსებობს გან-
საკუთრებით ქართველებისათვის)... დაბეჯითებით შეიძლება ითქვას,
რომ იმ მიმართულების მთავარი ხელმძღვანელი, რომლის მიზანიცაა
ეროვნული მოძრაობის გაღვივება, არის თავადი ილია ჭავჭავა-
ძე, ტფილისის სათავად-აზნაურო ბანკის თავმჯდომარე (ამ ბან-
კის სახსრებით ინახება აღნიშნული სათავად-აზნაურო სკოლა და აგ-
რეთვე ი. ჭავჭავაძეა რედაქტორი ქართული გაზეთის „ივერიისა“).
თავადი ილია ჭავჭავაძე არის თვალსაჩინო კჳუსისა და მდგომარე-
ობის პატრონი, დიდი ავტორიტეტის მქონე ქართველებში საერთოდ
და თავისუფალ მოაზროვნეთა შორის განსაკუთრებით. დადის ხმები,
რომ მასთან დროგამოშვებით იმართება საიდუმლო კრებები, სადაც
არკვევენ სხვადასხვა საზოგადო ხასიათისა და სოციალურ სა-
კითხებს“.

მთავრობის ადგილობრივი აგენტები, რასაკვირველია, ასევე
უცქეროდნენ ილია ჭავჭავაძის საქმიანობას 1905—6 წლებში, გან-
საკუთრებით მას შემდეგ, რაც ილიამ მხარი დაუჭირა საქართველოს
პოლიტიკურ ავტონომიის და სახელმწიფო საბჭოშიაც მემარცხენეთა
მცირე ჯგუფის წევრი გახდა...

XVII

ილია ჭავჭავაძე სახელმწიფო საბჭოს წევრი, პროფ. ი. ჯავახიშვილის
მოწმობა. ილიას ინტერვიუ გაზეთებთან. ილიას შეხვედრა სახ. სათაო-
ბიროს ქართველ დეპუტატებთან. ილია და ავტონომისტ-ფედერალისტ-
თა კავშირი. ილიას აზრი სახ. საბჭოს წევრებზე. ილიას სიტყვა სახ.
საბჭოში. ილია და სამხედრო-საველე სასამართლოები.

1905 წლის 17 ოქტომბრის მანიფესტით რუსეთში კუდმოკვე-
ცილი კონსტიტუცია შემოიღეს: უნდა მოეწვიათ რუსეთის პარლამენტი —
სახელმწიფო სათათბირო. იმ ხანებშივე მოხდა სახელმწი-

ფო საბჭოს რეორგანიზაცია. იგი გადააქციეს ეგრეთწოდებულ პალატად, რომლის წევრთა ნახევარს ირჩევენ, ნახევარს ნიშნავენ.

ერევნული
ბიბლიოთეკა



ოლა კევევაძისა 90-იან წლებში

1905 წელს აღმოსავლეთ-საქართველოს თავდაზნაურობასაც უნდა გაეგზავნა თავისი ამოპრჩევლები პეტერბურგს, სადაც უნდა მომხდარიყო სახელმწიფო საბჭოს წევრთა არჩევნები. სთხოვეს ილია კევევაძეს, მაგრამ მან, ავადმყოფობისა და იმ საერთო მოტეხილობის გამო, რაზედაც ზემოთ უკვე ვილაპარაკეთ, უარი განაცხა-

და. ბოლოს, გავლენიან პირთა დაქვემდებარებით — ილია ლავროვიჩის და იგივე ვაგნერის პეტერბურგს.

იმ დროს რეაქციის ჯერ კიდევ ფრთები არ გაეშალა, რევოლუციის ტალღები ჯერ კიდევ მალა იყო, ამით აიხსნება, რატომ იქმნა მწიფო საბჭოს წევრების ამომრჩეველთა შორისაც კი საკმაოდ იყვნენ თვითმპყრობელობის ოპოზიციის წარმომადგენელი. 1906 წ. 8 აპრილს საბჭოს წევრად აირჩიეს ილია ქავჭავაძე.

ილიას მეგობრები და პატივისცემელები ძალიან გახარებულნი იყვნენ მისი არჩევით. ილიას ქალაქებში ბევრი მილოცვის წერილი და დეპეშა ამის გამო. სხვათა შორის, აქ არის ნიკო ნიკოლაძის დეპეშა ფოთიდან 9 აპრილის თარიღით. მოგვყავს იგი, როგორც დაწერილია (მაშინ ქართული დეპეშების გზავნა არ შეიძლებოდა): „Бесконечно радуюсь, твоему избранию. Сердечно поздравляю. Ждем вас в Потти. Николадзе“. (განუსაზღვრელად მიხარიან შენი არჩევა. გულითა და სულით გილოცავ. გელით ფოთში. ნიკოლაძე).

ილია ქავჭავაძე სახვლამწიფო საბჭოს პირველი ქართველი წევრი იყო. საბჭოში იგი მიემხრო მემარცხენეთა მცირერიცხოვან, ეგრეთწოდებულ აკადემიურ ჯგუფს, რომელშიაც შედიოდნენ საბჭოს არჩეული წევრები, უმთავრესად პროფესორები და პროგრესული მოღვაწეები. ეს იყო მიზეზი, რომ ილია ქავჭავაძის სიკვდილის შემდეგ რუსეთის თავად-აზნაურთა შავრაზმელმა წარმომადგენლებმა პურისკევიჩმა და კრუპენსკიმ შემდგომ არჩევნებზე ასე განაცხადეს:

— ილია ქავჭავაძე აირჩიეს და შეგვარცხინა! მემარცხენეებში ჩაეწერა, მოგვეცი თვითმპყრობელობისა და მონარქის ერთგული ვინმე, ჩვენ მას ავირჩევთ, თუგინდ წერა-კითხვა არ იცოდეს, სხვა მიმართულებისას კი არ გავაქაჩანებთო¹⁾.

პროფ. ივ. ჯავახიშვილის გადმოცემით, პეტერბურგს ილიას ჩასვლისას იქაურ ქართველთა წრეს გაუმართავს ილიას პატივსაცემად შეხვედრა — ბანკეტი. ამ ბანკეტს, ჩემს გარდა, დაესწრნენ ლუარსაბ ანდრონიკაშვილი, გ. ერისთავი (მაშინ უკვე ცნობილი ვექილები პოლიტიკურ პროცესებში), ა. ერისთავი, ს. ვირსალაძე და სხვანი. ლ. ანდრონიკაშვილმა ილიას მიმართა ჩინებული სიტყვით. ილიამაც უპასუხა საკმაოდ ვრცლად. კარგად მახსოვს მისი პირველი ფრაზა: „ქართველები ბედოვლათები ვართ ქებაშიაცა და ძაგებაშიაცო“. აქ, ილია, უქვევლია, ჰკულისხმობდა ქართული პრესის ერთი ნაწილის ლაშქრობას მის წინააღმდეგო.

¹⁾ მ. ბ. ლ. ქ. ა. ხლო წარსულიდან. „განათლება“, 1908 წ. № 3—4.

აქვე ვსარგებლობთ შემთხვევით და მკითხველებს ვადავცემთ პროფ. ივ. ჯავახიშვილისავე ცნობას, დამყარებულს განსვენებულ სპ. ვირსალაძის ნაამბობზე. სპ. ვირსალაძესთან პოლიტიკურ საკითხებზე კამათის დროს (ილიას სახლში) 1905 — წმინდაწმინდა ვასულა მეორე ოთახში, გამოუტანია დიდტანიანი ხელნაწერი და ნაწიყენის, მაგრამ დინჯი კილოთი უთქვამს სპ. ვირსალაძისათვის: აი, ეს არის ჩემი უკანასკნელი შრომა, ქართული ლექსიკონი, ამას გავათავებ და მერე აღარაფერს დავეძებ, რაგინდ აღრეც მოგვედგო. სად არის ნეტა ეს ლექსიკონი, იცოდა, ან იცის ვინმემ თუ არა მისი არსებობა დანამდვილებით? ეს საინტერესო საკითხი უშეველად უნდა გამოირკვეს.

საბჭოს წევრად არჩევის შემდეგ ილია ქავჭავაძეს რამდენიმე ინტერვიუ ჰქონდა პეტერბურგის გაზეთების თანამშრომლებთან, რომლებსაც ტფილისის გაზეთებშიაც გადმობეჭდავდნენ ხოლმე. მოვიყვანთ ილიას ერთერთ განცხადებას, რომელიც სწორად ახასიათებს არათუ მაშინდელ მის პოზიციას, არამედ საერთოდ მის მსოფლმხედველობას.

სახელმწიფო საბჭოში მე ამომიჩრია თავადაზნაურობამ. ეს იმას როდი ნიშნავს, რომ საბჭოში მე მარტო აზნაურ-თავადთა საჭიროებაზე ვილაპარაკებ. თუ ამას ფიქრობდნენ ზოგნი ჩემნი ამორჩეველნი აქაური რუსთა აზნაურნი, ეს დიდი შეცდომაა. სახელმწიფო საბჭოში თუ თავად-აზნაურთა სახელით შევდივარ — ეს მხოლოდ ფორმალური, იურიდიული მხარეა. არ დავფარავ და ვიტყვი: საბჭოში მე მთელი საქართველოს და ქართველთა ინტერესების დამცველი ვიქნები. საერთო კითხვებსაც შევწირავ ჩემს ძალღონეს¹⁾.

ამასვე იმეორებს იგი იმ ინტერვიუში, რომელიც გადმობეჭდილია რუსეთის გაზეთებიდან „ტიფლისკი ლისტოკის“ 1906 წ. 20 აპრილის ნომერში: „მე ადგილობრივი ინტერესების დამცველი ვიქნები... საქართველოსთვის მე მომიხდება დავიცვა ფართო თვითმმართველობა საკანონმდებლო უფლებებით ადგილობრივ საჭიროებათა და ინტერესების დარგში“.

ილია ხშირად დაიარებოდა სახელმწიფო სათათბიროს სხდომებზე. მას მოსწონდა ზოგიერთი დეპუტატი, — მაგალითად ტრუდოვიკები, ჟილკინი და ნაზარენკო. (უკანასკნელი ჩვენში იყო აღზრდილი და ქართულიც იცოდა). ილია დიდი ყურადღებით ეპყრობოდა დეპუტატ ი. ბარათაშვილის საქმიანობას, რადგან ი. ბარათაშვილი, მოითხოვდა საქართველოს ავტონომიას, ეს კი მაშინ ილია

¹⁾ ნ. ბოლქვაძე. ახლო წარსულიდან „განათლება“, 1908 წ. № 3 — 4.

ქვეყანისათვის უდიდესი საკითხ იყო. ილია მონაწილეობდა I სა-
თათბიროს ავტონომისტ-ფედერალისტთა კავშირში და ეხმარებოდა
მას საქართველოს საკითხის შესახებ საჭირო ინფორმაციის მიწოდე-
ბით. ავტონომისტთა ფრაქციასთან, როგორც ჩანს, მჭიდროდ
ჭკონდა ვარლამ გელოვანის საშუალებით (ვ. გელოვანს შუამდგომლობა
4 სახ. სათათბიროს ტრუდოვიკული ფრაქციის წევრი იყო). ილიას
ქალაქებში მოიპოვება, ამ უკანასკნელის სადარბაზო ბარათი შემ-
დეგი შინაარსისა:

„გახლდით თქვენთან, ბატონო ილია. მინდოდა დღეს წამოზრდა-
ნებულობით ავტონომისტთა ფრაქციის კრებაზედ, რომელიც არის
დანიშნული ამ საღამოს 9 საათზე სათათბიროში. თქვენი ვ. გელო-
ვანი“.

საინტერესოა ილიას შეხვედრა ქართველ დეპუტატებთან. სათათ-
ბიროს კომისიაში ავტონომისტ-ფედერალისტთა კავშირის თავმჯდო-
მარის ლენდიცკის მიერ, სხვათა შორის, დასმულ იქნა საქართვე-
ლოს ავტონომიის პროექტის საკითხიც. ილია ქვეყანას ძალიან
აინტერესებდა ქართველი დეპუტატების პოზიცია. ცნობილმა მრეწ-
ველმა დავით სარაჯიშვილმა გამართა სადილი პეტერბურგს „ევრო-
პის სასტუმროში“, რომელსაც ქართველი სოციალ-დემოკრატი დე-
პუტატები დაესწრნენ. ილია და პროფ. ალ. ცაგარელი ცდილობდნენ
ავტონომიის საკითხში რაიმე შეთანხმებისათვის მიეღწიათ. საქმე
იმით გათავდა, რომ დეპუტატებმა აღუთქვეს: ჩვენ ყოველ შემთხვე-
ვაში პროექტის წინააღმდეგ არ გავილაშქრებთო.

ალსანიშნავია აგრეთვე, რომ ილია ქვეყანაზე მეცადინეობდა
ქართული ეკლესიის ეგრეთწოდებული ავტოკეფალიისათვის (დამო-
უკიდებლობისათვის). იგი ყოფილა დეპუტაციაში, რომელსაც ამ
საგანზე მოლაპარაკება ჰქონდა სინოდის ობერ-პროკურორთან. ამას
მოწმობს ილიას შემდეგი ბარათი, დაცული განსვენებული პროფ.
ა. ცაგარლის ქალაქებში. იგი დაწერილია 1905 წლის დეკემბერში.

„ძმაო ალექსანდრე, ვიყავით ობოლენსკისთან. მთელი ორი სა-
ათი ველაპარაკეთ და ჩვენდა სამწუხაროდ, ვერაფერი სანუგეშო რამ
გამოვიტანეთ ჩვენის ავტოკეფალიისათვის. როგორც ეტყობა, ობო-
ლენსკი არ თანაუგრძნობს ავტოკეფალიას საქართველოსას. მაინც
და მაინც ის დასკვნა გამოიყვანა ობოლენსკიმ, რომ ჯერ, სანამ სა-
ხელმწიფო „დუმა“ შესდგება და სამღვდლოების კრება საერთოდ
რუსეთის ეკლესიის გამო გაიმართება, იმ დრომდე ზოგიერთი ცვლი-
ლება მოხდებოდა საქართველოს საეკლესიო გამგეობაში და მერე დუ-
მამ და კრებამ იცისო, რასაც დააწყობნო. დაწერილებით მაშინ
მოგახსენებთ, როცა შენთან მოვალთ. შენი ილია ქვეყანაზე“.

უნდა ითქვას, რომ ქართული ეკლესიის საკითხს მაშინ პოლიტიკური ხასიათი ჰქონდა და ავტოკეფალიის დასაცავად გამოდიოდნენ ისეთი მოღვაწენი, როგორიც იყო პროფ. მ. მარჩი (ქუჩუნიანი) სუხი ვესტორგოვს და სხვ.), რადგან თვითმპყრობელობასაც ქართველთა რუსიფიკაციის მიზნებისათვის იყენებდა. ამიტომ ილია ჭავჭავაძისათვის — ეს იყო ერთერთი რგოლთაგანი ეროვნულ უფლებათათვის ბრძოლაში.

პეტერბურგში ი. ჭავჭავაძე სათათბიროდან შორს ცხოვრობდა, მაგრამ მის სხდომებს, ძალიან ხშირად ესწრებოდა. ხანდახან სახ. საბჭოს წევრებისათვის განკუთვნილ ლოჯიაში მარტო ილია იჯდა.

თვითონ სახ. საბჭოში ილია ჭავჭავაძე მონაწილეობდა სხვადასხვა კომისიათა მუშაობაში და ამზადებდა მოხსენებას სიკვდილის დასჯის წინააღმდეგ. 1906 წლის 7 მაისს სახ. საბჭომ 92 ხმით 47 წინააღმდეგ მიიღო გადაწყვეტილება პოლიტიკური ამნისტიის გამოცემისთვის შუამდგომლობის შესახებ და ილია მხურვალე მომხრე იყო ამ აქტისა.

მუშაობა უმთავრესად კომისიებში სწარმოებდა და ამიტომ ჩვენ ნაკლები მასალა მოგვეპოვება ილია ჭავჭავაძის ცალკე გამოსვლითა შესახებ. რაც შეეხება სახ. საბჭოს პლენუმებს, ჩვენ აქ გვაქვს ილიას ერთი პატარა, მაგრამ ფრიად საყურადღებო სიტყვა. 1906 წლის 22 ივნისის სხდომაზე საბჭო იხილავდა სახ. საბჭოს განაწესს. ილია ენერგიულად ილაშქრებს იმ ბიუროკრატიული წესის წინააღმდეგ, რომელიც სურთ შემოიღონ და მოითხოვს მუშაობის დემოკრატიულ წესს. მოგვყავს ეს სიტყვა სტენოგრაფიული ანგარიშის მიუხედივით:

„ხსენებული მუხლი, ამბობს ილია ჭავჭავაძე, ავითარებს სახ. საბჭოს დებულების იმ მუხლს, რომლის ძალითაც აკრძალულია საბჭოში მოვიდნენ დებუტაციები, აგრეთვე წარმოადგინონ სიტყვიერი და წერილობითი თხოვნები. ძალიან შესაძლებელია, კანონმდებლებს მხედველობაში ჰქონდათ — თავისი მყუდროება და თავის მოვალეობათა თავისუფლად შესრულების შესაძლებლობა დაეცვათ იმით, რომ დაუშვებლად მიიჩნიათ სხვადასხვა განცხადებათა და თხოვნათა მიცემა უშუალოდ სახ. საბჭოსთვის, ან წერილობითად. ეს გვაგონებს ვიწრო-ბიუროკრატიული რეჟიმის საძულველ საწყისს, იმ რეჟიმისა, რომელიც ფიქრობს, რომ მთავრობის პირები და დაწესებულებანი კი არ არსებობენ ხალხისათვის, არამედ ხალხია გაჩენილი ამ დაწესებულებათათვის. არ არის მართებული, აქო და, საჭიროა საბჭოს თავმჯდომარე და წევრები არ

შევაწუხოთ, შემოვიღოთ ისეთი წესები, რომლებიც ზღუდავენ ბი-
ქალაქეთა უფლებებს, რომ მიმართონ უმაღლეს დაწესებულებას, თა-
ვისი უფლების დასაცავად და თავისი ინტერესების განსაცავად. 11
მე-4 მ. კი კარს უკეტავს ხალხს და უქრის რა გზას თავმჯდომარისა და საბჭოს წევრებისაკენ, ამითვე გზას იქრის იმ ცნობათა პირველ-
წყაროსაკენ, რომლებიც საბჭომ უნდა მიიღოს უშუალოდ და არა
ვისიმე საშუალებით“¹⁾).

1907 წელს გამოვიდა ოფიციალური ხასიათის წიგნი — „Госуд.
Совет 1906—7 г. СПб“. იგი ეხება სახელმწიფო საბჭოს შემადგენ-
ლობას და შეიცავს თვითეული წევრის მოკლე პოლიტიკურ დახა-
სათებას. ილია ჭავჭავაძეზე იქ ნათქვამია: „ავარარულ საკითხში თა-
ნახმა იძულებითი ჩამორთმევისა, თუ ეს სახელმწიფოებრივი პუცი-
ლებლობის საკითხად იქნება მიჩნეული. თავადი მომხრეა ფართო
ადგილობრივი თვითმმართველობისა ფართო ადგილობრივი საკანონ-
მდებლო ხელისუფლებით“.

სახელმწიფო საბჭოში ეს ფრიად დიდ მემარცხენეობად ითვლე-
ბოდა და ამიტომ ილია ხუმბრობით იტყოდა ხოლმე თურმე: სოცი-
ალისტს მეძახიან, არ ვიცი, რამ შეაშინათ ასეო.

აქვე უნდა მოვიყვანოთ ის შთაბეჭდილება, რომელიც ილია ჭავ-
ჭავაძეზე მოუხდენია სახ. საბჭოს. ილ. ზურაბიშვილი, ვადმოგვცემს:
ილია პეტერბურგიდან რომ დაბრუნდა „კარგ გუნებაზე იყო და
ხალისიანად მუსაიფობდა პეტერბურგის ხელისუფალთა წრეებზე.
სხვათა შორის, მაგონდება მხატვრული აღწერა სახელმწიფოს საბჭოს
პირველი საზეიმო სტომისა:

უნდა გენახათ ეს დაჩამიჩებული ჩინოსნები, როდესაც ისინი
„ბოყე ცარია ხრანის“ მღეროდნენ. ელექტროლამპრებით ალაპლა-
პებული მელოტები, „მირონცხებულისადმი“ ყმური, ქვეშევრდომუ-
ლი ექსტაზით აღტყინებული სახეები, აცრემლებული, მიმქრალი
თვალები, კბილებჩაცვივნილი პირები, — ყოველივე ეს, ერთად აღე-
ბული გამოსცემდა რალაც უცნაურ ხმას საცოდაობისას და განწირუ-
ლებისას... გადავხედე ამ საშინელ სანახაობას და გულში ვთქვი —
ვაი იმ სამეფო ტახტს, რომელიც ასეთ ბურჯს ეყრდნობა-მეთქი“.

დასასრულ მოვიყვანთ ამონაწერს იმ სიტყვის შავიდან, რო-
მელსაც ილია ჭავჭავაძე ამზადებდა სიკვდილის დასჯის წინააღმდეგ
და რომელიც უნდა წარმოეთქვა სახელმწიფო საბჭოში. საქმე ასე
იყო. 1907 წლის 17 აპრილს სახელმწიფო სათათბირომ მიიღო კა-

¹⁾ Гос. Совет. Сессия I. Заседание 6-ое, 22/VI 1906 წ. სტენოგრა-
ფიული ანაგრიზი.

ნონი, რომლითაც უნდა გაუქმებულიყო 1906 წ. 19 აპრილს მეფის მიერ დამტკიცებული დებულება სამხედრო-საველე სასამართლოების შემოღების შესახებ. ეს კანონი უნდა გატარებულიყო სახ. ს. კ. შიაც, რის გამოც მის წევრებს 26 აპრილს წინასწარ დაუგზავნეს სახ. სათათბიროს მიერ მიღებული დადგენილების ტექსტი.

ჩვენ ვიცით, თუ რა როლი ითამაშეს სამხედრო-საველე სასამართლოებმა 1906—7 წლებში. თავისუფლებისათვის მებრძოლებს ათასობით ხოცავდნენ თვითმპყრობელობის აგენტები და ჩვენი ქვეყანაც, როგორც საერთოდ მთელი მაშინდელი რუსეთი, წამებულია გვამებით იყო მოფენილი. ილია ჭავჭავაძე, ავტორი „სახრჩობელი-სა“, რასაკვირველია, მომხრე უნდა ყოფილიყო სიკვდილით დასჯის მოსპობისა და საბჭოში მხარი დაეჭირნა სახ. სათათბიროს კანონისთვის სამხედრო-საველე სასამართლოების მოსპობის შესახებ. ჩვენს ხელთ არის ილია ჭავჭავაძის სიტყვის შავი, დაწერილი ნაწილობრივ რუსულად, ნაწილობრივ კი ქართულად თვითონ ილიას ხელით. ეს დოკუმენტი ამჟამად ინახება მწერალთა მუზეუმში. იგი იმდენად დამახასიათებელია ილია ჭავჭავაძის მაშინდელი პოზიციისა და მსოფლმხედველობისა, რომ საჭიროდ მიგვაჩნია მოვიყვანოთ ტექსტის ერთი ნაწილი. ხელნაწერს სათაურად აქვს — „სიკვდილი-სათვის“. აი, რას ამბობს აქ ილია ჭავჭავაძე:

„3) ხოლო სამი რამ საბუთია წინააღმდეგ სიკვდილით დასჯისა:

ა) აჩლუნგებს გრძნობას ბუნებურს, რომელსაც სისხლი ეზიზღება და ხშირის ნახვით — კი ყურიც ეჩვევა და გრძნობაც, მაგ. ეხლა [1907 წ.] სიკვდილით დასჯა ისეთი ჩვეული რამ ამბავია, არავის-ღა უმღერევს გულს და უტრადლებასაც არ იქცევს; ბ) არყევს ზნეობას, რადგანაც ართმევს იმას, რის მიცემაც არ შეუძლიან; გ) შეცდომა დასჯისა აღარ სწორდება და უდანაშაულოს ჰკლავს.

4) ეწინააღმდეგება ქრისტიანობას, რომელიც დაფუძნებულია სიყვარულზე. ჰეინეს სიტყვა: მე მტერი მიყვარს მხოლოდ მაშინ, როცა ვხედავ სახრჩობელაზე ჩამოკიდებულს.

5) მთელი ქვეყანა თხოულობს და თუ ბანის მიცემაში შევცდით, ნუგეში იმაშია, რომ აყევით ხმას ღვთისას, რადგან ხმა ერისა არის ხმა ღვთისა.

6) საბუთად მოყვანა იმის, რომ სიკვდილით დასჯა ამრავლებს თუ აკლებს დანაშაულობას, არაფერს არ მოასწავებს, რადგანაც დანაშაულობის სიმრავლე სხვა ათასნაირ მიზეზებზე და მოკიდებულ-ლი. 6 (?) პო და არას საბუთებ შორის ერთი რამ არის ზოგადი: ერთიცა და მეორეც ხელშესახებ საფუძველზე არ არის დამყარე-

ბული და წარმოადგენენ მარტო მწამს როგორც ერთისას, ისე მეორისას. აქ მარტო დალექტიური ღონისძიებაა ერთმანეთის დასჯერად მიმართული“.

ილია ქავჭავაძემ ვერ მოასწრო ამ სიტყვის წარმოქმნის ნუმზე, რადგან 1907 წლის ზაფხულს მე-2 სახ. სათათბიროც დაითხოვეს. სახ. საბჭომ შესწყვიტა მუშაობა ოქტომბრამდე და ილიაც სამშობლოსკენ გამოემართა.

XVIII

ილია ქავჭავაძის მებრძოლობა. ილიას დეულები. ილიას ურთიერთობა ნ. ნიკოლაძესა და ა. წერეთელთან. ილია და აღმოსავლეთი. ილიას აზრი ვაჟა-ფშაველასზე. ილია — ორატორი. ი. ზურაბიშვილის მოწმობა. ილიას მუშაობა. ილიას პურადობა. ილიაობა და მისი მნიშვნელობა. ილიას მიერ თავისივე თავის დახასიათება. ილია სუფრასზე და ახლობლებში. ილია და მუსიკა. ილიას გარეგნობა.

დასასრულ შევეხეთ ი. ქავჭავაძის პირად თვისებებს.

პირველი, რაც მას ახასიათებდა სიკაბუჯიდან სიკვდილამდე — ეს იყო სიმტკიცე და მებრძოლობა. მებრძოლის მალლა აფრიალებული დროშით შემოვიდა იგი 1861 წელს ქართულ ლიტერატურაში, როგორც ახალგაზრდა თერგდალეული და თითქმის მთელი ნახევარი საუკუნის განმავლობაში ყოველთვის შედგარად, დაუნდობლად იბრძოდა იმისათვის, რაც სიმაართლედ მიაჩნდა. მან არ იცოდა კომპრომისი ბრძოლაში და თუ ვისიმე ან რისიმე წინააღმდეგ გაილაშქრებდა — მიწასთან გაასწორებდა. ასეთი იყო იგი პირველი ლაშქრობისას ბარბ. ჯორჯაძისა და სხვათა წინააღმდეგ, ასეთი იყო გრ. ორბელიანთან შეტაკებაში, ასეთი იყო მესამე დასელებთან ბრძოლის დროს, 1905 წელს და სხვა. საოცარია მისი ტემპერამენტი და მოუდრეკელობა. მან იცოდა დიდი სიძულვილი, მაგრამ იცოდა უდიდესი სიყვარული. ამ მხრივაც ი. ქავჭავაძე, როგორც პიროვნება, ყველასზე დიდი ფიგურაა სამოციანი წლების მოღვაწეთა შორის. იგი ყოველთვის ბუნებრივი ცენტრი იყო, თავს უყრიდა თანამოაზრეებს, რაზედა და საერთოდ ღირსეულ ბელადობას უწევდა ყოველგვარ საზოგადოებრივ საქმიანობაში. ეს მებრძოლობა და პოლემიკის სიმკაცრეა მიზეზი, რომ თვითონ ილიაც ყოველთვის საგანი იყო დიდივე სიყვარულისა, სიძულვილისა და გაათფრებისა. ნაწილობრივ ამითვე აიხსნება, რომ ილია ქავჭავაძე ჯეროვნად და მიუდგომლად ვერ იქნა შეფასებული თავის დროზე, „რადგან მის სიცოცხლეში აგორებული ბრძოლის ტალღების შხეფებმა ნაწილობრივ ჩვენ დრომდეც კი მოაღწია.

ილია ჰავჭავაძე, მედგარი იყო და შეუპოვარი და არავის აღ-
ლევდა ნებას მის პიროვნებას ოდნავ მაინც უღირსად შეჰხებოდა.

მედიკოსი
გიორგი მთელი



ილიას ჩამოსვენება ტფილისში

ვინც უნდა ყოფილიყო შეურაცხყოფელი. ამიტომ ილიას რამდე-
ნიმე შემთხვევა ჰქონდა მოწინააღმდეგეთა გაწვევისა დუელში (გე-
ნერალ მუხრანსკისა, გენერალ სუმბათაშვილისა, ნიკოლაძისა და

სხვებისა). ნ. ნიკოლაძესთან ილიას ბევრჯერ ჰქონდა შეხვედრა. მოხლა, მწვავე პოლემიკაც, თუმცა ისინი ყოველთვის ადვანსებდნენ ერთმანეთს. მიუხედავად ამისა, 1880 წ. ილიას და ნ. ნიკოლაძეს პოლემიკას დუელიც კი მოჰყოლია.

სიმბორსკი

პასუხად ილია ჭავჭავაძის ერთი ცხარე წერილისა, ნ. ნიკოლაძე მკაცრად შეჰხებია „*Обзор*“—ში ილიას პირადობას. ილიას, როგორც ი. მეუნარგია ამბობს, მყისვე დუელში გაუწვევია ნ. ნიკოლაძე, ილიას ბიოგრაფი გრ. ყიფშიძე ასე გადმოგვცემს დუელის ამბავს:

„დუელი მოხდა 1 მარტს. ნ. ნიკოლაძის სექუნდანტები იყვნენ: პოეტი სიმბორსკი და დ. გურამიშვილი, ხოლო ილიასი: ი. შალიკაშვილი და ნ. ერისთავი. სიმბორსკიმ, როგორც გულჩვილმა კაცმა, სცადა შერიგება მოწინააღმდეგეთა და რაკი ვერა გააწყო-რა, ქვი-თინი დაიწყო, არცერთი არ ემეტებოდა ალბათ სასიკვდილოდ და იმიტომ. ეს იყო მიზეზი თუ სხვა რამ გარემოებაც დაერთო, საბედ-ნიეროდ საქმე შერიგებით დათავდა“¹⁾.

ი. მეუნარგია ამ დუელის ფინალს ასე აგვიწერს: „როგორც ვა-მიგონია, ჭავჭავაძეს უნდა ეთქვას: მე შეურაცყოფილად მივიჩნიე ჩემი თავი მარტო ილისათვის, რაკი ნიკოლაძეს თუნდა ერთი წამით შეეძლო ეფიქრა, რომ რაც „ივერიაში“ (უნდა იყოს — „დროება-ში“, რომელთანაც „ივერია“ მაშინ შეერთებული იყო. ქ. რ.) დაი-ბეჭდა, ის ჩემი თანხმობით იყო. ნიკოლაძეს ამაზე უნდა ეთქვას: „თუ ეს ასეა, მაშ რაც მე ჩემს გაზეთში („ობზორში“) ვთქვი ჭავ-ჭავაძის შესახებ, უკან მიმაქვს“²⁾.

მაგრამ ეს იყო მხოლოდ ერთი ეპიზოდი.

ილიასა და ნ. ნიკოლაძის, საერთოდ სამოციანი წლების მოღვა-წეთა ურთიერთობას კი ჩინებულად და სწორად ახასიათებდა თვი-თონ ნ. ნიკოლაძე ჯერ კიდევ 1872 წლის „*კრებულში*“. ეს დახა-სიათება ძირითადად მართებული იყო მთელი შემდეგი დროისა-თვისაც და იმიტომ მოვიყვანთ მას: „განა ამ სტრიქონების დამწერი, ამბობდა ნ. ნიკოლაძე, ყველაფერში ეთანხმება. მაგალითად, გ. წე-რეთელს, ი. ჭავჭავაძეს, აკ წერეთელს, ან ს. მესხს? ან განა ესენი ყველაფერში ეთანხმებიან მას? არა! ზოგიერთ საქმეში, ზოგიერთ კითხვებზე ჩვენ სხვადასხვა აზრისა ვართ. მაგრამ ჩვენ საზოგადო მიზანი ყველას ერთი და იგივე გვაქვს და უნდა გვქონდეს. ამ საზოგადო მიზანს ჩვენ ყველანი, ჩვენი ძალისა და ცოდნის მიხედ-ვით, ერთგულად ვმსახურებთ და თუ წვრილმან აზრებში, წვრილ-

1) ი. ჭავჭავაძის თხზულებანი, მ. გედევანიშვილის გამოცემა, გვ. XLI.

2) „მნათობი“, 1936 წ. № — 6, გვ. 248.

მან საგნებზე, ან შემთხვევებზე — ვშორდებით, ეს ერთმანეთის (პატივისცემის შეწყვეტის ნებას არ გვაძლევს¹⁾).

ილია მოხუცებულობაშიაც ისევე ფიცხად ეკიდებოდა პერიკლის ნების საკითხს, როგორც ახალგაზრდობაში. უკანასკნელადვე მისი მოუხდა 1905 წელს, როდესაც ილია უკვე 68 წლისა იყო! ბანკის ერთერთ კრებაზე, 1905 წ. 18 ივნისს, როდესაც იგი მკაცრად აკრიტიკებდა თავად მიხეილ ვეზირიშვილის თავმჯდომარეობით არსებული კომისიის მოქმედებას, ილიამ მოინდომა ოქმის ერთერთი ადგილის წაკითხვა. ვეზირიშვილმა დაუძახა: სხვას გადაეცით ოქმი წასაკითხად. როგორ, მე არ მენდობით? შეეკითხა ილია. დიად, თუ გნებავთ, ვერ გენდობითო — უპასუხა მ. ვეზირიშვილმა. ილიამ მოკლედ დასძინა: მაგისტვის პასუხს აგებთო. ცოტახანს შემდეგ მან გაუგზავნა მ. ვეზირიშვილს თავისი სეკუნდანტები — მ. გრუზინსკი და ინჟინერი დავით ჯორჯაძე, შემდგომ ხანებში გაზეთ „სახალხო საქმის“ ოფიციალური რედაქტორი. მ. ვეზირიშვილის სეკუნდანტები იყვნენ ალ. კობიაშვილი და ექიმი ალ. დიასამიძე, რომელსაც აქამდე შეუნახავს და ახლა ჩვენ გადმოგვცა სეკუნდანტების თათბირის ორი ოქმი, ერთი 1905 წ. 21 ივნისის, მეორე 23 ივნისის თარიღით. იქ დაწვრილებით არის მოთხრობილი მთელი ინციდენტი. რასაკვირველია, ორივე მხარის სეკუნტანტები თავგამოდებით ცდილობდნენ საქმე სისხლის დაღვრამდე არ მისულიყო, მაგრამ ილია თურმე ძალიან გაჯიუტდა. იგი მოითხოვდა მ. ვეზირიშვილმა იმავე კრებაზე მოითხოვოს ბოდიში, სადაც ინციდენტი მოხდა, თუ არა ღუელი უეჭველად უნდა გაიმართოსო. მ. ვეზირიშვილი თურმე დიდი პატივისმცემელი იყო ილია ქავჭავაძისა და ბოლოს მან დასთმო. შერიგება მოხდა ბანკის რწმუნებულთა კრებაზე 23 ივნისს — „ორივე მხარის სეკუნდანტთა სასიხარულოდ“ — ნათქვამია მეორე ოქმის მინაწერში.

თუ რაგვარად აფასებდა ილია აკაკი წერეთელს, მიუხედავად მათ შორის მრავალი უსიამოვნებისა, ეს კარგად ჩანს იმ წერილში, რომელიც ზემოთ უკვე მოვიყვანეთ, გაზეთ „ივერიის“ დაარსებაზე რომ ვლაპარაკობდით.

იგი ფრიად ბევრს კითხულობდა როგორც სამეცნიერო, ისე მხატვრულ ლიტერატურას. ილია თავიდანვე შემოვიდა ქართულ საზოგადოებრიობაში, როგორც ევროპული განათლების მოციქული. არტ. ლეისტი თავის ფრიად საინტერესო და დაკვირვებულ

¹⁾ „კრებულო“, 1872, X — XII,

მოგონებებში, ძალიან ბევრ საეურადღებო ამბავთან ერთად
გადმოგვცემს:

„აღმოსავლეთს ვერ შესწევს ფილოსოფობა იმდენად, როგორც
დასავლეთ ევროპელს ესმის, სიტყვა ილიამ. ადამიანის ცხოველურ
და სავნებზე ფხიზლად მსჯელობა, გრძობათა დაუხმარებლად, მგო-
ნია შეუძლებელია აღმოსავლეთშიო... საზოგადოდ ილიას სპარ-
სული პოეზია არ მოსწონდა. ამბობდა, მან მრავალ საუკუნეთა გან-
მავლობაში ცუდი გავლენა მოახდინა ქართულ მწერლობაზე, რაღაც
ქალური-გულჩვილობის შეტანით და აზრთა გარყვნილებითაო... მას
სურდა ქართული მწერლობა მოეშორებინა აღმოსავლეთის გავლენ-
ისთვის და გაეფეროებინა“¹⁾.

ილიას ძლიერ აინტერესებდა, ლიტერატურულად, ესპანელი
„გრანდის“ (გალატაკებული კუდა-აზნაურის) ტიპი. ასეთი ტიპები
ჩვენში ბევრნი არიანო. მას ძლიერ სურდა, რომელიმე მწერალს
ასეთი ტიპები დაეხატა ქართულ ლიტერატურაში.

ჩვენ ვიცით, თუ რა მალა აეყენბდა ილია ჭავჭავაძე ვაჟა-ფშა-
ველას და მის პოეზიას. „ხშირად, როცა ილიას სამუშაო ოთახში
შევდიოდი, ილია მომეგებებოდა: კარგი საჩუქარი მაქვს თქვენთვისო
და წამიკითხავდა ვაჟა-ფშაველას რომელიმე ახალ ლექსს“, გად-
მოგვცემს არტ. ლეისტი.

გ. ყიფშიძე (აგრეთვე ი. მანსვეტაშვილიც) მოწმობს, რომ ილიას
უთქვამს: არა, ჩვენ, ძველებმა ახლა კალამი ძირს უნდა დავდოთ!
გზა ვაქვს უნდა დავუთმოთო.

ორიოდე სიტყვა ილიას ორატორობაზე. ილია გარეგნად ყოველ-
თვის დინჯი. მოფიქრებულად მოლაპარაკე იყო. დარჩენილია რამ-
დენიმე ნიმუში მისი ენამზეობისა: სხვადასხვა დროს წარმოთქმუ-
ლი სიტყვები. მაგრამ მარტო წაკითხვით, ცხადია, ძნელია ილიას
ორატორული ნიჭის სავსებით წარმოდგენა. იგი კი, ყველა თანა-
მედროვეთა მოწმობით, შესანიშნავი მჭერმეტყველი, გონება-მახვი-
ლი და მხატვრული სახეებით მოლაპარაკე იყო. მისი მჭერმეტყვე-
ლების ძალას მოწინააღმდეგენიც უცილობლად აღიარებდნენ და
მორჩილად ქედს იხრიდნენ. ბანკოვიადის ხანაში ეგრეთწოდებული
მაჩაბლისტების ერთერთ ბელადსა და თვითონაც კარგ მოლაპარა-
კეს, მიხეილ მაჩაბელს, არაერთხელ დაუწყია თავისი სიტყვა ასეთი
გულწრფელი განცხადებით: რასაკვირველია, მე არა ვფიქრობ მჭერ-
მეტყველობაში ილია ჭავჭავაძეს შევეჯობო. მე მას არაერთხელ
დავუმარცხებივარ ამ მჭერმეტყველების ტურნირებშიო. ილიას ერთ-

¹⁾ „საქ. გული“, 1923 წ. გვ. 34.

ერთი საუკეთესო სიტყვა, წარმოთქმული წინააღმდეგობის კარის ცნობის გახსნაზე, ინგლისურად გადათარგმნია ცნობილ ოლ. უორდროპს და იგი ქრესტომათიაში მოუთავსებიათ, როგორც ქვეყნის სიტყველების ნიმუში. ცნობილია აგრეთვე ი. ჭავჭავაძის მისთვის დანიშნული პასუხები რეპლიკებზე, რომლებსაც მემუარისტები გადმოგვცემენ და რომელთა კვალიც მაშინდელ ჟურნალ-გაზეთებსა და კრებების ანგარიშებშიაც მოიპოვება...

საინტერესოა თვითონ ილიას მოწმობა თავის ლაპარაკზე. ჩემი წესი ეს არის, — ამბობდა იგი გ. ჟურულთან საუბარში: არ დავიწყებ სიტყვას, თუ არ გადავწყვიტე ჩემთვის, როგორ დავიწყო სიტყვა და როგორ დავათავო. რაკი თავი და ბოლო გათვალისწინებული მაქვს, უკვე აღარაფრისა მეშინიანო.

ჩვენის აზრით, მემუარისტთა შორის ილია ჭავჭავაძის ორატორობის შესახებ ყველაზე სწორ სურათს იძლევა ილ. ზურაბიშვილი და ამიტომ მთლად მოვიყვანთ ამ მოგონების სათანადო ადგილს.

„ილია მოსაუბრე ორატორი იყო, ამბობს ი. ზურაბიშვილი. კრებას იგი ისე ელაპარაკებოდა, თითქო შინაურობაშია და რალაც საინტერესო რასმე უამბობსო დინჯად, წყნარად, აუღელვებლად. იგი საკვირველი ოსტატობით ხმარობდა უხვად მომადლებულ ნიჭს ჰუმორისას, რომელიც ხანდახან სარკაზმში გადადიოდა... ილიას ორატორობაში თეატრალიზაცია სულ არ სჩანდა, არტისტული კი დიდად. მას არ მოსდგამდა კილოშეკიდებული ლაპარაკი, ხმის აკანკალება და პათოსი, ხელების სავსავი და გადამეტებული ექსტიკულიცია. სამაგიეროდ, როცა საჭირო იყო, მან იცოდა სხეულის რაიმე მოძრაობით მიზანში ამოღებული მოწინააღმდეგის სუსტი მხარის გამოშვებება. მაგალითად, თვალნათლივ მახსოვს ერთი მომენტი. ლაპარაკი იყო ბანკში მუშაობაზე, ვინ რას აკეთებსო. ილიას სიზარმაცეს სწამებდნენ. რამდენადაც მახსოვს, ილიამ სთქვა, — საქმე ის კი არ არის, ყველას კარებში მიეგებო — „Пожалуйте, что прикажете? К вашим услугам“ და სხვა ამისთანებიო. — და ამ დროს ილიამ ისეთი პოზა მიიღო, ისე სხარტად გააქლასუნა იატაკზე ფეხები, თანაც იგი ისე იფშენებოდა ხელებს და ისე გამოიყურებოდა, რომ... იქ მყოფთ თვალწინ წარმოუდგათ ყველასათვის კარგად ცნობილი, ზრდილობიანი და ყურადღებით სავსე შეხვედრა ივანე მაჩაბლისა. ამავე დროს ილიას მიმოხედაში იმდენი არტისტული კოზიზები იყო, რომ დარბაზში სიცილი ვაისმა.

ამასთანავე, ილია საკვირველად უსინჯავდა აუდიტორიას კბილს. მან ყოველთვის კარგად იცოდა დარბაზში მყოფთა სულიერი გან-

წყობილება და რა დროს რა ოსტატური ხერხისთვის უნდა მივი-
მართნა...

ილიას პათოსი — განრისხება იყო. რისხვა კი დიდი მარტინიანი მარტინიანი ყვირილი, არა ძახილი ხმითა დიდითა, არა ვაი უშველებელი მარტინიანი ოდნავი ხმის აწევა და ფოლადური სიმტკიცე თითოეულ სიტყვაში, თანაც ცეცხლით ანთებული თვალები და დოღში გამოსული ბედაურივით ამოძრავებული ცხვირის ნესტოები. ამ დროს მთელი მისი არსება ენერჯის განხორციელება იყო.


ხმა ილიას დიდი არა ჰქონდა, არც ძალიან მეღერავი, მაგრამ მკაფიო, მკვეთრი და დიდ დარბაზშიაც კი ნათლად გასაგონი“...

საერთოდ ილია ჭავჭავაძე ტემპერამენტის იყო ყველაფერში, რასაც კი ხელს მოჰკიდებდა, მაგრამ სრულიად არაატაკებული. ი. მანსვეტაშვილის გადმოცემით, თვითონ ილია იტყოდა ხოლმე: კამეჩის ჯიშისა ვარ. რაგინდ მძიმედ დატვირთული ურემი იყოს, ზრამიდანაც ამოვიტან, თუ უღელში შესაფერი ტოლები მეყოლებიან. მაგრამ ოჩანი ცხენის ზნეცა მჭირს: თუ ერთი შევდექი, დავოჩნდი — გათავდა, მერე კეტებით რომ მცემოთ, წინ ფეხს ვეღარ გადამადგმევენებთო.

ალბათ ამ თვისების გამო ზოგიერთი მემუარისტი ლაპარაკობს ილია ჭავჭავაძის ვითომდა ზარმაცობაზე. მაგრამ იმავე მემუარისტების მიერ მოყვანილი ფაქტებიდან ცხადი ხდება, რომ ეს, სულ ცოტა რომ ვთქვათ, გაუგებრობაა. გავიხსენოთ ჯერ მისი საზოგადო საქმიანობა, ბანკი და ბევრი სხვა ქართული დაწესებულება, რომლებშიც ილია მონაწილეობდა. გადავხედოთ მის ნაწერთა ჯერ გამოუცემელ ზღვას და ადვილად მივხვდებით, რომ ილიას ზარმაცობა ზღაპარია. პირიქით, საკვირველი ისაა, თუ როგორ ასწრებდა იგი ამდენის კეთებას! მუშაობა კი გატაკებული და თავგამოდებული იცოდა: რამდენჯერ დასთენებია უბრალო მეთაურის წერაზე, საგაზეთო მასალის სწორებაზე, ენის უმართებულობასთან ბრძოლაში. და ილია ამას სჩადიოდა იმიტომ, რომ უდიდესი პასუხისმგებლობა ჰქონდა მკითხველის წინაშე, საზოგადოების წინაშე, ქართული ენის წინაშე!

და თუ მძიმე შრომის შემდეგ, ილია ჭავჭავაძე მართლაც ისვენებდა დევგმირივით, ან გატაკებით თამაშობდა ბანქოს, ნარდსა და სხვას, ეს აღარ უნდა იყოს საკვირველი, თუმცა ეს არც თუ ისე ხშირი ამბავი იყო.

ცოტა რამ კიდევ ილიას ენაზე. ზოგნი აღნიშნავენ, რომ ილიას პუბლიცისტური ენა, მიუხედავად მხატვრულობისა, ნაკლებად სხარტია, მრავალსიტყვიანიაო (ი. შეუნარგია, გ. თუმანოვი). ილიას ენა



ძეგლი „მწუხარე საქართველო“ ილიას საფლავზე

აქ მართლაც ნაკლებად ეკონომიურია, მაგრამ ეს აიხსნება მანინ-
დელი საგაზეთო პირობებითაც. მოუმზადებელი მკითხველისთვის
საქრობ იყო ხშირი განმეორება და გადახვევანი, რომლებსაც მანინი
თავდნენ, რუსეთის ისეთი მწერლებიც, როგორც ივენტი მწერლები
ჩერნიშევსკი და მიხაილოვსკი.

მაგრამ, სამაგიეროდ, რა ექსპრესიით, რა ხალისითა და ბრწყინ-
ვალედ არის დაწერილი ილიას პოლემიკური წერილები და ფელე-
ტონები 1902 წლისანებზე კი! აქ სრულიად არაა ის მდორეობა,
რომელიც ზოგ მის საგაზეთო წერილს ეტყობა. მის მხატვრულ ნა-
წარმოებთა შესახებ ხომ ლაპარაკიც მეტია! ზოგი მათგანი ილიას
სულ მოკლე ხანში (5 დღესა და ღამეს) დაუწერია, ერთი შეტევით,
მდევისებური აღტყინებით, მაგალითად „ოთარანთ ქვრივი“ და
მერე რამდენ დიდტანიან სოციოლოგიურს ტრაქტატს აღემატება ეს
შედარებით პატარა, მაგრამ მრავალმეტყველო, ქანდაკისებური ქმნი-
ლება! ილიას სტილი მოთხრობებში, განსაკუთრებით კი „ოთ. ქვრივი-
ში“ თანაბარი, ძარღვიანი და ლაპიდარულია. ილია თავის მხატვ-
რულ ნაწერებსაც მერე ბევრს ასწორებდა, მაგრამ ეს შეეხებოდა
უფრო წვრილმანებს. ილია ერთ კერძო წერილში აღნიშნავს: მო-
თხრობამ ისე უნდა იაროს ქვეყნად, როგორც პირველად შობილათ.
საერთოდ კი, როგორც თავის მხატვრულ ნაწარმოებებსა, ისე პუბ-
ლიცისტიკაში, ილია ქავეკავაძე გვევლინება როგორც ქართული
ენის, მისი უხვი ლექსიკონური განძის საუკეთესო მცოდნე და ენა-
მზე ოსტატი.

აღსანიშნავია ილიას პურადობა. ჩვენში მაშინ ჩამოსულ ყველა
უცხოელ მეცნიერთა თუ მწერალთა მასპინძელი მუდამ ის იყო.
გაეიხსენოთ აგრეთვე მისი „ხუთმაბათები“, რომელსაც ქართველი
ლიტერატურული მოღვაწენი სისტემატურად ესწრებოდნენ და
ბოლოს ცნობილი ილიაობა (20 ივლისი) საგურამოში, სადაც ყო-
ველწლიურად ასობით სტუმარი იკრიბებოდა. — წინააღმდეგ ზო-
გიერთი მეშუარისტისა, რომელთაც ამ დღესასწაულში მხოლოდ ქეი-
ფი და ღრეობა შეუშინევათ, ილიობას ფრიად დიდი კულტურულ-
საზოგადოებრივი მნიშვნელობა ჰქონდა. მისთვის წინდაწინვე ემზა-
დებოდნენ ქართველი ჟურნალისტები, ლიტერატორები, პოეტები და
მწერლები. აქ ხდებოდა, როგორც ერთმა მონაწილემ სთქვა, ერთ-
გვარი დათვალიერება, ყოველწლიური პარადი და შემოწმება ეროვ-
ნულ-კულტურული ძალებისა. „მხოლოდ თითო-ოროლა სახელოვან-
ნი ჩვენი მწერალი და მოღვაწე თუ არ ყოფილა როდისმე ამ დროს
საგურამოში, თორემ დანარჩენთა შორის ბევრს არ მოისაკლისებ-
დიოთ“, ამბობს ვრ. ყიფშიძე. აქ თავს იყრიდნენ „ილიას მეგობრები

და ამხანაგები, მისი პატივისმცემელი ტფილისიდან, ქუთაისიდან, სოფლებიდან, ქალი, კაცი, მოხუცი და ახალგაზრდობა. სუფრა აღორე გაიშლებოდა: რამდენიმე სუფრა მეორე სართულში და რამდენიმე ეზოში, აგრეთვე საგურამოს გლეხებისათვის“¹⁾ დასძენს გარკვეულ შვილი. საერთოდ ილიას ყოველთვის კარგი განწყობილებას უწყობდა საგურამოელ გლეხებთან და ბევრ მათგანთან უყვარდა ბაასი. სოფლის მუშაობაშიაც ბევრჯერ მონაწილეობდა, განსაკუთრებით კალოობის დროს. „აქ, საგურამოში უახლოვდებოდა ილია ხალხის ცხოვრებას და ენას, ამბობს ი. მეუნარგია. ყოველ შეყრასა და გამოლაპარაკებაზე სოფლის ხალხთან ილიას, როგორც ფუტკარს, საზრდო გამოჰქონდა ხალხიდან თვისი სიტყვიერებისათვის. დღეს ამ გლეხმა ესა და ეს ჩემთვის უცნობი სიტყვა სთქვაო, იტყოდა მგოსანი... ხალხი იყო ილიასთვის წყარო მოკამკამე ენისა და გამოთქმისა“²⁾.

გარდა ამ ფართო პურადობისა, გავიხსენოთ აგრეთვე, რომ გაზეთი „ივერია“, მეტწილად ხარჯებს ვერ ასდიოდა და ი. ქავჭავაძე თავის ჯიბიდან ადებდა ფულს მის გამოცემას, რათა ეს ერთადერთი ქართული გაზეთი არ შეჩერებულიყო.

პირად ცხოვრებაში, პირველი შეხედვით, ილია თითქოს მიუკარებელი და გულჩათხრობილი იყო. ტკბილი სიტყვა რას მიქვიანო, შეეძლო განემორებინა პოეტს საკუთარ თავზე თავისი ოთარაანთ ქვრივის ნათქვამი. საერთოდ ილიას ბევრი რამ აქვს თავისი პირადი თვისებებიდან მიწერილი ოთარაანთ ქვრივისადმი. აი, ერთ-ერთი მისი ბარათი მეუღლისადმი 1887 წლის თარიღით №158). აქ ილია შესანიშნავად ახასიათებს თავის თავს და აშკარად ცხადჰყოფს ოთარაანთ ქვრივის ხასიათის ზოგიერთი დეტალის წარმოშობას.

„ოცდაოთხი წელიწადია ერთად ვცხოვრობთ და ნუთუ ჩემი საძაგელი ხასიათი ვერ იცანი ჯერაც, სწერს ილია მეუღლეს. განა არ იცი, რომ თუ შეწყინა რამე, გულში ჩავიხვევ ხოლმე და შებლს აღარ გავიხსნი არავის წინ, ვინემ გულიდამ ჯავრს არ გადავიყრი. ორმოცდაათი წლის კაცი ვარ და ხელახლა ხომ აღარ დავიბადები?.. ღმერთს ჩემთვის ალერსის ნიჭი და უნარი არ მოუცია და როცა მეტი გზა არ არის, რომ ალერსიანი სიტყვა ვუთხრა ვისმე, მე თვითონ ვწითლდები. გაწითლებას კიდევ ვავუძლებდი, სწორედ სულიერად ვიტანჯები ხოლმე. ასე მგონია ხოლმე, რომ გული გავიუპატიურე, როცა წმინდად გულში შენახული გრძნობა პირით გამო-

1) „მემუარები“, გვ. 92.

2) „მნათობი“, 1936 წ. № 5—6, გვ. 249.

ითქმის. იგი გრძნობაა მართალი, რომელიც კატასავით დღე მუდამ არ სჩხავის და მზეთუნახავად დაბინავებულია გულში“.

ილია ადვილად არ დაიხლოვებდა ვისმე. მაგრამ მეგობრობა ჰქონდა, მათთან უყვარდა როგორც მუშაობის უფროსობა და გართობა. ამ მხრივ უნდა აღინიშნოს მისი ურთიერთობა ცნობილ მწერალ-მკვლევარ ნიკო ხიზანიშვილთან, (მეუღლე მსახიობ ე. ჩერქეზიშვილისა). ნ. ხიზანიშვილი ილიას ერთი ნიჭიერი თანამშრომელთაგანი იყო, კარგი მოქართულე და ძალიან ენაბნევილიც. განთქმული იყო მისი სმა-ჭამის სიყვარული. მოვიყვანთ ილია ჭავჭავაძის ერთერთ სახუმარო და თანაც გულთბილ ბარათს მისდამი:

„ყოვლად მოწყალე ბატონს გაუმაძღარს ნიკო ხიზანიშვილს. ჩემო კარგო ნიკო! სწერს ილია. იმდენად შენი გაძღომა არ მინდა, რამდენადაც შენი ნახვა ერთ საჭირო საქმისათვის; რადგანაც შენ საქმე ისე არ გაგიტაცებს, როგორც საქმელი, ამიტომ გახარებ, რომ დღეს ძალიან კარგი ორაგული გვაქვს. ერთი სიტყვით, ორაგულია ისეთი, რომ შახტები და შემოტრიალდები სიმსუნავით, თუ შენი ჩვეულებრივი დარბაისლობა არ დაგიშლის ამ შეხტომას და შემოტრიალებას. შენი ილია ჭავჭავაძე“.

ილიას ჰყვარებია სუფრაზე მოღებენა, სიმღერა, მაგრამ თვითონ სმენა ნაკლებად ჰქონია და არც ხმა უყვარგოდა სასიმღეროდ. „ძალიან უყვარდა სიმღერა — „მუმლი მუხასა“ გადმოგვცემს თავის „მემუარებში“ გ. ლასხიშვილი. ეს იყო, მგონი ერთადერთი სიმღერა, რომლის ასრულებაში თვითონაც იღებდა მონაწილეობას. „მუმლი მუხასა ვარს ეხვეოდა“, დაიწყებდა ილია. ბოლოს მაღალი ხმით, მაგიდაზე მუშტის დაკვრით გაათავებდა: „მუმლი დაიღრჩო, მუხა გადარჩაო“, ისეთი ახალგაზრდული გატაცებითა და გრძნობით შეჰყვირებდა. თითქო თვალწინ ხედავდა, როგორ იღრჩობოდნენ საქართველოს მტერნი (მუმლი) და როგორ გადარჩა მუხა (საქართველო).¹⁾

არტ. ლეისტის სიტყვით, ილიას სიამოვნებას ჰგვირდა მოსმენა ავტომატური საკრავისა, რომელიც 80-იან წლებში პროფესორ ილია ოქრომჭედლიშვილს ეძღვნა მისთვის. სიბერის ეამს მას შეუყვარდა ერთი ქართული სიმღერა, რომელსაც გრამოფონზე ხშირად აკვრევინებდა. ეს იყო:

სული მიწუხს,
გულიც მასთან ღონდება.

¹⁾ „მემუარები“, გვ. 92 — 3.



და სხვა. ერთხელ ილიას უთქვამს არტ. ლეისტისთვის: „არტურ, ჩემი სიკვდილის შემდეგ მშობლებს ჩემს რთ ეს ჰანგი და მაშინ, უეჭველია, მოიგონებთ თქვენს მეგობარს და მშვენიერ დღეებს, რომელიც ერთად გვიტარებიაო“. ილიას მოსაგონებლად, რასაკვირველია, ეს ჰანგი ჩემთვის საჭირო არ არის, დასძენს ა. ლეისტი, მაგრამ ილიას გარდაცვალების შემდეგ თითქმის ყოველდღე რამდენჯერმე დაბალის ხმით ვიმღერო და მასთან ერთად ვიგონებ ილიას ნაღვლიან სიტყვებსო.¹⁾

საინტერესოა ილიას გარეგნობა თანამედროვეთა აღწერით. დაბალი ტანისა, ჩასხმული, კარგად ჩასქელებული — ამბობს ი. მანსვეტაშვილი. ამ ტანზე თავი, რომელიც საბერძნეთში ღირსი და დამაძმვენებელი იქნებოდა ფიდიუსის ქანდაკებისა; მაღალი, გადატკეცილი შუბლი, საგანგებოდ სწორი ცხვირი, პრგვალი, მოძრავი ნესტოებით, მაგრად მოკუმული ტუჩები ისე, რომ კბილებს არასოდეს გამოაჩენდა, ცოტა წინწამოწეული ნიკაპი, ჭკვიანი, მეტყველი თვალები, ხან ლმობიერნი, ხან ცეცხლის მფრქვეველნი...

XIX

თვითმპყრობელობის პროვოკაცია. ილია ჭავჭავაძის მოკვლა. ილიას დაკრძალვა. სიტყვები. ილიას ძეგლი.

და აი ასეთი შესანიშნავი ადამიანი და ჩვენი ხალხის საკეთილდღეოდ დაუღალავი მოღვაწე — ავაზაკურად მოჰკლეს 1907 წლის 30 აგვისტოს დღისით, მზისით. მთელი 30 წლის განმავლობაში საიდუმლოებით იყო მოცული ნამდვილი მიზეზები წიწამურის ტრაგედიისა. მხოლოდ ახლა, საბჭოთა ხელისუფლების დროს, მოგვეცა საბუთები იმისა, რომ ვთქვათ: ილია ჭავჭავაძის მოკვლა მოაწყეს თვითმპყრობელობის აგენტებმა, რადგან ილია მიაჩნდათ ისეთ დიდ ფიგურად, რომლის გარშემოც შესაძლებელი იყო ეროვნულ-განმათავისუფლებელ ძალთა დარაზმვა. მათ მიზნად ჰქონდათ ფართოდ მოფიქრებული პროვოკაცია და კინალამ მიზანსაც მიიღწიეს: მათ საშინელი არეუ-დარევა შეიტანეს ქართულ რევოლუციურ წრეებსა და პარტიებში და კინალამ ერთმანეთს დაატაკეს ისინი. მაგრამ ილიას სიკვდილმა, ბოლოს და ბოლოს, სულ სხვა როლი ითამაშა, ვიდრე მისი ორგანიზატორები მოელოდნენ. თავზარდაცემული სა-

¹⁾ „საქ. გული“, გვ. 48.

ზოგადოება უფრო მეტად შემქმნელობდა, უფრო მეტად დაიწყო თვითმპყრობელობის რუსიფიკატორულ-კოლონიური პოლიტიკის წინააღმდეგ. ამ გრძნობამ ამ სულსკვეთებამ ცოტა ხნის წინ შესანიშნავი გამოხატულება ჰპოვა — აკაკი წერეთლის (1908 წელს), როდესაც ერთხელ კიდევ მძლავრად იფეთქა ეროვნულ-რევოლუციური განმათავისუფლებელი საქმისადმი სიყვარულმა.

ცენტრარქივში მოიპოვება საქმე ილია ჭავჭავაძის მკვლელობისა, სადაც თავმოყრილია დიდძალი მასალა. ამ და სხვა მასალის გადათვალიერებით ირკვევა, რომ ილია ჭავჭავაძის მოკვლა მოწყობილია მოურავის დიმიტრი ჯაშის ხელმძღვანელობით, რომელიც პროვოკატორი აღმოჩნდა. მთელი ამ საქმის საბოლოოდ ნათელსაყოფად ამჟამად სწარმოებს მუშაობა და სათანადო დოკუმენტები უახლოეს მომავალში ცალკე წიგნად გამოიცემა. ახლა კი მოკლედ მოვიყვანთ მხოლოდ წინასწარ ცნობებს.

როგორც კი გამოძიება დაიწყო, მაშინვე ეჭვი დ. ჯაშზე მიიტანეს. იგი 1907 წლის მაისიდან თუ ივნისიდან დამდგარა ილიას მოურავად. წინათ მას ათასგვარ საქმიანობაში უცდია ბედი: ყოფილა ჯერ ასოთამწყობად, შემდეგ ჟურნალისტად, შემდგომ მოურავად, ილიას მკვლელთა საქმის გარჩევისას კი გვევლინება, როგორც მთავრობის გაზეთ „კავკაზის“ რეპორტიორ-კორესპონდენტი.

ყველანი, ვინც კი ჩვენებს იძლევა, ჯაშს ახასიათებენ ბნელ, უსიმპატიო პიროვნებად. თავდაპირველად გამოძიებას აწარმოებდა დუშეთის მაზრის უფროსი ყარაიმან ფაღავა: იგი აღნიშნავს: გლეხები ილიას მკვლელობის მომწყობად ასახელებენ ჯაშს, მაგრამ ისე არიან დაშინებულნი მისგან, რომ დასძენენ: საჯაროდ ამას ვერ ვიტყვით, ამოხოცვისა გვეშინიაო (საქმე № 17 — გვ. 32).

ურიადნიკი ემეცი ამბობს: მე და დ. ჯაშის მკვლელობის დღეს მოვდიოდით ქალაქისაკენ. ის ნერვიანობდა და წამდაუწყუმ ამბობდა: ილია ჭავჭავაძე უნდა ჩამოსულიყო, აი, სადაც არის გამოჩნდება მისი ეტლიო. როდესაც მოკლულის ეტლს მივადექით „ჩემთან ლაპარაკის დროს ამნაირი სამწუხარო სურათის (მოკლული ილიას დანახვაზე), ჯაშმა სთქვა „მადლობა ღმერთს, კნენაც მოუკლავთო“. მე ძალიან გამაკვირვა ამან და ვერ მივხვდი, თუ რატომ გაეხარა მას კნენას სიკვდილიო“ (იქვე, გვ. 79). თვითონ ჯაშის ადასტურებს: ჩემმა ცოლმა დარიამ ერთი თვის წინათ იცოდა კნენას მსახურის პელაგია მკურნალადისაგან, რომ ილია უნდა მოეკლათ. პ. მკურნალაძე ეუბნებოდა დარიას: აქ სად მოსულხართ, როგორ არ გეშინიათ, რომ მოგკლავნო. პირისპირ წაყენებისას

პ. მკურნალაძე კატეგორიულად უარპყოფს: ეგ რომ მკოდნოდ რალა მაგათ გავაფრთხილებდი, მე თვითონ წავიდოდი აქედან. „შეიძლება ის (დარია ჯაში) მომაწერს კაქუნიან რაც მან ჩემზე უკეთ იცოდაო“. (იქვე გვ. 177.)

როგორც ილია, ისე მისი მეუღლე თლლა ეშვით უყურებდნენ დ. ჯაშს. მკვლელობის შემდეგ თლლა აჩვენებს: ჩემოდანში წერილები მქონდა ილიასი, რომელშიაც მწერდა: ჯაში მატყუარა და არაკეთილსინდისიერი კაცი აღმოჩნდა. როგორც ჩამოვალ, სამსახურიდან დავითხოვო. როდესაც გრძნობადაკარგული ეტლით მივყავდით საგურამოსკენ და ეტლში ჯაში მიჯდა, სულ იმის გრძნობა მქონდა, რომ ილიას მკვლელი იყო ჩემთან და იმას ეჭირა ჩემი ხელიო.

ილია ქავჭავაძის მეფუტკრე დანიილ მასლოვი აჩვენებს: ჯაში ილიას წინააღმდეგ ინტრიგებს ეწეოდა მოსამსახურეებსა და გლეხებში. ილიამ ერთხელ უთხრა კიდევ: „მე კარგად ვხედავ, რასაც სჩადიხართ. თქვენ გინდათ ხალხის თვალში ანგლოზის სახელი დამსახუროთ. მე კი რალაც მტარელად გამომიყვანოთ, მაგრამ თქვენ არ გესმით, რომ მე თქვენზე უფრო მეტად მიყვარს ეს ხალხიო“ (იქვე, გვ. 177).

დაბალი მოხელეები თითქოს გულმოდგინედ აწარმოებდნენ მკვლელობის გამოძიებას, მაღალი ადმინისტრაცია კი ნაკლებად იყო შეშფოთებული. დიმ. ჯაში დააპატიმრეს 1907 წ. სექტემბერში და იგი რამდენსამე თვეს იჯდა ციხეში. ერთერთ განცხადებაში აღმინისტრაციის სახელზე, ჯაში თავს იკატუნებს და ამბობს: გამიშვით და მე დაგენმარებით ილიას მკვლელების აღმოჩენაშიო. მკვლელობის შესახებ წერილი გავგზავნე გავ. „ზაკავკაზიში“, არ იბეჭდება და აიძულეთ მისი რედაქტორი პ. გოთუა დაბეჭდოს იგიო. როგორც ჩანს, ჯაშს იღუმალი მფარველები ჰყავდა. იმ ორ ტომში, რომელიც ჩვენ გადავადვალაიერეთ, ჯაშის უბრალო დაკითხვის ოქმიც არ მოიპოვება! სამაგიეროდ არის ტფილისის გუბერნიის ეანდარშთა სამმართველოს მოწერილობა 20 სექტემბრის თარიღით, №185, პა+ სუხად განსაკუთრებული მნიშვნელობის საქმეთა გამოძიების იანჩევსკის შეკითხვისა: დ. ჯაშის შესახებ წინათ გვქონდა მიწერმოწერა და მისი პოლიტიკური თუ სხვა მხრივ კეთილსაიმედობის შემბლაღველი საბუთის უქონლობის გამო ყოველგვარი ძიება შეწყვეტილიაო (იქვე, გვ. 105).

და აი, ჩვენ ვხედავთ, რომ დ. ჯაშს მალე ათავისუფლებენ. მას არ იწყებენ არა თუ ბრალდებულად, არამედ უბრალო მოწმედაც კი და იგი პროცესზე მიდის, როგორც უბრალო მაყურებელი. როგორც რომის ვაზეთ „კავკაზის“ წარმომადგენლად! მხოლოდ მფრინველ-ლავას მითითებით დაპკითხეს მას სასამართლოს სხდომაზე ზერულედ, ფორმალურად. ამის შემდეგ ჯაშში სადაც ჰქრება და 1914 წ. გვევლინება ბაქოში, როგორც რუსის შვერახშვილთა ორგანიზაციის წევრი, პატრიოტული მანიფესტაციის ბიურაულტარი (იხ. მწერალ მიხ. ჯავახიშვილის წერილი 1936 წ. „ლიტერ. საქართველოს“ № 11-ში. აგრეთვე ი. აგლაძის მოგონება ამავე ვაზეთის 1937 წ. № 10).

ილია ქავკაზიძის მკვლელობის საქმეზე დაპატიმრებულნი იყვნენ: თედო ლაბაური (ილიას მეეტლე), გიგოლა მოძღვრიშვილი, გ. ხიზანაშვილი, პ. ფშავლიშვილი (რომელიც ციხიდან გაიქცა და 1908 წ. დეკემბერში მოკლეს). პროცესზე დასახელებული იქნენ მკვლელობის მონაწილეებად სხვა პირებიც, მაგრამ მათი დაპატიმრება ვერ მოახერხეს. მათ შესახებ მასალები მოთავსებულ იქნება იმ კრებულში, რომელიც დასაბეჭდად მზადდება. რასაკვირველია. შემოხსენებული პირები მხოლოდ ბრმა იარაღს წარმოადგენდნენ პროვოკატორის ხელში.

თვითონ ილიას მოკვლა შემდეგ გარემოებაში მოხდა: იმ ზაფხულს პეტერბურგიდან ჩამოსვლის შემდეგ ილია თითქმის გამუდმებით ცოლისეულ მამულში (საგურამოში) ცხოვრობდა, სადაც მან გაატარა საუკეთესო ხანი თავისი სიცოცხლისა, სადაც დასწერა მრავალი თავისი საუკეთესო ნაწარმოები. სხვათა შორის — „განდევნილიც“. ცოტა ხნით ტფილისს ჩამოსული ილია და მისი მეუღლე ოღლა ბრუნდებოდნენ საგურამოს 30 აგვისტოს. ქალაქიდან ისინი გასულან დილის 11 საათზე ეტლით, მოსამსახურე იაკობ თორაშვილის თანხლებით. როდესაც ეტლი მიუახლოვდა წიწამურს (საგურამომდე დაახლოვებით 4 ვერსის მანძილზე), იაკობს შეუშინებია თოფებითა და რევოლვერებით შეიარაღებული ოთხი ავაზაკი. იაკობი გადმომხტარა ეტლიდან. ავაზაკებს თოფები დაუხლიათ მისთვის და მოუკლავთ. შემდეგ გაუჩერებიათ ეტლი და ბერდანის თოფი უსროლიათ ილიასათვის. ტყვია მას მოხვედრილი ჰქონდა მკერდში. ილიას მოესწრო მხოლოდ შეყვირება, „რას შვრებითო“ და რევოლვერი ამოეღო, მაგრამ ავაზაკებს დაესწროთ. ილიას ორი ქრილობა ჰქონდა თავშიაც თოფის კონდახით. კონდახებით თავგაჩეჩვილი იყო მისი მეუღლეც, რომელიც სიკვდილს გადაარჩა. მკვლელებმა თავისი მსხვერპლნი გაძარცვეს: წაიღეს ილიას ოქროს სა-

ათი, ოქროს სათვალე, მისი მეუღლის ოქროს ბროშა, საკვორი
ცოტოდენი ფულით.

ამ საშინელმა ამბავმა თავხარი დასცა მთელ საქართველოს. ყვე-
ლანი გულწრფელად გლოვობდნენ საქართველოს საამაყი, მშვენიერი
და ეროვნულ-რევოლუციური მოძრაობის უდიდესი მეთაურს, მის
ვერაგულად მოკვლას. ყველა გაზეთი, განურჩევლად მიმართულე-
ბისა, მკაცრად ჰკმობდა მკვლელობას და მოითხოვდა სასტიკ გა-
მობიებას. თუმცა ერთი წლის შემდეგ სასამართლოში პროცესი
იყო იმ პირებისა, რომელთაც ილია ჭავჭავაძის მკვლელობა ჰბრალ-
დებოდათ, მაგრამ დღემდე გამოურკვეველი რჩებოდა, თუ ვინ იყ-
ვნენ ნამდვილი ორგანიზატორები ამ საზიზლარი საქმისა. ერთი რამ
კი ცხადია, სავსებით მართალი იყო პოეტი ვაჟა-ფშაველა, როდესაც
გულდამწვარი სწერდა მაშინ: ილიას მკვლელობის მომწყობთ რომ
შესძლებოდათ, უეჭველად საქართველოსაც მოჰკლავდნენო.

ილია ჭავჭავაძის ჩამოსვენება საგურამოდან ტფილისში 7 სექტემ-
ბერს ეს იყო მთელი ქართველი ხალხის ნამდვილი მგლოვიარების
დემონსტრაცია. ვერაზე, ახლანდელი ლენინის ქუჩის დასაწყისთან,
სადაც ამჟამად აბრეშუმის საქსოვი ფაბრიკაა, ქუჩა სულ მთლად
გაქედილი იყო ხალხით. რომელიც ილიას ცხედარის ჩამოსვენებას
მოელოდა. ჩამოსულნი იყვნენ დეპუტატები საქართველოს ყველა
კუთხიდან. ცხედარს გარს ერტყა საპატიო მცველთა რაზმი, შავებ-
ში გამოწყობილი. ასეთი გრანდიოზული პროცესია ტფილისს ჯერ
არ ენახა.

ტფილისს პროცესიამ მიაღწია ნაშუადღევს 3 საათზე. ლენინის
ქუჩაზე გაიმართა სამგლოვიარო მიტინგი, რომელზედაც მრავალი
სიტყვა წარმოითქვა. ილაპარაკეს ი. ზურაბიშვილმა, სილოვან ხუნ-
დაძემ, ვლ. მიქელაძემ და სხვებმა. ცხედარი მიასვენეს სიონის ტა-
ძარში, სადაც მრავალი ხალხის თანდასწრებით დაკრძალვამდე პა-
ნაშვიდებს იხდიდნენ.

ილიას დაკრძალვა მოხდა 9 სექტემბერს. დასაფლავებას თითქმის
ასი ათასი კაცი დაესწრო. მის კუბოს და საფლავს ამკობდა ორა-
სამდე გვირგვინი სხვადასხვა დაწესებულებათა და პირებისაგან. რო-
დესაც პროცესიის თავმა რუსთაველის პროსპექტით ჭავჭავაძის ქუ-
ჩაზე შეუხვია, მისი ბოლო ჯერ კიდევ სიონთან იყო. ილია დაკრძა-
ლეს მთაწმინდაში. დასაფლავებაზე სიტყვები წარმოსთქვეს: აკაკი
წერეთელმა, ვაჟა-ფშაველამ, „მშაკის“ რედაქტორმა ქალანთარმა,
ნ. ცხევაძემ, ი. მეუნარგიამ, ი. ფანცხავამ, ირ. ევდოშვილმა,
გ. რცხილაძემ, ნინო ნაკაშიძემ, მემედ-ბეგ აბაშიძემ და მრავალმა
სხვამ. ორატორების სიტყვებზე ხალხი ბევრჯერ ქვითინებდა.

მაშინდელი ქართული გაზეთები სავსეა ილიაზე წერილებით. სამგლოვიარო დებეშებით საქართველოს და ვრცელი რუსეთის სივრცე-
დასხვა შორეული კუთხიდან, აგრეთვე საზღვარგარეთიდან.
ილია ჭავჭავაძის საფლავზე ძეგლის ასაგებად ქართველ-
დათოდ გროვდებოდა ფული. ჩვენმა მოქანდაკემ იაკობ ნიკოლა-
ძემ დაამზადა ძეგლი — მწუხარე საქართველოს — რომელიც ახლაც
ამშენებს პოეტის საფლავს მთაწმინდაში. იგი ოფიციალურად
გაიხსნა 1913 წლის 5 მაისს.

მაგრამ ილია ჭავჭავაძემ ხელთუქმნელი ძეგლი დაიდგა შეგნებუ-
ლი საქართველოს გულში თავისი მხატვრული ნაწარმოებებით და
თავისი საქმიანობით, რომელიც მხოლოდ ახლა, საბჭოთა ხელის-
უფლების დროს ფასდება გათვითცნობიერებული ხალხის მიერ ჯე-
როვნად და ღირსეულად.

ს ა რ ჩ ე ს ი

I

•ილიას დაბადება. კავკავაძეების გვარი. ილიას დედ-მამა. მამინდელი კახეთი. ილიას და-ძმანი. ვინ ასწავლა ანბანი. 7 — 11

II

•ილიას სწავლის ხანა. ვორონცოვის პოლიტიკა. ყირიმის ომიანობა და გლეხობის უკმაყოფილება. 12 — 18

III

•ილია ჰაკეს პანსიონში. ილია გიმნაზიაში. მისი მასწავლებლები. როგორ სწავლობდა ილია. 14 — 18

IV

ილია პეტერბურგის უნივერსიტეტში. ვინ ჰყავდა პროფესორებად. მამინდელი საერთო ატმოსფერო სტუდენტობაში. ილიას მატერიალური გაჭირვება. სიყვარული. ილიას იტაცებს გარიბალდის მოღვაწეობა. ილია და ქართული ბიბლიოთეკა. ილიას მსოფლმხედველობის ჩამოყალიბება. თერგდალეული. 19 — 33

V

•ილიას ჩამოსვლა. 60-იანი წლების საქართველო. პირველი ლაშქრობა ძველთა წინააღმდეგ „ცისკარში“. ილიას ჯგუფი. 33 — 38

VI

„საქართველოს მოამბის“ გამოცემისათვის მზადება. ვის ემინოდა. „საქ. მოამბე“ და მისი თანამშრომელი. რა იბეჭდებოდა ჟურნალში. პოლემიკა „ცისკართან“. ნ. ნიკოლაძის მოწმობა. ცენტრის სისასტიკე. 38 — 46

VII

•ილია და ოლა გურამიშვილი. შეყვარებული ილია. ილიას შეხედულება თავის აწმყოსა და მომავალზე. ქალის პატივისცემა. დაქორწინება. 46 — 48

9. ქრ. რაჭველიშვილი — ილია კავკავაძე. 129



ილია ქუთაისში. ილია დუშეთის მომრიგებელი შუამავალი. ილია მოსამართლე. ილია და ბატონყმობა. ილიას შეტაკება ბატონყმობის მომხრეებთან. ილიას მამული ყვარელში. 49 — 52

IX

ილიას მარტობა დუშეთში. ილიას იმდროინდელი მონაწილეობა ურნალ-გაზეთებში. „კრებული“. ტფილისს გადმოსვლის ცდა. „გამოცანები“ და შეტაკება გრიგოლ ორბელიანთან. აკაკი წერეთლის გამოსარჩლება. 52 — 58

X

თავდა-აზნაურთა ბანკი. ილიას მონაწილეობა წესდების შედგენასა და დამტკიცებაში. ილია — ბანკის გამგეობის თავმჯდომარე. დ. ყიფიანი, ნ. ნიკოლაძე, ივ. მაჩაბელი და ი. ჭავჭავაძე ბანკის საკითხში. 58 — 62

XI

ილია საზოგადო მოღვაწე. როგორი იყო 70-იანი წლების საქართველო. წერა-კითხვის საზოგადოება. გალაშქრება კატკოვის წინააღმდეგ. ილია მოითხოვს ერობისა და ნაფიც მსაჯულთა სასამართლოს შემოღებას. გალაშქრება იანოვსკის წინააღმდეგ. „დედათა საქმე“. ებრაელთა საკითხი. ილია — ცენტრი მაშინდელი ქართველი საზოგადოებისა. 63 — 70

XII

როდის დაიწყო ილიამ წერა? ილიას ლიტერატურული მუშაობა სტრუდენტობისას. „ივერია“. ილიას წერილი აკაკისთან. „ივერიის“ დაკეტვა მთავრობის მიერ. რა სთქვა „კვალმა“ „ივერიის“ განახლების გამო. ილიას ურნალისტობა და მისი ენა. როგორ დასწერა „ოთარაანთ ქვრივი“. ილია უხცო ენებზე. ილიას ფსევდონიმები. 70 — 73

XIII

ილია ჭავჭავაძე და უარყოფილება ჩვენში. „იმედის“ ჯგუფი. ილიას აზრი გლეხკაცობაზე. ილიას გავლენა ფართო ფენებში. ილიას იუბილეს გადახდის განზრახვა. 79 — 82

XIV

ილია ჭავჭავაძე 90-იან წლების დამლევს. ილიას აზრი კერძო და საზოგადო საქუთრებაზე. ილიას საუბარი პროფ. ი. ჯავახიშვილთან კოოპერაციაზე. ილია და მე-19 საუკუნე. შეტაკება მესამე დასელებთან. 83 — 89



ილიას ავადმყოფობა 1900 წელს. ილია სახლვარჯარეთ.

XVI

ეროვნული ბიბლიოთეკა

ილია ჭავჭავაძის წერილი პეტერბურგის სტუდენტებს. ილია 1905 წ. რევოლუცია. ილია და ჟურნალი „საქართველო“. ილია და საქართველოს პოლიტიკური ავტონომია. თავდასხმანობის ადრესი. ილიას სიტყვა აგრარულ საკითხებზე. ილია და რევოლუციური ბრძოლის მწვევე ფორმები. ილია და საგურამო. ილია ნაცრად ჰგნობს თავდასხმანობა შავ რაზმს. ილია და გურიის ამბები. ეანდარმერიიის აზრა ილია ჭავჭავაძეზე.

93 — 104

XVII

ილია ჭავჭავაძე სახელმწიფო საბჭოს წევრი. პროფ. ი. ჯავახიშვილის მოწმობა. ილიას ინტერვიუ გაზეთებთან, ილიას შეხვედრა სახ. სათათბიროს ქართველ დეპუტატებთან. ილია და ავტონომისტ-ფედერალისტთა კავშირი. ილიას აზრი სახ. საბჭოს წევრებზე. ილიას სიტყვა სახ. საბჭოში. ილია და სამხედრო-საველე სასამართლოები.

104 — 112

XVIII

ილია ჭავჭავაძის ნებრძოლობა. ილიას დღელები. ილიას ურთიერთობა ნ. ნიკოლაძესა და ა. წერეთელთან. ილია და აღმოსავლეთი. ილიას აზრი ვაჟა-ფშაველასზე. ილია — ორატორი. ი. ზურაბიშვილის მოწმობა. ილიას მუშაობა. ილიას პურადობა. ილიაობა და მისი მნიშვნელობა. ილიას მიერ თავისივე თავის დახასიათება. ილია სურათზე და ახალგაზრდობაში. ილია და მუსიკა. ილიას გარეგნობა.

112 — 123

XIX

ივითმპყრობელობის პროვოკაცია. ილია ჭავჭავაძის მოკვლა. ილიას დაკრძალვა. ილიას ძეგლი.

123 — 129





96135300
3020000000

